



楚辭卷之三十

第七冊

卷二十五之卷三十

陳仲魚舊藏

聽香館主得

高園居士署檢



施註蘇詩卷之二十五



漫堂先生宋 榮

長洲顧嗣立

樸園先生張榕端

閱定

毗陵邵長蘅

刪補

商丘宋 至

詩四十九首

時在翰林作

次韻子由送陳侗知陝州

誰能如鐵牛。橫身負黃河。滔天不能沒。尺筮未易訶。世
俗自無常。徐公故逶迤。別來不可說。事與浮雲多。當時
無限人。毀譽即墨阿。虛聲了無實。夜蟲鳴機梭。相逢一
笑外。奈此白髮何。天驥皆籟雲。長鳴飽芻禾。王庭旅百

實大貝隨弓戈君獨一麾去欲賡五袴歌甘棠古樂國
白酒金叵羅知君不久留治行中新科過客足曠喜東
堂記分鵝此外但坐嘯後生工揣摩

徐公徐邈也三國盧欽言世人無常而徐公有常云云詳見十九卷太守徐君猷詩注史記齊威王召即墨大夫而語之曰自子之居即墨也毀言日至然吾使人視即墨田野闢人民給官無留事東方以寧是子不事吾左右以求譽也封之萬家召阿大夫語曰自子之在阿譽言日聞然吾使人視阿田野不闢民愁苦昔日趙攻甄子弗能救衛取薛陵子弗知是子以幣厚吾左右以求譽也是日烹之左傳莊二十二年庭實旅百天地之美具焉書亂之舞衣大貝鼗鼓在西房兌之戈和之弓垂之竹矢在東房顏延年五君詠屢薦不入官一麾乃出守五袴後漢廉范事注已見甘棠陝州事今驛名尚謂之甘棠館晉劉毅傳初江州刺史庾悅隆安中為司徒長史至京口毅時甚屯寔先就府借東堂與親故出射而悅後與僚佐徑來詣堂毅告之曰毅屯否之人合一射甚難君於諸堂並可望以今日見讓悅不許既而悅食鵝毅求其餘悅又不答毅銜之義熙之政奪悅豫章解其軍府使人微示其旨悅恐懼而死

送賈訥倅眉二首

當年入蜀歎空回未見峨眉眉可再來童子遙知頌襦袴
使君先已洗樽壘公自注李大夫眉之賢守也鹿頭北望應逢鴈人日東
郊尚有梅公自注人日出東郊渡江游墓頤山眉之故事也我老不堪歌樂職後生試
覓子淵木

杜子美鹿頭山詩鹿頭何亭亭樂職用王褒事褒字子淵注屢見

老翁山下玉淵回手植青松三萬栽父老得書知我在
蓬蒿親手為君開試看一一龍蛇舞更聽蕭蕭風雨哀
便與甘棠同不剪蒼髯白甲待歸來公自注先君葬于墓頤山之東二十餘里地名老翁

泉君許為一佳感歎之深故及之

送程建用

程建用字籜仲眉山人

運合自然入情

先生謂建用之久
時已歿故詩中身
言奉世

先生本舌耕。文字浩千頃。空倉付公子。坐待發苕穎。十
年困新說。兒女爭捕影。鑿垣種蒿蓬。嘉穀誰復省。空餘
南陔意。太息北堂冷。織屨隨方進。採薪教韋逞。辛勤守
一經。菽水賢五鼎。今年聞起廢。魯史復光景。公子亦改
官。三就繁馬頸。歸來一笑粲。素髮颯垂領。會看金花詔。
湯沐奉朝請。天公不吾欺。壽與龜鶴永。

郭憲洞冥記賈逵口授經傳致粟盈倉人謂之舌耕拾遺記亦云新說謂王安石
三經新義漢郊祀志谷永說上曰姦人挾左道以欺罔人主聽其言若將可遇求
之盪盪如係風捕影終不可得莊子庚桑楚是其於辯也將妄鑿垣牆而植蒿蓬
也毛詩南陔孝子相戒以養也詩國風焉得諛草言樹之背注云背北堂也李太
白贈楚司空詩北堂千萬壽奉侍有光輝晉翟方進傳毋憐其幼隨之長安織屨
以給再見晉列女傳韋逞毋宋氏書則採薪夜則教逞禮記綴菽飲水盡其歡斯
之謂孝史記太史公自序春秋補敝起廢王道之大者魯史復光景謂元祐初詔
復春秋周禮王路錫樊纓十有再就鄭司農云喪禮下篇曰馬纓三就禮家說曰

纓當冒以削革為之三就三重三匝杜預左傳注繁纓馬飾也潘安仁秋興賦素
髮颯以垂領宋敏求春明退朝錄官告之制夫人金花羅紙七張公羊傳湯沐之
邑漢齊悼惠王傳以一郡上太后為公主湯沐邑顏師古注高紀曰以其稅賦供
湯沐之具晉職官志奉朝請本不為官無員漢東京罷三公外戚宗室諸侯多奉
朝請奉朝請者奉朝會請召而已白樂天雨
中花詩松枝上鶴著下龜千年不死仍無病

次韻李修孺畱別二首

十年流落敢言歸。魚鳥江湖只自知。豈意青天掃雲霧。
盡呼黃髮寄安危。風流吾子真前輩。人物他年記一時。
我欲折繻畱此老。緇衣誰作好賢詩。

晉樂廣傳衛瓘見廣而奇之曰此人之水鏡見之瑩然若披雲霧而睹青天尚書
尚猶詢咨黃髮則罔所愆唐郭子儀傳以身為天下安危者二十年禮記好賢如
緇衣惡惡
如巷伯

此生別袖幾回麾。夢裏黃州空自疑。何處青山不堪老。

當年明月巧相隨。窮通等是思家意。衰病難堪送客悲。
好去江魚煮江水。劍南歸路有姜詩。

後漢列女傳廣漢姜詩事母至孝母好飲江水嗜魚鱸夫婦力作供餼舍側忽有泉湧味如江水每旦輒出雙鯉以供膳

次韻黃魯直赤目

誦詩得非子夏學。紬史正作丘明書。天公戲人亦薄相。
畧遣幻翳生明珠。賴君年來屏鮮腴。百年燈光同一如。
書成自寫蠅頭表。端就君王覓鏡湖。

史記子夏子死哭之失明漢司馬遷傳為太史令紬史記石室金匱之書又報任安書云左丘失明厥有國語

和周正孺墜馬傷手

周正孺名尹成都人

平生學道已神完。豈復兒童私自憐。醉墜何曾傷內守。

有與會詞三可當
七卷

色憂當為念先傳。書空漸覺新詩健。把蟹行看樂事全。
賣卻老驄為酒直。大呼鄉友作新年。

莊子達生篇醉者之墜車雖疾不死其神全也再見禮記世子色憂不滿容又樂止子春下堂而傷足數月不出猶有憂色曰父母全而生之子全而歸之可謂孝矣今予忘孝道是以有憂色書空殷浩事把蟹使畢卓持螯事注並再見

戲周正孺二絕

折臂三公未可知。會當千鎰訪權奇。勸君鬻駱猶閑事。
腸斷閨中楊柳枝。

從上篇結意作轉

晉羊祜傳善相墓者言祜祖墓有帝王氣祜鑿之相者曰猶出折臂三公祜竟墜馬折臂位至公太公六韜商王拘周伯昌于姜里太公以金千鎰求天下珍物以免君之罪于是得犬戎氏文馬名雞斯之乘以獻商王漢禮樂志天馬歌志倣儻精權奇駱馬楊枝用白樂天事互見十二卷及二十卷詩註

天廐新放玉鼻驄。故人共敵亦常情。相如雖老猶能賦。

換馬還應繼二生

換馬用愛妾換馬事詳見二十一卷張近幾仲龍尾子石硯詩注

題文與可墨竹 并引叙

故人文與可為道師王執中作墨竹且謂執中勿使他人書字待蘇子瞻來令作詩其側與可既沒八年而軾始還朝見之乃賦一首

斯人定何人游戲得自在詩鳴草聖餘兼入竹三昧時出木石荒怪軼象外舉世知珍之賞會獨余最知音古難合奄忽不少待誰云生死隔相見如龔隗

楚詞遠游吾將從王喬而游戲法書苑懷素自言得草書三昧法華經佛入于無量義處三昧疏云梵語三昧此云正受晉書衛瓘傳瓘善書臨終版授其妻曰

吾亡後五年有詔使來姓龔此人負吾金即以此版責之期日果有龔使者止亭中妻遂齎版往責之使者惘然不知所以良久乃命取著策之卦成嘆曰妙哉隗生于是告照妻曰吾不負金賢夫自有金知吾善易故書版以寄意耳金有五百斤盛以青囊覆以銅梓埋在堂屋東頭還掘之皆如上

潘推官母李氏挽辭

南浦淒涼老逐臣東坡還往盡幽人杯杓一作盤慣作陶家客絃誦嘗叨孟母鄰尚有升堂他日約豈知負土一阡新今年我欲江湖去暮雨連山宰樹春

楚詞九歌送美人兮南浦江文通別賦送君南浦傷如之何列女傳孟軻之母號孟母三徙乃舍學宮之旁戲嬉設俎豆揖讓進退孟母曰此真可以居矣君子謂孟母善以漸化陶家用侃母事升堂用范張事並再見

玉堂栽花周正孺有詩次韻

故山桃李半荒榛麤報君恩便乞身竹簟暑風招我老

只錄銀之用用物語餘皆純以神思鑄鑄情景相融絕妙言說

玉堂花藥為誰春。纖纖翠蔓詩催發。皎皎霜葩髮鬪新。
只有來禽青李帖。他年畱與學書人。

歐陽公內制集序涼竹簾之暑風曝茅簷之冬日晉王逸少有來禽青李帖再見

杜介送魚

新年已賜黃封酒。舊老仍分鱸尾魚。陋巷關門負朝日。
小園除雪得春蔬。病妻起斫銀絲鱸。稚子謹尋尺素書。
醉眼朦朧覓歸路。松江煙雨晚疎疎。

送杜介歸揚州

再入都門萬事空。閑看清洛漾東風。當年帷幄幾人在。
回首觚稜一夢中。採藥會須逢薊子。問禪何處識龐翁。

歸來鄰里應迎笑。新長淮南舊桂叢。

班孟堅西都賦設壁門之鳳闕上觚稜而棲金爵注觚稜闕角也後漢薊子訓傳有百歲翁自說為兒時見子訓賣藥於會稽市顏色不異今日傳燈錄江湖緇白謂禪門龐居士即毗耶淨名楚詞招隱士淮南小山之作也其辭云桂樹叢生兮山之幽偃蹇連卷兮枝相繚

狄詠石屏

狄詠樞密使武襄公青之子與先生同館伴遼使

霏霏點輕素。眇眇開重陰。風花亂紫翠。雪外有煙林。雪
近勢方壯。林遠意殊深。會有無事人。支頤識此心。

和黃魯直燒香二首

四句燒香偈子。隨香遍滿東南。不是聞思所及。且令鼻
觀先參。

華嚴經觀世音菩薩聞思修入三摩地楞嚴經孫陀羅難陀白佛言世尊教我及拘絺羅觀鼻端白我初諦觀經三七日見鼻中氣出入如煙煙相漸消鼻息成白

王本題詠秋
詠石屏

萬卷明窗小字。眼花只有爛斑。一炷煙消火冷。半生身老心閑。

再和

公自注來詩言飲酒畫竹石草書

置酒未逢休沐。便同越北燕南。且復歌呼相和。隔牆知是曹參。

丹青已自前世。竹石時窺一斑。五字還當靖節。數行誰似高閑。

王維詩當代謬詞客前身應畫師韓退之高閑上人序今閑之於草書有旭之心哉

武昌西山

并引 鄧潤甫字溫伯建昌人宣仁簾聽以字行改字聖求紹聖間始復名哲宗親政溫伯首開紹述遂基宗

社之禍拜尚書左丞居位財兩月薨

嘉祐中翰林學士承旨鄧公聖求為武昌令常游

寒溪西山山中人至今能言之軾謫居黃岡與武

昌相望亦常往來谿山間元祐元年十一月二十

九日考試館職與聖求會宿玉堂偶話舊事聖求

嘗作元次山窪樽銘刻之巖石因為此詩請聖求

同賦當以遺邑人使刻之銘側

春江淥漲蒲萄醅武昌官柳知誰栽憶從樊口載春酒

步上西山尋野梅西山一上十五里風駕兩腋飛崔嵬

同游困臥九曲嶺褰衣獨到吳王臺中原北望在何許

但見落日低黃埃歸來解劍亭前路蒼崖半入雲濤堆

浪翁醉處今尚在石臼杯一作杯音薄侯切飲無樽壘爾來古意

誰復嗣公有妙語畱山隈至今好事除草棘常恐野火

燒蒼苔當時相望不可見玉堂正對金鑿開豈知白首

同夜直臥看椽燭高花摧江邊曉夢忽驚斷銅鑲玉鎖

鳴春雷山人帳空猿鶴怨江湖水生鴻鴈來請公作詩

寄父老往和萬壑松風哀叙致工妙

晉陶侃傳鎮武昌課諸營種柳都尉夏施盜官柳植之於門侃後見駐車問曰此是武昌西門柳何因盜來此種施惶怖謝罪解劍亭在武昌先生嘗云子胥渡江處也唐元結傳字次山後家灑濱乃自稱浪士元次山集有窠樽銘云片石何壯如獸之跋其背窠窠可以為樽又杯樽銘云誰能杯飲共守淳朴唐史宣宗以金蓮燭送令狐綯歸翰林院蓋椽燭而以金蓮花承之杜子美詩鴻鴈幾時到江湖秋水多

再用前韻

朱顏發過如春醅胃中梨棗初未栽丹砂未易掃白髮

赤松卻欲參黃梅寒溪本自遠公社白蓮翠竹依崔嵬

當時石泉照金像神光夜發如五臺飲泉鑿面得真意

坐視萬物皆浮埃欲收暮景返田里遠沂江水窮離堆

還朝豈獨羞老病自嘆才盡傾空壘諸公渠渠若夏屋

吞吐風月清隅隈我如廢井久不食古甃缺落生陰苔

數詩往復相感發汲新除舊寒光開遙知二月春江闊

雪浪倒卷雲峰摧石中無聲水亦靜云何解轉空山雷

何從來願求南宗一勺水往與屈賈湔餘哀

金像事見先年
善法泉銘序中

公自注韋應物詩云水性本云靜石中固無聲如何兩相激雷轉空山驚

真誥火棗交梨之樹已生君心中再見漢張良傳注赤松子仙人號也再見傳燈錄弘忍大師者蘄州黃梅人廬山記遠公與十八賢同修淨土號白蓮社陳舜俞廬山記晉陶侃為廣州刺史海濱漁人常見夜有光艷網之得金文殊菩薩像後商人於東海亦獲圓光持以就像若彌縫焉侃以送武昌寒溪寺侃移督江州迎以自隨復為風濤所溺遠公勸寺乃禱於水上其像復出會昌毀寺二僧藏之錦繡谷其後寺復訪之不獲至今峯頂佛手巖天池有見光相者海東文殊傳五臺即五方如來之座也華嚴經疏清涼山者鴈門郡五臺山也劉禹錫送僧詩釋子道成神氣閑住持曾上清涼山晴空禮拜見真像金毛五髻卿雲間漢溝洫志蜀守李冰鑿離堆避沫水之害穿二江成都中南史江淹傳爾後為詩絕無美句時人謂之才盡毛詩於我乎夏屋渠渠周易井渫不食舊井無禽孟浩然詩一日不讀書心荒如廢井傳燈錄僧問雲門如何是曹溪一滴水按禪宗自中華五祖之下曹谿六祖為南宗神秀大師為北宗史記屈原傳自原沉汨羅後百有餘年矣漢有賈誼為長沙太傅過湘水投書以弔之

送楊孟容

墨跡刻石成都府治題云送楊體先知廣安軍

此詩先生自謂
依黃山右傳

我家峨眉陰與子同一邦相望六十里共飲玻璃江江山不違人遍滿千家牕但苦牕中人寸心不自降子歸

治小國洪鐘噓微撞我畱侍玉座弱步敬豐扛後生多高才名與黃童雙不肖入州府故人餘老龐殷勤與問訊愛惜霜眉厖何以待我歸寒醅發春缸

漢項籍傳力扛鼎顏師古曰扛舉也說文兩人對舉曰扛杜子美遣興詩昔者龐德公未曾入州府

見子由與孔常父唱和詩輒次其韻余昔在館中同舍出入輒相聚飲酒賦詩近歲不復講故終篇及之庶幾諸公稍復其舊亦太平盛事也

名然時
名然亦然聊一

君先魯東家門戶照千古文章固應爾須鬣餘似處雖非蒙俱狀尚肖歷國苦誦書口瀾翻布穀雜杜宇十年困奔走櫛沐飽風雨吾道其非邪野處豈兕虎霸陵閑

老將柏直口尚乳自君兄弟還鼎立知有補蓬山者舊
散故事誰刪去來迎馮翊傳出餞會稽組吾猶及前輩
詩酒盛冊府願君倡此風揚解斯杜舉

孔子家語魯人不識孔子聖人乃曰彼東家丘吾知之矣荀子非相篇仲尼之狀面如蒙俱後漢馮衍傳詞如循環口如布穀莊子天下篇禹堙洪水沐甚雨鬱疾風史記孔子世家楚使人聘孔子陳蔡大夫發徒役圍孔子於野不得行孔子召子路而問曰詩云匪兕匪虎率彼曠野吾道非邪吾何為於此霸陵用李廣事屢見漢高祖紀漢王問酈食其魏大將誰也曰柏直王曰是口尚乳臭不能當韓信後漢竇章傳學者稱東觀為老氏藏室道家蓬萊山漢朱買臣傳買臣衣故衣懷其印綬步歸郡邸有頃長安廐吏乘駟馬車來迎買臣遂乘傳去穆天子傳羣玉之山先王所謂冊府注云先王以為藏書冊之府禮記至于今既畢獻斯揚解謂

之杜舉

趙令晏崔白大圖幅徑三丈

圖經見聞志崔白濠梁人工畫花竹翎毛熙寧初命

與艾宣畫垂拱殿御宸竹鶴各一扇白為首出

法人好為大之新
不能看此光綫
天景偏寫仔細
元龍百尺樓五
字本不連屬
從來皆錯用

扶桑大蠶如蠶益天女織綃雲漢上往來不遣鳳銜梭
誰能鼓臂投三丈人間乃尺不敢裁丹青付與濠梁崔
風蒲半折寒鴈起竹間的傑寒江梅畫堂粉壁翻雲幙
十里江天無處著好臥元龍百尺樓笑看江水拍天流

女仙傳園客妻神女也園客種五色香草積數十年服食其實忽有五色蛾集香草上客收而薦之以布生花蠶焉至蠶時有女自來助客養蠶亦以香草飼之得蠶百十二枚大如蠶列仙傳述異記並云互見一卷和子由踏青詩注博物志有居海島上者每年八月見浮槎過因齋糧而登忽至一處城郭甚壯舍中多織婦俄一丈夫牽牛水次飲之後乃知天河也西京雜記成帝設雲帳雲幄雲幕於甘泉紫殿世謂之三雲殿

次韻張昌言給事省宿

張昌言名問兩為河北轉運知滄州新法之行獨不阿時好元祐初

為祕書監使河北相度水事過水靜軍奏乞減價糶本軍寄糶斛斗四十餘萬石救郡民饑朝廷從之還為給事中故有朔野按行猶雀躍之句未幾致仕而卒年七十五按昌言本襄陽人種世衡遺以汝州田十頃辭弗受當是徙居於汝先生亦常欲居汝故云

待向崧陽求水竹一犁煙雨伴公歸雖南遷此志不遂諸子以治命卒葬汝之邾城焉

馮顛久已歆殘雪。我眼何曾眩落暉。朔野按行猶爵躍。

東臺暝坐覺鳥飛。公自注道家有鳥飛入兔宮之說謾誇年少容吾在。公自注樂天詩

云猶有誇張少年處笑呼張丈喚殷兄若鬪樽前舉世稀。待向崧陽求水竹。

犁煙雨伴公歸。

馮顛言馮唐也唐白首郎署故云晉王戎傳戎視日不眩裴楷見而日之曰戎眼爛爛如巖下電莊子在宥篇鴻蒙方將拊髀雀躍而遊牛僧孺贈劉中丞詩休論世上升沈事且鬪樽前見在身再見

次韻三舍人省上公自注三月二十九日作明日駕幸景靈宮

紛紛榮瘁何能久。雲雨從來翻覆手。恍如一夢墮枕中。卻見三賢起江右。公自注曾子開劉貢父孔經父皆江西人嗟君妙質皆瑚璉。顧我

虛名但箕斗。明朝冠蓋蔚相望。共扈翠輦朝宣光。武皇

已老白雲鄉。正與羣帝驂龍翔。獨留杞梓扶明堂。

杜子美貧交行翻手作雲覆手雨紛紛輕薄何須數古詩南箕北有斗牽牛不負軀良無磐石固虛名復何益本朝事實景靈宮神宗御容殿曰宣光杜詩矯如羣帝驂龍翔韓退之送張道一詩況當營都邑杞梓用不疑

送錢承制赴廣西路分都監

當年我作表忠碑。坐覺江山氣未衰。舞鳳尚從天目下。收駒時有渥洼姿。踞牀到處堪吹笛。橫槊何人解賦詩。知是丹霞燒佛手。先聲應已懾羣夷。公自注廣西僧寺頃有佛動之異錢君碎而投之江中

表忠觀碑詳見十七卷送錢道士歸杭注杭州圖經吳越王錢氏世葬臨安先是有題詩於上者云天日山前兩乳旁鸞飛鳳舞下錢塘兩山空缺橫為案數百年中出五王或云乃晉郭璞詩其後二句云海門山氣橫為按五百年間異姓王今兩存之又天目山上有兩湖如左右目故名晉桓伊傳伊有蔡邕柯亭管常自吹

六暗用韓退之故事

之王徽之赴名命泊舟青溪素不相識伊於岸上過徽之令人謂曰聞君善吹笛
為我一弄伊時已顯貴素聞徽之名便下車踞胡牀為作三調弄畢便上車去客
主不交一言新唐書杜甫傳元稹論曰建安之後曹氏父子鞍馬間為文往往橫
槊賦詩故其狀抑揚怨哀悲離之作尤極於古傳燈錄丹霞禪師於慧林寺遇天
寒取木
佛焚之

次韻曾子開從駕二首

曾子開名肇子固幼弟舉進士入館閣編修國史自熙寧以來四十

年大臣更用事邪正相軋黨論屢起子開身更其間數不合兄弟布與韓儀公忠彥並相祐陵初政日謀所以傾危之子開詒書警戒甚切其兄不能用蔡京得政兄弟俱不免

槐街綠暗雨初勻。瑞霧香風滿後塵。清廟幸同觀濟濟。
豐年喜復接陳陳。雍容已饜天庖賜。俯伏初嘗貢茗新。
輦路歸來聞好語。共驚堯顛類高辛。

史記五帝本紀帝嚳高辛崩放勳立是為帝堯孔子世家鄭人或謂子貢曰其顛似堯

入仗覓驚愧草萊。一聲清蹕九門開。暉暉日傍金輿轉。
習習風從玉宇來。流落生還真一芥。周章危立近三槐。

公自注學士班近執政

道傍儻有山中舊。問我收身蚤晚回。

周禮宮正凡邦之事蹕鄭氏云蹕止行者楚辭九歌聊翱游兮周章周禮三槐三公位焉歐陽述懷詩何日蚤收身江湖一漁艇

再和

眼花錯莫鬢霜勻。病馬羸騶只自塵。奉引拾遺叨侍從。
思歸少傅羨朱陳。衰年壯觀空驚目。嶮韻清詩苦鬪新。
最後數篇君莫厭。擣殘椒桂有餘辛。

毛詩無將大車祗自塵兮杜子美憶昔詩我昔近侍叨奉引子美以至德二年拜右拾遺白樂天有朱陳村詩樂天以開成初改太子少傅

憶觀滄海過東萊。日照三山迤邐開。桂觀飛樓凌霧起。

仙幢寶蓋拂天來。不聞宮漏催晨箭。但覺簷陰轉古槐。

供奉清班非老處。會稽何日乞方回。公自注時方闕會稽守

揚子觀書者警諸觀山及水升東嶽而知衆山之迤邐也百樂天詩朱箔銀餅迤邐開史記封禪書公孫卿言仙人好樓居於是上令長安作蜚廉桂觀吳越春秋范蠡為句踐立飛翼樓以象天門維摩經起七寶塔以一切纓絡幢幡而供養之又毗耶離城長者子持七寶蓋來請佛所杜子美詩翠華拂天來向東周禮挈壺氏縣壺以序聚椽鄭氏云縣壺以為漏漏之箭晝夜共百刻冬夏之間有長短焉太史立成法有四十八箭杜和賈舍人詩五夜漏聲催曉箭又詩憶昨逍遙供奉班去年今日侍龍顏管仲情傳字方回除太常固讓不拜樂補遠郡從之出為會稽內史久之乞骸骨因居會稽

次韻貢父省上

密雲今日破郊西。疎雨翛翛未作泥。要及清閑同笑話。行看衰病費扶攜。花前白酒傾雲液。戶外青驄響月題。不用臨風苦揮淚。君家自與竹林齊。公自注貢父詩中有不及與其兄原甫同時之歎然

其兄子仲馮今為起居舍人

周易密雲不雨自我西郊韓退之南內朝賀歸詩薄雲蔽秋曦清雨不成泥莊子馬蹏篇伯樂善治馬加之以衡扼齊之以月題

再和

當年曹守我膠西。共厭舖糟與汨泥。自古赤丸成習俗。因公黃犢免提攜。生還各有青山興。病起猶能小字題。莫怪歌呼數相和。曾將獄市寄全齊。公自注貢父為曹州盜賊皆奔鄰境嘗有詩云從教

晉盜稍奔秦

漢地理志高密國文帝十六年為膠西宣帝本始元年更高密曹守言劉貢父也楚辭漁父世人皆濁何不汨其泥而揚其波衆人皆醉何不舖其糟而歎其醜赤丸用尹賞事黃犢用龔遂事並已見漢曹參傳為齊丞相召去屬其後相曰以齊獄市為寄慎勿擾也

送顧子敦奉使河朔

顧子敦名臨會稽人舉說書科入館閣元祐二年擢給事中朝廷問回河拜待

制出為河北都轉運使公疏言臨資性方正學有根本慷慨中立凜然有古人之風宜雷實左右別選深知河事者往使不報後諸公餞子敦復次前韻詩有云上書苦雷君言拙輒報已指此事也子敦至部請因河勢回使東流復名歸班為翰林學士紹聖初以龍圖閣學士守定徙應天河南時論既變奪職守新安斥居番陽年七十二卒徽宗立追復之

我友顧子敦。軀膽兩俊偉。便便十圍腹。不但貯書史。容君數百人。一笑萬事已。十年臥江海。了不見愠喜。磨刀向豬羊。醜酒會鄰里。歸來如一夢。豐頰愈茂美。平生批敕手。濃墨寫黃紙。會當勒燕然。廊廟登劍履。翻然向河朔。坐念東郡水。河來吃不去。如尊乃勇耳。

時子敦奉詔注河詳見本集卷之五顧臨狀

唐李藩傳為給事中制有不便就敕尾批卻之吏請聯他紙藩曰聯紙是弊豈曰批敕即後漢竇憲傳擊匈奴登燕然山刻石勒功紀漢威德班固作銘漢蕭何傳高帝賜何帶劍上殿管王導傳劍履上殿入朝不趨漢王尊傳為東平相謂東平王天下皆言王勇顧但負責安能勇如尊乃勇耳又尊為東郡太守河溢瓠子金

堤尊居堤上去詳見十三卷河復詩注王立之詩話元祐中顧子敦有顧屠之號以其極肥偉也其後奉使河朔居士有詩送之云便便十圍腹不但貯書史又云磨刀向豬羊醜酒會鄰里又云批敕手皆用屠家語也子敦讀之頗不樂所以居士復和前篇云善保千金軀前言戲之耳

次韻子由送家退翁知懷安軍

翁兄弟少時皆嘗從眉州劉徽之見子由送家安國詩

家退翁名定國弟復禮名安國東坡子由及退

吾州同年友。粲若琴上星。當時功名意。豈止拾紫青。事

既喜喜字疑誤當作與違願。天或不假齡。今如圖中鶴。俛仰在一

庭。公自注吾州同年友十三人今存者六人而已故有琴上星圖中鶴之語退翁守清約。霜菊有餘馨。鼓

笛方入破。朱絃微莫聽。西南正春旱。廢沼黏枯萍。翩然

一麾去。想見靈雨零。我無謫仙句。待詔沉香亭。空騎內

廐馬。天仗隨雲輶。竟無絲毫補。眷焉誰汝令。永愧舊山

宋制翰林學士例賜馬

叟憑君寄丁寧

劉禹錫送張盟詩序今人以借升名為同年友漢夏侯勝傳經術苟明取青紫如拾地芥耳晉嵇康傳作幽憤詩曰事與願違遘茲淹留毛詩靈雨既零命彼倌人後漢郎觀傳

丁寧再三

諸公餞子敦軾以病不往復次前韻

君為江南英。面作河朔偉。人間一好漢。誰似張長史。上書苦留君。言拙輒報已。置之勿復道。出處俱可喜。攀輿共六尺。食肉飛萬里。誰言遠近殊。等是朝廷美。遙知送別處。醉墨爭淋紙。我以病杜門。商頌空振履。後會知何日。一歡如覆水。善保千金軀。前言戲之耳。

舊唐書狄人傑傳武后問曰朕要一好漢任使有平仁傑曰荊州長史張柬之其人雖老宰相材也若用之必能盡節於國家漢東方朔傳四方士上書言得失其

不足采者輒報聞罷先生奏議有乞留顧臨狀漢袁盎傳天子所與共六尺輿者皆天下豪英後漢班超傳相者謂超曰生燕領虎頭飛而食肉萬里侯相也莊子讓王篇曾子居衛曳綆而歌商頌聲滿天地若出金石新序原憲曳杖履行歌商頌天子不得而臣諸侯不得而友也

和張昌言喜雨

二聖憂勤忘寢食。百神奔走會風雲。禁林夜直鳴江瀨。清洛朝回起縠紋。夢覺酒醒聞好語。帳空簾冷發餘薰。秋來定有豐年喜。剩作新詩準備君。

二聖謂哲宗與太后也劉禹錫竹枝詞瀼西春水縠紋生杜牧之詩水紋如縠燕差池

次韻劉貢父西省種竹

要知西掖承平事。記取劉郎種竹初。舊德終呼名字外。後生誰續笑談餘。

公自注昔李公擇種竹館中戲語同舍後人指此竹必云李文正手植貢父笑曰文正不獨繫筆亦知種竹耶

風流跌宕冷味不窮

時有筆工
李文正、成陰障日行當見取筭供庖計已疎白首林間
望天上平安時報故人書

西陽雜俎李衛公言北都惟童子寺有竹一窠才長數尺公令其寺綱維每日報竹平安公自注亦云

偶與客飲孔常父見訪設席延請忽上馬馳去
已而有詩戲用其韻答之

揚雄他文不皆奇獨稱觀餅居井眉酒客法士兩小兒
陳遵張竦何曾知主人有酒君獨辭蟹螯何不左手持
豈復見吾橫氣機遣人追君君絕馳盡力去花君自癡
醍醐與酒同一卮請君更問文殊師

魏文帝典論如王粲之初征登樓槐賦征思徐幹之立猿漏卮負扇橋賦雖張蔡不過也然于他文未能稱是漢陳遵傳遵與張竦俱以列侯歸長安竦居貧無賓

客時時好事者從之論道經善而遵晝夜號呼車騎滿門先是揚雄作酒箴為酒
客難法度士譬之於物曰子猶餅矣觀餅之居居井之眉自用如此不如鴟夷遵
大喜之謂竦曰吾與爾猶是莊子應帝王篇季咸相壺子壺子曰吾向示之以太
沖莫勝是殆見吾橫氣機也明日又與之見壺子立未定自失而走壺子曰追之
列子追之不及返以報壺子曰已滅矣已失矣吾弗及矣維摩經
花至大弟子便著不墮一切弟子神力去花不能令去又互見前

次韻子由書李伯時所藏韓幹馬 李伯時名公麟一字叔時舒城人南

唐先主昇諸孫舉進士長於詩父虛一喜藏法書名畫伯時自少好之遂悟古人用筆畫特精絕氣韻高遠意造天成顧陸張吳殆不能過留意三代鼎彝之器博學精鑒用意至到聞一器雖千金不少靳性嗜玉見輒以善價求之晚作洗玉池先生銘之又酷愛伯時丹青見於詩篇文字不一而足其仕監奏邸敕令刪定官御史檢法官後病痺不能運筆反以厚賞收已所作云

潭潭古屋雲幙垂省中文書如亂絲忽見伯時畫天馬
朔風胡沙生落錐天馬西來從西極勢與落日爭分馳
龍膺豹股頭八尺奮迅不受人間羈元狩虎脊聊可友

開元玉花何足奇。伯時有道真吏隱。飲啄不羨山梁雌。丹青弄筆聊爾耳。意在萬里誰知之。幹惟畫肉不畫骨。而況失實空餘皮。煩君巧說腹中事。妙語欲遣黃泉知。君不見韓生自言無所學。廐馬萬匹皆吾師。六章于韻脚之病

子由詩画師幹幹豈知道画馬不得獨画馬皮画出三馬腹中事似欲譏世人莫知伯時一見笑不語告

次韻劉貢父獨直省中

明牕畏日曉先暎。高柳鳴蜩午更喧。筆老新詩疑有物。

我幹幹非画師

心空客疾本無根。隔牆我亦眠風榻。上馬君先瑣月軒。共喜蚤歸三伏近。解衣槃礴亦君恩。

軾以去歲春夏侍立邇英而秋冬之交子由相

繼入侍次韻絕句四首各述所懷

瞳瞳日脚曉猶清。細細槐花暖自零。坐閱諸公半廊

廟。公自注僕射吕公門下韓公右丞劉公皆自講席大用時看黃色起天庭。

上尊初破蚤朝寒。茗盃仍霑講舌乾。陛楯諸郎空雨立

故應慙悔不儒冠。上尊若此是年傳冠事耶

言有人騰化僅比衛士為優耳然其有趨則爾矣

陸補儒冠注並已見

兩鶴摧頽病不言。年來相繼亦乘軒。悞聞九奏聊飛舞。

可得裴回為啄吞

左傳閔二年衛懿公好鶴鶴有乘軒者史記扁鵲傳百神游於鈞天廣樂九奏萬舞又樂書師曠鼓琴一奏有玄鶴二八集乎廊門再奏之延頸而鳴舒翼而舞藝文類聚白鶴古詩云五里一反顧六里一裴回吾欲銜汝去口噤不能開吾欲負汝去毛羽日摧頹漢東方朔傳尻益高者鶴俛啄也文選升天行啄腐吞腥

微生偶脫風波地晚歲猶存鐵石心定似香山老居士

世緣終淺道根深公自注樂天自江州司馬除忠州刺史旋以主客郎中知制誥遂拜中書舍人軾雖不敢自比然謫居黃州起

知文登召為儀曹遂泰侍從出處老少大畧相似庶幾復享此翁晚節閑適之樂焉

送宋朝散知彭州迎侍二親

宋彭州名構字成之成都人

東來誰迎使君車知是丈人屋上烏丈人今年二毛初
登樓上馬不用扶使君負弩為前驅蜀人不復談相如
老幼化服一事無有鞭不施安用蒲春波如天漲平湖

應酬詩如此便輕妙

偶脫風波何不思起而徒自放手

鞞紅照坐香生膚鞞鞞上壽白玉壺公堂登歌鳳將雛
諸孫歡笑爭挽須蜀人畫作西湖圖

說苑天公謂武王曰愛其人者兼屋上之烏杜子美贈李四丈詩丈人屋上烏人好鳥亦好左傳僖二十二年君子不禽二毛注頭白有二色也潘安仁秋興賦春秋三十有二始見二毛漢司馬相如傳使西南夷至蜀太守以一郊迎縣令負弩矢先驅蜀人以為寵後漢劉寬傳典歷三郡溫仁多恕吏人有過但用蒲鞭罰之示辱而已北史崔祖思叔父景真為平昌太守有惠政常懸一蒲鞭而未嘗用去任之日士人思之為立祠鞞紅牡丹名見歐陽花譜彭州多此花唐韻鞞囊也音與眷同史記淳于髡傳親有嚴容髡鞞鞞鞞侍酒於前時賜餘瀝奉觴上壽再見晉樂志鳳將雛舊曲也杜北征詩問事就挽須誰能即噴鳴

郭熙畫秋山平遠

公自注文潞公為跋尾圖畫見聞志郭熙河陽人工畫山水寒林

玉堂畫掩春日閑中有郭熙畫春山鳴鳩乳燕初睡起
白波青嶂非人間離離短幅開平遠漠漠疎林寄秋晚
恰似江南送客時中流回頭望雲巘伊川佚老鬢如霜

半篇郭熙平篇公玉堂畫掩春日閑却從自己說起先伏我從公遊一段

彭方牡丹家感入蜀記稱為小西京古今雜記稱為花州

臥看秋山思洛陽。為君紙尾作行草。炯如嵩洛浮秋光。我從公游如一日。不覺青山映黃髮。為畫龍門八節灘。待向伊川買泉石。

杜子美詩鳴鳩乳燕青春深又詩白波吹粉壁青嶂插彫梁伊川佚老文潞公也白樂天開八節灘詩序云東都龍門潭之南有八節灘九峭石唐田游巖傳泉石膏肓癖疾霞痼疾

次韻張昌言喜雨

千里黃流失故居。年來赤地到青徐。遙聞爭誦十行詔。無異親巡六尺輿。精貫天人一言足。雲興嶽瀆萬靈趨。愛君誰似元和老。賀雨詩成即諫書。

後漢循吏傳光武以手跡賜方國者皆一札十行細書成文白樂天元和三年賀雨詩卒章云君以明為聖臣以直為忠敢賀有其始亦願有其終漢王吉傳以三

百篇諫故
無諫書

施註蘇詩卷之二十五

卷二十六

施註蘇詩卷之二十六

漫堂先生宋 榮

長洲顧嗣立

樸園先生張榕端

閱定

毗陵邵長蘅

刪補

商丘宋 至

詩四十九首

時官翰林作
施註缺今補

書晁補之所藏與可畫竹三首

與可畫竹時見竹不見人。豈獨不見人。嗒然遺其身。其
身與竹化。無窮出清新。莊周世無有。誰知此凝神。

莊子達生篇用志
不分乃凝於神

若人今已無。此竹寧復有。那將春蚓筆。畫作風中柳。君

入律

看斷崖上瘦節蛟虵走何時此霜竿復入江湖手

隋書楊素戲柳調曰柳條通體弱獨搖不
禁風白樂天畫竹歌蕭畫莖瘦節節疎

晁子拙生事舉家聞食粥朝來又絕倒諛墓得霜竹可

憐先生槃朝日照首蓓吾詩固云爾可使食無肉公自注
吾舊詩

云可使食無肉
不可使居無竹

首二句用魯公乞米帖語屢見世說衛玠談道平子絕倒唐韓愈傳劉义者亦節
士持愈數斤金去曰此諛墓中人得者不若與劉君為壽首蓓槃詳第四卷和子

由詩注
屢見

戲用晁補之韻

昔我嘗陪醉翁醉今君但吟詩老詩清詩咀嚼那得飽
瘦竹瀟灑令人饑試問鳳凰饑食竹何如駑馬肥首蓓

知君忍饑空誦詩口頰瀾翻如布穀

王注醉翁歐陽永叔也詩老梅聖俞也莊子秋水篇鷓鴣非梧桐不止非練實不
食注練實竹實也本草首蓓出西域漢大宛列傳馬嗜首蓓漢使取其實來于是
天子始種首蓓又杜子美詩宛馬
總肥春首蓓布穀瀾翻注已見

書皇親扇

十年江海寄浮沉夢遶江南黃葦林誰謂風流貴公子
筆端還有五湖心

唐人題韓信廟詩隆準蚤知
同鳥喙將軍應有五湖心

書李世南所畫秋景二首

李世南字唐臣安肅

野水參差落漲痕疎林欹倒出霜根扁舟一棹歸何處

家在江南黃葉村

唐臣孫能去浩歌字能今作
實一舟子張頤也作浩歌字能今作
扁舟甚無謂也見西遊記字雲由之能

人間斤斧日創夷。誰見龍蛇百尺姿。不是溪山曾獨往。何人解作挂猿枝。

創夷瘡痍同後漢書命軍史察夷傷注金瘡曰夷李白詩山光搖積雪猿影挂寒枝

書鄆陵王主簿所畫折枝二首

論畫以形似見與兒童鄰。賦詩必此詩。定非知詩人。詩畫本一律。天工與清新。邊鸞雀寫生。趙昌花傳神。如何此兩幅。疎澹含精勻。誰言一點紅。解寄無邊春。

劉勰文心雕龍文章有形似之語畫鑑唐人花鳥邊鸞最為馳譽段成式詩活禽生卉推邊鸞趙昌見二十三卷王伯敷藏趙昌花詩注

瘦竹如幽人。幽花如處女。低昂枝上雀。搖蕩花間雨。雙翎決將起。眾葉紛自舉。可憐採花蜂。清蜜寄兩股。若人

富天巧。春色入毫楮。懸知君能詩。寄聲求妙語。

莊子逍遙遊。遊罔與鷺鳩笑之曰。我決起而飛。搶榆枋。漢賈捐之傳。君房言語妙天下。

人 昨見韓丞相言王定國今日玉堂獨坐有懷其人

晝臥玉堂上。微風舉輕紈。銅餅下碧井。百尺鳴飛瀾。俛仰清夢餘。愛此一掬寒。似予平生友。苦語涼肺肝。秀眉玉兩頰。矯矯如翔鸞。置之江淮交。清詩洗江湍。紅鱗對白酒。信美非所安。丞相功業成。還家酒杯寬。人間有此客。折簡呼不難。相將扣東閣。起舞盡餘歡。

韓退之憶昨行危詞苦語感我耳

州 時定國方倅揚

和張耒高麗松扇

張耒字文潛淮陰人蘇門四學士之一

可憐堂上十八公。老死不入光明一作明光宮。萬牛不來難自獻。裁作團團手中扇。屈身蒙垢君一洗。挂名君家詩集裏。猶勝漢宮悲婕妤。好網蟲不見乘鸞子。

會稽錄丁固夢松生腹上有解之者曰松字十八公也後十八年果為三公三輔故事桂宮中有光明殿班婕妤怨歌行新裂齊紈扇皎潔如霜雲裁成合歡扇團團似明月江文通擬班婕妤好詩紈扇如圓月出自機中素畫作秦王女乘鸞向煙霧劉禹錫團扇歌秋風入庭樹從此不相見上有乘鸞女蒼蒼網蟲遍先生詩蓋參錯三詩之意也

故李誠之待制六丈挽詞

青青一寸松。中有樑棟姿。天驥墮地走。萬里端可期。世無阿房宮。下建五丈旗。又無穆天子。西征燕瑤池。才大

古難用。老死亦其宜。丈夫恐不免。豈患莫已知。公如松與驥。少小稱偉奇。俯仰自廊廟。笑談無羌夷。清朝竟不用。白首仍憂時。願斬橫行將。請烹乾沒兒。言雖不見省。坐折姦雄窺。嗟我去公久。江湖生白髭。歸來耆舊盡。零落存者誰。比公嵇中散。龍性不可羈。疑公李北海。慷慨多雄詞。淒涼五君詠。沉痛八哀詩。邪正久乃明。人今屬公思。九原不可作。千古有餘悲。

秦始皇本紀作前殿阿房上可以坐萬人下可以建五丈旗再見列子穆王肆意遠遊命駕八駿之乘升崑崙之丘遂賓于西王母觴于瑤池之上一日行萬里史記季布列傳樊噲曰臣願得十萬眾橫行匈奴中季布曰噲可斬也夫高帝將兵四十餘萬眾困於平城今噲奈何以十萬眾橫行匈奴中漢食貨志烹弘羊天乃雨詳見十九卷魚蠻子詩注又張湯始為小吏乾沒與長安富賈田甲魚翁叔之屬交私魏畧文帝與元城令吳質書徐陳應劉一時俱逝何圖數年之間零落畧

詩心含吐哀
五君詠用張燕
公事非也項上連
還用願詩耳

盡言之傷心顏延年五君詠謂阮籍嵇康劉伶阮咸向秀也其詠嵇康云鸞翮有時鍛龍性誰能馴杜子美八哀詩謂王思禮李光弼嚴武汝陽王璉李邕蘇源明鄭虔張九齡也李邕詩云憶昔李公存詞林有根柢聲華當健筆灑落富清製李邕嘗為北海太守禮記趙文子與叔譽觀乎九原文子曰死者如可作也吾誰與歸

次韻孔常父送張天覺河東提刑

送君應典鸛鶴裘憑仗千鍾洗別愁脫帽風流餘長史

公自注君喜草書而不工故以此為戲埋輪家世本留侯公自注張綱子房七世孫也健為武陽人墓在今彭山君豈其後邪

子河駿馬方爭出公自注麟府馬出子河必昭義疲兵得少休公自注唐福昭義步兵蓋澤潞

弓箭定向秋山得嘉句故關黃葉滿行舟

西京雜記司馬相如初與卓文君還成都居貧愁懣以所著鸛鶴裘貫酒為歡長史張旭也杜子美飲中八仙歌云張旭三杯草聖傳脫帽露頂王公前王注故關即河東古關唐李端古別離詩水國葉黃時洞庭霜落夜行舟聞商賈宿在楓林下此地送君還茫茫似夢間

送張天覺得山字

西登太行嶺北望清涼山晴空浮五髻晻靄卿雲間餘

光入巖石神草出茅管何人相指似稍稍落人寰能令

墜指兒虬髯茁冰顏祝君如此草為民已痼瘵我亦老

且病眼花腰腳頑念當勤致此莫作河東慳

山志太行山在澤州晉中縣五臺山一名清涼山史記天官書若煙非煙若雲非雲郁郁紛紛蕭索輪囷是謂卿雲劉禹錫詩金毛五髻卿雲間詳見二十五卷武昌西山注山志山中有圓光不次呈現詩小雅露彼菅茅王注五臺山有草藥名長松亦名仙茆時有患風疾者入山遇異僧授此草服之兩眉再生疾遂愈

次韻王定國倅揚州

此身江海寄天游一落紅塵不易收未許相如還蜀道

空教何遜在揚州又驚白酒催黃菊尚喜朱顏映黑頭

火急著書千古事虞卿應未厭窮愁

五古唐詩卷之三
四和重

司馬相如傳建節往使西南夷至蜀太守以下郊迎縣令負弩矢先驅蜀人以為
寵杜註何遜作揚州法曹廨舍有梅花盛開遜吟詠其下後居洛思梅花再請其
任從之抵揚州花方盛遜對花徬徨終日史記平原
君傳虞卿非窮愁亦不能著書以自見于後世云

贈李道士

并序叙

駕部員外郎李宗君固景祐中良吏也守漢州有
道士尹可元精練善畫以遺火得罪當死君緩其
獄會赦獲免時可元八十一自誓且死必為李氏
子以報可元既死二十餘年而君子世昌之婦夢
可元入其室生子曰得柔小名蜀孫幼而善畫既
長讀莊老喜之遂為道士賜號妙應事母以孝謹
聞其寫真蓋妙絕一時云

信筆揮洒去如

世人只數曹將軍誰知虎頭非癡人腰間大羽何足道
頰上三毛自有神平生狎侮諸公子戲著幼輿巖石裏
故教世世作黃冠布鞵青鞋弄雲水千年鼻祖守關門
一念還為李耳孫香火舊緣何日盡丹青餘習至今存
五十之年初過二衰顏記我今如此他時要指集賢人
知是香山老居士

公自注樂天為翰林學士奉詔寫真集賢院

張彥遠名畫記曹霸魏髦之後天寶末每詔寫御馬及功臣官至左武衛將軍再
見又顧愷之小字虎頭丹青妙絕一時俗傳虎頭三絕畫絕痴絕才絕互見第五
卷寄莘老詩注杜子美丹青引良相頭上進賢冠猛將腰間大羽箭晉顧愷之傳
嘗圖裴楷象頰上加三毛覺神明殊勝又為謝鯤象在石巖裏云此子宜置丘壑
中幼輿謝鯤字再見唐書李播棄隋為道士號黃冠子杜子美山水障歌青鞋布
鞵從此始揚雄反騷或鼻祖于汾隅劉德注始也關令內傳關令尹喜登樓四
望見東極有紫氣西邁曰應有聖人經過至期齋戒守關果見老子一念用揚妃
外傳語見第十四卷芙蓉城詩注史記老子列傳姓李名耳為周守藏室史王注

鼻祖指尹喜李耳指老聃按李道士前生姓尹後為李氏子而皆為道士故用尹喜老聃事通言之孔融與曹公書五十之年融又過二白樂天詩昔作少學士圖形入集賢今為老居士寫貌寄香山

次韻張舜民自御史出倅虢州畱別舜民字雲叟元豐辛酉為環慶

師屬明年責監郴州酒稅尋以年勞賜五品服元祐初還朝赴試玉堂按柳屬湖湘故曰湘纍又賜服赴試故有給札佩銀之語

玉堂給札氣如雲初起湘纍復佩銀樊口淒涼已陳迹

公自注昔與張同游武昌樊口來詩中及之班心突兀見長身公自注臺史謂御史立處為班心江湖前

日真成夢鄂杜他年恐卜鄰此去若容陪坐嘯故應客

主盡詩人

漢司馬相如列傳請為天子遊獵之賦上令尚書給筆札又相如既奏夫人賦天子大說飄飄有凌雲氣揚雄反騷因江潭而注記今欽弔楚之湘纍注不以罪死曰纍注往也長身注屢見地

次韻米黻二王書跋尾二首

三館曝書防蠹毀得見來禽與青李秋虵春蚓久相雜
野鷺家雞定誰美玉函金籥上天來紫衣敕使親臨啟
紛綸過眼未易識磊落挂壁空雲委歸來妙意獨追求
坐想蓬山二十秋怪君何處得此本上有桓玄寒具油
巧偷豪奪古來有一笑誰似癡虎頭君不見長安永寧
里王家破垣誰復修

職畧宋以昭文集賢史館為三館皆寓崇文院尚書故實王內史有來禽青李帖秋虵春蚓野鷺家雞注屢見漢武內傳封以白玉之函黃庭經王魁金籥常完堅後漢逸民傳井丹善談五經京師語曰五經紛綸井大春晉謝靈運傳比響聯辭波屬雲委王子年拾遺記海中三神山二曰蓬壺即蓬萊也續晉陽秋桓玄好蓄法書名畫客至常出而觀客食寒具油汙其畫後遂不設寒具集韻寒具餠餅也晉顧愷之傳嘗以一廚畫寄桓玄玄發其廚後竊取之愷之見封題如初但失

公在治平乙巳在史館正元中乙丑在史館初有石壁想遂山二十秋句

其畫直云妙畫通靈變化而去猶人之登仙了無怪色唐王淮傳居永寧里法帖名畫以厚賞鉤取鑿垣納之及被誅所藏書畫悉為人破取

元章作書日千紙平生自苦誰與美畫地為餅未必似要令癡兒出饒水錦囊玉軸來無趾粲然奪真疑聖智忍饑看書淚如洗至今魯公餘乞米

三國盧毓傳文帝詔曰選舉莫取有名名如畫地作餅不可啖也歐陽永叔詩盛以錦囊裝玉軸孔融與曹公書珠玉無蹀而自至者人好之也乞米魯公帖

次韻宋肇惠澄心紙二首

詩文發源澄心堂紙乃江南李后主製劉貢父詩云當時百金

售一幅澄心堂中千萬軸後人聞此那復得就使得之當不識

詩老囊空一不畱百番曾作百金收公自注永叔以澄心百幅遺聖俞聖俞有詩君也要雕肝腎分我江南數斛愁

庾亮賦且將一寸心能容萬斛愁王注澄心紙江南李后主製故曰江南數斛愁韓退之詩不用雕琢愁肝腎

君家家學陋相如宜與諸儒論石渠古紙無多且分我自應給札奏新書

王注宋肇蓋子京家子京好為險澀之語故言其家學陋相如也漢儒林列傳甘露中施讐與五經諸儒雜論同異于石渠閣三國魏武帝本紀諸將征伐皆以新書從事

郭熙秋山平遠二首

郭熙秋山平遠見二十五卷題注

目盡孤鴻落照邊遙知風雨不同川此間有句無人識送與襄陽孟浩然

杜子美詩復憶襄陽孟浩然新詩句句盡堪傳再見

木落騷人已怨秋不堪平遠發詩愁要看萬壑爭流處

他日終煩顧虎頭

李白詩昨夜秋聲聞闔來洞庭木落騷人哀晉顧愷之傳人間會稽山水之狀愷之云千巖競秀萬壑爭流

送歐陽辯監澶州酒

汗血駕鼓車。何從致千里。紛紛槽麴間。欲試賢公子。君家江南英。濯足滄浪水。卻渡舊黃河。漲沙埋馬耳。由來付造物。倚伏何窮已。當念楚子文。三仕無愠喜。

史記大宛列傳大宛多善馬馬汗血東觀漢記光武時名都王國有獻名馬者帝以馬駕鼓車

○九月十五日。邇英講論語終篇。賜執政講讀史

官燕于東宮。又遣中使就賜御書詩各一首。臣

軾得紫薇花絕句。其詞云。絲綸閣下文書靜。鐘

鼓樓中刻漏長。獨坐黃昏誰是伴。紫薇花對紫

微郎。翌日各以表謝。又進詩一篇。臣軾詩云。通鑑

元祐二年秋宴近臣于資善堂出所書唐人詩分賜按年譜先生以元祐元年自中書舍人為翰林學士知制誥二年兼侍讀通典唐置中書舍人六人其內一人知制誥天寶元年改中書為紫微省舍人曰紫微郎羣芳譜紫薇花小而叢其色紫一名木樨

通首多一輕縹白在重得休

鬼戲

繡裳畫袞雲垂地。不作成王剪桐戲。日高黃繖下西清。風動槐龍舞交翠。公自注邇英閣前有雙槐樛然屬地如龍形壁中蠹簡今千年。漆

書科斗光射天。諸儒不復憂吻燥。東宮賜酒如流泉。酒

酣復拜千金賜。一紙驚鸞回鳳字。蒼顏白髮便生光。袖

有驪珠三十四。公自注臣所賜書并題目及臣姓名凡三十四字歸來車馬已喧闐。爭

看銀鉤墨色鮮。人間一日傳萬口。喜見雲章第一篇。公自

此下另拓一層
少陵佳處

時議棄靈州

一向書述三聖妙
能輕便

注上前此未嘗
以御書賜羣臣

玉堂晝掩文書靜。鈴索不搖鐘漏永。莫言弄

筆數行書。須信時平由主聖。犬羊散盡沙漠空。捷烽夜

到甘泉宮。似聞指揮築上郡。已覺談笑無西戎。公自注時
熙河新獲

鬼章是日涇原復奏
夏賊數十萬人遁去文思天子師文母。終閉玉關辭馬武。小

臣願對紫薇花。試草尺書招贊普。公自注按唐制翰林學士帶知
制誥許綴中書舍人班今臣以

知制誥待罪禁林故
得以紫薇為故事

詩國風衮衣繡裳。史記晉世家成王與叔虞戲。削桐葉為圭。與之曰。以此封若史

佚請擇日立叔虞曰。天子無戲言。揚雄賦。攬擢流於高光。今容方皇於西清。漢書

魯恭王壞孔子舊宅。於其壁中得古文經傳。後漢書杜林於西州得漆書古文尚

書一卷。科斗即壞宅所得也。陸機文賦。始躑躅於燥吻。杜子美詩。不有小舟能盪

槳。百亞那送酒如泉。索靖草書狀。婉若銀鈎。飄若驚鸞。王羲之草書勢姿。婆娑而同

鳳舞。韓退之詩。遺我明珠九十六。寒光照骨眇驪目。戎幕閒話翰林院。有懸鈴以

備中夜警急。文書出入則引索以代呼。唐書長慶中河北用兵。翰林院鈴索自鳴

與軍事緩急相應。韓渥詩。夜久忽聞鈴索動。玉堂西畔響丁東。杜子美詩。捷書夜

報清晝。同三輔黃圖。甘泉宮在池陽縣西去長安二百里。史記蒙恬列傳。北逐夷

狄。收河南。築長城。居上郡。書堯典。欽明文思安安。唐杜牧之詩。文思天子復河湟

詩。周頌亦右文母。按文母指太皇太后也。後漢臧宮傳。時匈奴饑疫。宮與揚虛侯

馬武上書。願得五千騎。以立功。詔辭不許。又范曄論光武閉玉門。以謝西域之質

後漢西域傳。建武二十一年。西域十八國遣子入侍。天子皆還其侍子。一統志

玉門關在沙州。魏收詩。尺書傲建邺。杜子美詩。救書憐贊普。注贊普吐番君號

和王晉卿

件序

元豐二年予得罪貶黃州而駙馬都尉王誥亦坐

累遠謫不相聞者七年予既召用而誥亦還朝相

見殿門外感歎之餘作詩相屬詞雖不甚工然託

物悲慨阨窮而不怨泰而不驕憐其貴公子有志

如此故和其韻欲使誥姓名附見予詩集中然亦

不以示誥也誥字晉卿功臣全斌之後云

宋史全斌
太原人贈

先生飲東坡。獨舞無所屬。當時挹明月。對影三人足。醉
眠草棘間。蟲虺莫予毒。醒來送歸鴈。一寄千里目。悵然
懷公子。旅食久不玉。欲書加飡字。遠託西飛鵠。謂言相
濡沫。未足救溝瀆。吾生如寄耳。何者為禍福。不如兩相
忘。昨夢那可逐。上書得自便。歸老湖山曲。躬耕二頃田。
自種十年木。豈知垂老眼。對此金蓮燭。公子亦生還。仍
分刺史竹。賢愚有定分。尊俎守尸祝。文章何足云。執技
等醫卜。朝廷方西顧。羌鹵驕未伏。遙知重陽酒。白羽落
黃菊。羨君真將家。浮面氣可掬。何當請長纓。一戰河湟

復

史記魏其武安侯列傳天起舞屬丞相唐詩欲窮千里目更上一層樓杜子美詩
旅食京華春尚書惟辟玉食又晉王濟傳濟屢服玉食按濟為晉駙馬則於晉卿
用之宜矣古樂府上有加飡食王注公自黃量移汝州表乞常州居住詔許之唐
令狐綯傳為學士承旨夜對禁中撤金蓮花炬送還院按先生時為學士嘗召對
便殿宣仁撤御前金蓮燭送歸院或即自述其事歟莊子逍遙遊庖人雖不治庖
尸祝不越樽俎而代之矣漢司馬遷傳文史星歷近乎卜祝之間李白九日登巴
陵置酒望洞庭水軍詩白羽落酒樽唐書袁天綱傳見寶軌曰君方語氣浮入于
大宅若將必多殺人願自戒漢書終軍傳願請長纓以羈南越王而致之闕下復
河湟見本卷九
月十五日詩注

謝王澤州寄長松兼簡張天覺二首

莫道長松浪得名。能教覆額兩眉青。便將徑寸同千尺。
知有奇功似伏苓。

長松五臺山神草詳見本卷送張天覺詩註抱朴子松
脂入地千年變為茯苓神仙傳秀眉公餌茯苓得仙

憑君說與埋輪使。速寄長松作解嘲。

公自注張天覺詩有理及河東慳之語無

復青黏和漆葉。在將鍾乳敵仙茅。
漢揚雄傳或嘲以玄尚白而雄解之作解嘲三國華陀傳樊阿從佗求可服食益於人者佗授以漆葉青黏散注青黏一名地尺一名黃芝黏女廉反本草千斤鍾乳不若一斤仙茅

次韻劉貢父所和韓康公憶持國二首

夢覺真同鹿覆蕉。相君脫屣自參寥。顏紅底事髮先白。
室邇何妨人自遙。狂似次公應未怪。醉推東閣不須招。
援毫欲作衣冠表。盛事終當繼八蕭。

列子鄭人有薪於野者遇駭鹿擊而斃之藏諸墮中覆之以蕉俄而遺其所藏之處遂以為夢順塗而詠其事傍有聞者用其言而取之薪者歸其夜真夢藏之之處又夢得之之主案所夢而尋得之遂訟而爭之歸之士師士師請二分之一以聞鄭君鄭君曰士師將復夢分人鹿耶相君字中史記范睢傳莊子大宗師玄冥聞

之參寥唐書蕭氏自槁至遇八葉宰相名德相望與唐盛衰世有衣冠盛事圖

閉戶端居念獨深。小軒朱檻憶同臨。燎鬢誰識英公意。
黃髮聊知子建心。已託西風傳絕唱。且邀明月伴孤斟。
他時內集應呼我。下客先拚醉墮簪。

史記陸賈傳陳平常燕居深念陸生往請直入坐而陳丞相方深念不時見陸生陸生曰何念之深也唐李勣傳姊蚤寡有疾自為煮粥火燎其鬢曰吾與姊皆老矣能幾進之勣封英國公曹子建別白馬王彪詩王其愛玉體俱享黃髮期

次韻劉貢父叔姪扈駕

玉堂孤坐不勝清。長羨枚鄒接長卿。只許隔牆聞置酒。
時因議事得聯名。機雲似我多遺俗。廣受如君不治生。
共託屬車塵土後。鈞天一餉夢中榮。

司馬相如傳是時梁孝王來朝從鄒陽枚乘之徒相如見而說之因病免客游梁得與諸侯遊士居杜子美詩隔屋喚西家借問有酒不糟頭過濁醪展席俯長流漢疏廣傳廣為太傅兄子受為少傅俱移病歸子孫竊謂其昆弟老人勸說君買田宅廣曰賢而多財損其志愚而多財益其過漢司馬相如傳犯屬車之清塵應劭注大駕屬車八十一乘史記趙世家簡子夢與白神遊於鈞天廣樂九奏萬舞不似三代之樂其聲動人心韓退之詩雖得一餉樂

次韻韓康公置酒見雷

庭下黃花一醉同重來雪巘已穹窿不應屢費譏安石但使無多酌次公鍾乳金釵人似玉鷓絃鐵撥坐生風少卿尚有車茵在頗覺寬容勝弱翁

晉謝安傳字安石於土山營墅樓館林竹甚盛每攜中外子姪往來遊集肴饌亦屢費百金世頗以此譏焉而安殊不以屑意白樂天戲贈牛僧孺詩鍾乳三千兩金釵十二行鷓絃鐵撥注屢見漢書丙吉字少卿車茵見第

次韻王都尉偶得耳疾

君知六鑿皆為贅我有一言能決痼病客巧聞牀下蟻癡人強覷棘端猴聰明不在根塵裏藥餌空為婢僕憂但試周郎看聾否曲音小誤已回頭

莊子大宗師彼以生為附贅懸疣以死為決疣潰癰韓子燕王好伎巧而人妄進曰臣能於棘刺之端造母猴三國吳周瑜傳精意于音樂雖三爵之後其有闕誤瑜必知之知之必顧故時謠曰曲有誤周郎顧

送喬仝寄賀君六首

并序

舊聞靖長官賀水部皆唐末五代人得道不死章聖皇帝東封有謁於道左者其謁云晉水部員外郎賀亢再拜而去上不知也已而閱謁見之大驚物色求之不可得天聖初又使其弟子喻澄者詣

坡翁於此等處似
秦皇漢武文之似
封禪書

新日明快

闕進佛道像直數千萬張公安道與澄遊具得其
事又有喬仝者少得大風疾幾死賀使學道今年
八十益壯盛人無復見賀者而仝數見之元祐二
年十二月仝來京師十許日子留之不可曰賀以
上元期我於蒙山又曰吾師嘗遊密州識君於常
山道上意若喜君者作是詩以送之且作五絕句

以寄賀

靖長官見十二卷送
范景仁遊洛中詩法

君年二十美且都初得惡疾墮眉須紅顏白髮驚妻孥
覽鏡自嫌欲棄軀結茅窮山啖松腴路逢逃秦博士盧
方瞳照野清而癯再拜未起煩一呼覺知此身了非吾

炯然蓮花出泥塗隨師東遊渡濰却山頭見我兩輪朱
豈知仙人混屠沽爾來八十胸垂胡上山如飛嗔人扶
東歸有約不敢渝新年當參老仙儒秋風西來下雙鳧
得棗如瓜分我無

詩國風洵美且都抱朴子上黨趙瞿者病癩垂死其家乃送之山穴中有仙人行
過穴口以囊藥賜之瞿服自許日瘡愈顏色豐悅肌膚玉澤仙人曰此是松脂耳
列仙傳盧敖為秦始皇博士使求神仙一去不返互見第五卷盧敖洞詩注王子
年拾遺記老聃居山有父老五人方瞳玉面握清筠杖共談天地及五行之精列
仙傳僊俗兩瞳更方維州密州二水名瀾衡傳欲使我從屠沽兒輩也
詩國風狼跋其胡注領下懸肉也杜子美詩上馬不用扶每扶必怒喚

生長兵間蚤脫身晚為元祐太平人不驚渤澥桑田變
來看龜蒙漏澤春

後漢光武紀生長兵間久厭武事柳子厚與蕭儉書朝夕歌謠使成文章雖不得
位亦不虛為太平之人也太平廣記王遠傳麻姑云接待已來東海三為桑田詩

魯頌奄有龜蒙山志龜山在兗州泗水縣蒙山在沂州費縣寰宇記兗州泗水縣東北漏澤穴有五皆深二丈每春夏積水秋冬不過三日水皆盡

曾謁東封玉輅塵幅巾短褐亦逡巡行宮夜奏空名姓
悵望雲霞縹緲人

周禮王之五輅一曰玉輅又車宮軒門帷宮旌門注天子行宮也

垂老區區豈為身微言一發重千鈞始知不見高皇帝
正似商山四老人

王注一發謂四皓對高祖太子仁孝之語

舊聞父老晉郎官已作飛騰變化看聞道東蒙有居處
願供薪水看燒丹

東蒙即蒙山一名東山南史陶潛傳送一力給其子曰今遣此力助汝薪水之勞抱朴子金丹燒之愈久變化愈妙食之令人不老不死

千古風流賀季真最憐嗜酒謫仙人狂吟醉舞知無益
粟飯藜羹問養神

李白憶賀監詩四明有狂客風流賀季真長安一相見呼我謫仙人再見莊子刻意篇此養神之道也

送家安國教授歸成都 家安國字復禮眉山人博學舉進士不第後隨韓存寶征乞第得官

既而諸公舉之得成都教授故詩內有說劍橫經鋒鏘腥編簡香之句

別君二十載坐失兩鬢青吾道雖艱難斯文終典刑屢
作退飛鷁羞看乾死螢一落戎馬閒五見霜葉零夜談
空說劍春夢猶橫經新科復舊貫童子方乞靈須煩凌
雲手去作入蜀星蒼苔高殿室古柏文翁庭初聞編簡
香稍覺鋒鏘腥岷峨有雛鳳梧竹養脩翎嗚呼應嶰律

結六句亦有所指所
欠者公自注耳

飛舞集虞廷吾儕便歸老亦足慰餘齡

杜子美詩案頭乾死讀書螢莊子有說劍篇按通鑑元祐二年詔毋用王氏經義從呂公著請復制科詩中新科復舊貫指此後漢李卻傳和帝遣使徵服單行觀采風謠二使當到益部李卻指星云有二使星入益州分野高朕見第五卷監試呈同官詩注王注高朕室今府學古室文翁庭今有古柏處呂氏春秋黃帝使伶倫截嶰谷竹制十二筒聽鳳凰之鳴以為律呂

和子由除夜元日省宿致齋三首

按除夜元祐二年丁卯元日三年戊辰也

江湖流落豈關天禁省相望亦偶然等是新年未相見
此身應坐不歸田

白髮蒼顏五十三家人遙遣試春衫朝回兩袖天香滿
頭上銀幡笑阿咸

杜子美詩朝罷香煙攜滿袖杜子美杜位宅守歲詩守歲阿咸家王注銀幡元日所賜者

當年踏月走東風坐看春闈鏤醉翁白髮門生幾人在
卻將新句調兒童

次韻答張天覺二首

車輕馬穩轡銜堅但有蚊蚋喜撲綠截斷口前君莫問
人間差樂勝巢仙

列子齊輯乎轡銜之際蚊蚋撲綠出莊子屢見李賀小傳天上差樂不苦也韓退之記夢詩口前截斷第二句綽虐顧我顏不歡乃知神仙未賢聖護短憑愚邀我敬我寧屈曲身世間安能從汝巢神仙

馭風騎氣我何勞且要長松作土毛亦如訶佛丹霞老
卻向清涼禮白毫

傳燈錄丹霞禪師過慧林寺遇天大寒師取木佛燒火院主訶之師以杖子撥灰曰吾燒取舍利主曰木佛何有舍利師曰既無舍利更取兩尊來燒院主自後着

須墮落王注張天覺為河東提刑行部至五臺山游清涼山時有神光也法華經世尊于靈山會上為諸大眾說二十八品放眉間白毫相光照三千大千世界

次韻黃魯直畫馬試院中作

按年譜先生以元祐三年戊辰任翰林學士知貢舉

少年鞍馬勤遠行。臥聞齧草風雨聲。見此忽思短策橫。十年髀肉磨欲透。那更陪君作詩瘦。不如芋魁歸飯豆。門前欲嘶御史驄。詔恩三日休老翁。羨君懷中雙橘紅。

公自注黃

有老母

杜子美韋偃畫馬歌一匹齧草一匹嘶又詩知君苦思緣詩瘦芋魁飯豆注屢見後漢桓典傳拜侍御史是時宦官秉權典執政無所回避常乘驄馬京師畏憚為之語曰行行且止避驄馬御史宋故事省試官出院給假三日吳志陸績見袁術術出橘績懷三枚去拜辭墮地術謂曰陸郎作賓客而懷橘乎答曰欲歸遺母

○余與李廌方叔相知久矣領貢舉事而李不得

第愧甚作詩送之

廌陽翟人少以文字見蘇子瞻子瞻喜之及知舉廌適就試意在必得廌以冠多士

何愧之有惟先

以試題私之翻使
點者竊以俾進
乃可愧耳
今人目迷五色之
語味其本義

及考章程文大喜以為廌無疑遂以為魁既拆號悵然出院以詩送廌

與君相從非一日。筆勢翩翩疑可識。平生謾說古戰場。過眼終迷日五色。我慙不出君大笑。行止皆天子何責。青袍白紵五千入。知子無怨亦無德。買羊沽酒謝玉川。為我醉倒春風前。歸家但草凌雲賦。我相夫子非臞仙。

唐李華傳嘗擬作古戰場文極意研確他日與蕭穎士讀之問誰可及答曰君加精思便能至矣華愕然信服李肇國史補唐李程貞觀中試日五色賦破云德動天鑿祥開日華揚於陵覽之曰須作狀頭翌日無名於陵攜示主文曰場中有此侍郎何以待之曰非狀元不可於陵曰若如此侍郎已遺賢矣亟命取李程卷對之不差一字遂擢第一左傳成二年知榮對楚王曰無怨無德不知所報韓退之寄玉川子詩買羊沽酒謝不敏再見又紅芍藥歌花前醉倒歌者誰楚狂小子韓退之漢司馬相如傳列仙之儒居山澤間形容甚臞

和王晉卿送梅花次韻

東坡先生未歸時。自種來禽與青李。五年不踏江頭路。
夢逐東風泛蘋芷。江梅山杏為誰容。獨笑依依臨野水。
此間風物君未識。花浪翻天雪相激。明年我復在江湖。
知君對花三歎息。

按未歸時指在黃州時也

和宋肇遊西池次韻

漢皇慈儉不開邊。尚教千艘下瀨船。貪看艨艟飛鬪艦。
不知鼉虜舞鈞天。故山西望三千里。往事回思二十年。
自笑區區足官府。不如公子散神仙。

漢食貨志時粵欲與漢用船戰遂乃大修昆明池列館環之治樓船高十餘丈旗幟加其上西京雜記昆明池中有戈船樓船各數百艘漢武帝紀甲為下瀨將軍

注瀨湍也伍子胥書有下瀨船字吳志周瑜取蒙衝鬪艦十聯實以薪草同時舉火釋名外狹而長曰艨艟上下重板曰艦按艨艟蒙衝通吳都賦巨鼉鼉音備戲注云作力貌西京雜記昆明池刻石為鯨魚每至雷雨魚嘗鳴吼鼉鼉皆動韓退之酌盧給事詩上界真人足官府豈如散仙鞭笞鸞鳳終日相追陪再見

施註蘇詩卷之二十六

施註蘇詩卷之二十七

長洲顧嗣立

漫堂先生宋 榮

閱定

毗陵邵長蘅

刪補

樸園先生張榕端

商丘宋 至

詩四十五首 時在翰林

書艾宣畫四首 圖畫見聞志艾宣鍾陵人工畫花竹翎毛

竹鶴

此君何處不相宜况有能言老令威誰識長身古君子
猶將緇布緣深衣

劉禹錫竹詩依依似君子無地不相宜杜子美畫鶴詩低昂各有意磊落如長人禮記古者深衣蓋有制度以應規矩準繩權衡故先王貴之今云緇布緣深衣以

鶴之狀身白而黑緣於外也

黃精鹿

太華西南第幾峰。落花流水自重重。幽人只採黃精去。不見春山鹿養茸。

本草黃精一名鹿竹華山為多

杏花白鷗

天工剪刻為誰妍。抱藥游蜂自作團。把酒惜春都是夢。不如閑客此閑看。

韓退之李花詩剪刻作此連天花楊文公談苑李昉畜五禽皆以客名白鷗曰閑客鷺曰雪客鶴曰仙客孔雀曰南客鸚鵡曰隴客昉畫為五客圖各為詩五章杜牧之詩願為閑客此閑行

蓮龜

半脫蓮房露壓欹。綠荷深處有遊龜。只應翡翠蘭苔上。獨見玄夫曝日時。

抱朴子千歲龜巢如蓮葉杜子美漫興詩或看翡翠蘭苔上未掣鯨魚碧海中沈懷遠南越志宋元君夢玄元大夫神之龜也韓退之詩再拜謝玄夫收悲以歡欣

僕領貢舉未出錢穆父雪中作詩見及三月二

十日同游金明池始見其詩次韻為答

雪○知○我○出○已○全○消○花○待○君○來○未○敢○飄○行○避○門○生○時○小○飲○
忽逢騎吏有嘉招。魚龍絕技來千里。斑白遺民數四朝。知有黃公酒壚在。蒼顏華髮自相遙。

唐傳記有行行避門生之語漢西域傳贊作漫衍魚龍角抵之戲以觀視之晉王戎傳嘗經黃公酒壚下顧後車客曰昔與嵇阮酣暢於此自嵇阮云亡吾為時之

所羈繼今日視之雖
近邈若山河再見

次韻子由五月一日同轉對

元祐三年五月一日公以翰林學士兼侍讀文定以

戶部侍郎同對先是公發策試廖正一館職問王莽曹操事侍御史王明叟觀奏論以為非是韓川趙挺之亦攻之公屢疏丐去故詩有憂患半生歸休上策云云結用趙堯事言事官中必有所指也

跪奉新書笏在腰。談王正欲伴耕樵。晉陽豈為一門事。
宣政聊同五月朝。憂患半生聯出處。歸休上策蚤招要。
後生可畏吾衰矣。刀筆從來錯料堯。

漢揚雄傳士有不談王道者樵父笑之唐溫大雅傳高祖初大雅與弟彥博對掌華近帝曰我起晉陽為卿一門耳唐書貞元中詔自今五月一日御宣政殿與文武百僚相見漢周昌傳趙堯為符璽御史趙人方與公謂昌曰君之史趙堯奇士是且代君之位時昌為御史大夫笑曰堯年小刀筆吏耳何至是乎居頃之昌為趙相堯遂代之

尾句以不平執政者
三聯進此乃東坡平
生之病也

韓康公挽辭三首

韓康公名絳字子華已見七卷石涼莊詩注

故國非喬木。興王有世臣。嗟予後死者。猶及老成人。德業經文武。風流表搢紳。空餘行樂地。處處泣遺民。

晉樂廣傳天下言風流者謂王樂為稱首史記五帝紀薦紳先生難言之徐廣曰薦紳即搢紳也古字假借

再世忠清德。三朝翊贊勳。功成不歸國。就訪敢忘君。舊學嚴詩律。餘威靖塞氛。何當繼韓奕。故吏總能文。

王注三朝康公所歷英宗神宗及哲宗也毛詩韓奕尹吉甫美先王也能錫命諸侯按公墓誌知慶州日熟羌據堡為亂公出兵討平之故有餘威靖塞氛句

西第開東閣。初筵點後塵。笙歌邀白髮。燈火樂青春。扶路三更罷。回頭一夢新。賦詩猶墨濕。把卷獨沾巾。

後漢馬融傳為竇憲作西第頌漢公孫弘傳為相開東閣以延賢人詩小雅賓之初筵左右秩秩張景陽七命余雖不敏請從後塵晉羊曇嘗因石頭大醉扶路唱

樂見謝
安傳

柏石圖詩 并引

陳公弼家藏柏石圖其子慥季常傳寶之東坡居士作詩以為之銘

柏生兩石間天命本如此雖云生之艱與石相終始韓子俯仰人但愛平地美土膏雜糞壤成壤幾何耳君看此槎牙豈有可移理蒼龍轉玉骨黑虎抱金柅畫師亦可人使我毛髮起當年落筆意正欲譏韓子

韓退之詩柏生兩石間萬歲終不大又詩柏移就平地柏有傷根容周易繫於金柅貞吉三國蜀費禪得來敏曰君信可人必能辦賊

慶源宣義王丈以累舉得官為洪雅主簿雅州

戶掾遇吏民如家人人安樂之既謝事居翁之青神瑞草橋放懷自得有書來求紅帶既以遺之且作詩為戲請黃魯直秦少游各為賦一首為老人光華

青衫半作霜葉枯遇民如兒吏如奴吏民莫作官長看我是識字耕田夫妻嗁兒號刺史怒時有野人來挽須拂衣自注下下考芋魁飯豆吾豈無歸來瑞草橋邊路獨游還佩平生壺慈姥巖前自喚渡青衣江畔人爭扶今年蠶市數州集中有遺民懷袴襦邑中之黔相指似白髯紅帶老不癯我欲西歸卜鄰舍隔牆拊掌容歌呼

紅帶點化生動

不學山王乘駟馬。回頭空指黃公壚。

韓退之進學解冬暖而兒號寒年豐而妻號飢按蘇叔黨作王元直墓表云初季父慶源官於雅州以論事不合取官長怒謝病去詩中云刺史怒即指此唐陽城傳為道州刺史當上考功第自署曰撫字心勞催科政拙考下下芋魁飯豆用漢翟方進傳語屢見杜牧之獨酌詩獨賦一壺游秋毫太山小慈姥巖青衣江皆在青神縣成都記蠶叢氏每春勸民農桑但嚮蠶具設之蠶市又詳一卷和子由蠶市詩注左傳襄十七年宋皇國父為平公築臺子罕請俟農功之畢築者謳曰澤門之哲實與我役邑中之黔實慰我心杜預曰子罕黑色而居邑中韓退之崔十六少府詩賃屋住連牆往來欣莫間隔牆聞譁呼眾口極鵝雁南史顏延年傳作五君詠以述竹林七賢山濤王戎以貴顯被黜世說王戎為尚書令著公服乘輅經黃公酒壚互詳本卷

次韻許冲元送成都高士敦鈴轄

高士敦字仲穆名將瓊之孫

移中老監本虛名。懶作燕山萬里行。公自注余昔與高同使契丹辭免不行坐看

飛鴻迎使節。歸來駿馬換傾城。高才本不緣勲闕。餘力

還思治蜀兵。西望雪山烽火盡。不妨樽酒寄平生。

漢蘇武傳以父任為郎稍遷至移中廡監漢車千秋傳無闕闕功勞顏師古曰伐積功也杜子美哀嚴武詩公來雪山重公去雪山輕

次前韻送程六表弟

二十四卷有送表弟程六知楚州詩此詩送漕江西也

君家兄弟真連璧。門十朱輪家萬石。竹使猶分刺史符。

尚方行賜尚書鳥。前年持節發倉廩。到處賣刀收蠶粟。

歸來閉口不論功。卻走渡江誰復惜。君才不用如澗松。

我老得全猶社櫟。青衫莫厭百僚底。白首上有千薪積。

憶昔江湖一釣舟。無數雲山供點筆。未應便障西風扇。

只恐先移北山檄。憑君寄謝江南叟。念我空見長安日。

浮江沂蜀有成言。江水在此吾不食。

連璧用夏侯湛與潘岳同輿事再見漢楊惲傳家方隆盛時乘朱輪者十人石奮傳奮及四子皆二千石號萬石君漢汲黯傳持節發河內倉粟以濟貧民賣刀用

漢龔遂賣刀買犢事禮記祭天地之牛角鬣粟漢丙吉傳絕口不道前恩故朝廷莫能明其功左思詠史詩鬱鬱澗底松離離山上苗以彼徑寸莖蔭此百尺條世胄躡高位英俊沈下僚地勢使之然由來非一朝再見莊子人間世匠石之齊至於曲轅見櫟社樹其大蔽牛絜之百圍匠伯不顧曰是不材之木也無所可用故能若是之壽杜子美狄明府詩有才無命百僚底漢汲黯傳陛下用羣臣如積薪耳後來者居上障扇用王導事北山孔稚圭文並再見後漢岑彭傳光武曰河水在此吾不食言

和王晉卿題李伯時畫馬

督郵有良馬不為君所奇顧收紙上影駿骨何由歸一朝見紫策蟻封驚肉飛豈惟馬不遇人已半生癡

晉王湛傳兄子濟有從馬絕難乘濟問湛曰叔頗好騎否湛曰亦好之因騎此馬姿容既妙迴策如縈善騎者無以過又濟所乘馬甚愛之湛曰此馬雖快然力薄不堪苦行近見督郵馬當勝但芻秣不至耳濟試之與已馬等湛又曰此馬任重方知平路無以別也於是當蟻封內試之濟馬果躡而督郵馬如常湛初有識度兄弟宗族皆以為癡濟聞湛剖析玄易微妙有奇趣歎曰家有名士三十年而不知濟之罪也武帝亦以湛為癡嘗調濟曰卿家疑叔死未至是對曰臣叔不癡因

六當是戲和

稱其美後漢祚都夷傳遠夷樂德歌云昌樂肉飛屈伸悉修

送錢穆父出守越州二首

錢穆父名勰事見二十四卷次韻錢穆父詩穆父以龍圖閣待制權知開封府坐奏獄空不實出知越州時元祐三年九月也

簿書常苦百憂集樽酒今應一笑開京兆從教思廣漢會稽聊喜得方回

漢趙廣漢傳為京兆尹廉明威制豪強小民得職百姓追思歌之至今晉祁愔傳字方回遷太常固讓不拜樂補遠郡出為會稽內史

若耶谿水雲門寺賀監荷花空自開我恨今猶在泥滓勸君莫棹酒船回

杜子美詩若耶谿雲門寺吾獨何為在泥滓李太白對酒憶賀監詩救賜鏡湖水為君臺沼榮人亡餘故宅空有荷花生又重憶賀監詩稽山無賀老卻棹酒船回再見

戲書李伯時畫御馬好頭赤

山西戰馬飢無肉。夜嚼長稽如嚼竹。蹏間三丈是徐行。不信天山有坑谷。豈如廐馬好頭赤。立仗歸來臥斜日。莫教優孟卜葬地。厚衣薪槨入銅歷。

戰國策秦馬之良探前跌後蹏間三尋騰者不可勝數再見史記滑稽傳楚莊王欲以大夫禮葬愛馬左右爭之不可優孟曰以大夫禮葬之薄請以人君禮葬之王曰寡人之過一至此乎為之奈何孟曰請為大王以壘窰為椁銅歷為棺齋以姜棗薦以木蘭祭以粳稻衣以火光葬之於人腹腸於是王使以馬屬大官詩大雅薪之槨之

送程七表弟知泗州

程七表弟名之邵字懿叔

江湖不在眼。塵土坐滿顏。繫舟清洛尾。初見淮南山。淮山相媚好。曉鏡開煙鬟。持此娛使君。一笑簿領閒。使君

如天馬朝燕。暮荆蠻。時無王良手。空老十二閑。聊當出毫末。化服狡與頑。勿謂無人知。古佛臨濤灣。一作清灣赤子視萬類。流萍閱人寰。但使此可人。餘事真茅菅。

王注泗州大聖塔臨泗水舟人往來與居人所禱立應古佛清灣指此可人用桓溫傳經王敦墓語已見

送曹輔赴閩漕

曹輔字子方海陵人元豐間為鄆延路經畧司勾當公事故有往來戎馬詩成橫槩之句後提

點廣西刑獄先生在惠數有往來書帖元祐黨禍諸賢多在巡內子方周恤備至士論與之

曹子本儒俠。筆勢翻濤瀾。往來戎馬間。邊風裂儒冠。詩成橫槩裏。楯墨何曾乾。一旦事遠游。紅塵隔巖灘。平生羊炙口。竝普浪反海搜鹹酸。一從荔支飲。一作食豈念苜蓿槃。我亦江海人。市朝非所安。常恐青霞志。坐隨白髮闌。淵明

賦歸去。談笑便解官。今我何為者。索身良獨難。憑君問
清淮。秋水今幾竿。我舟何時發。霜露日已寒。

舊唐書杜甫傳元稹曰建安之後曹氏父子鞍馬間為文往往橫槊賦詩北史荀濟潁川人與梁武帝為布衣交而負氣不服謂人曰會楯鼻上磨墨作檄文江文通恨賦鬱青霞之奇意入修夜之不暘白樂天詩不病何由索得身

次韻王郎子立風雨有感

王子立名適趙郡臨城人祖忠穆公融知樞密院父正路知濮

百年一俯仰。寒暑相主客。稍增裘褐氣。已覺團扇厄。不
須計榮辱。此喪彼有獲。我琴終不敗。無攫故無醜。後生
不自牧。呻吟空挾策。握苗不待長。賣菜苦求益。此郎獨
靜退。門外無行迹。但恐陶淵明。每為飢所迫。淒風弄衣

結。小雪穿門席。願君付一笑。造物亦戲劇。朝來賦雲夢。
筆落風雨疾。為君裁春衫。高會開桂籍。

盧諶贈劉琨詩瞻彼日月。迅過俯仰。攬醒用史記鄒忌子語再見莊子列御寇鄭人緩也呻吟裘氏之地。祗三年而緩為儒。又駢拇蓋問臧奚事。則挾策讀畫皇甫謐高士傳司徒侯霸遣侯子道奉書嚴光子道求報光口授之使者嫌少可更足之光曰賣菜乎求益也。唐房玄齡傳高孝基曰僕觀人多矣。未見有如此郎者。陶淵明歸去來引余家貧耕植不足以自給。兼稚子盈室。餅無儲粟。家叔以余貧苦遂見用為邑。少日眷然有歸歎之情。何則。飢凍雖切。違已交病。荀子鶉衣百結如懸。漢司馬相如賦楚有七澤。其一曰雲夢。再見。杜子美寄李白詩筆落驚風雨。詩成泣鬼神。

次韻黃魯直嘲小德小德魯直子其母微故其

詩云解著潛夫論不妨無外家

後漢王符傳符無外家隱居著書譏當時失得

號潛夫論

進饌客爭起。小兒那可涯。莫欺東方星。三五自橫斜。名

駒已汗血。老蚌空泥沙。但使伯仁長。還與絡秀家。

晉裴秀傳母賤。嫡母宣氏不之禮。嘗使進饌於客。見者皆為之起。秀母曰。微賤如此。當應為小兒故也。毛詩。小星惠及下。夫人無妒忌之行。惠及賤妾。進御於君。知其命有貴賤。能盡其心矣。其詩曰。嘒彼小星。三五在東。注云。嘒。微貌。小星。眾無名者。三心五蠟。四時更見。三輔決錄。孔融見韋元將與其父書曰。不意明珠生於老蚌。蔡邕青衣賦。金生砂磔。珠出蚌泥。歎此窈窕。產於卑微。列女傳。周顛母李氏。字絡秀。嘗謂顛曰。我屈節為汝家妾。門戶計耳。汝不與我家為親親者。吾亦何惜餘年。顛從命。由是李氏遂得為方雅之族。顛字伯仁。

書林次中所得李伯時歸去來陽關二圖後

中名旦時為右司郎中伯時號龍眠居士

不見何戡唱渭城。舊人空數米嘉榮。龍眠獨識殷勤處。畫出陽關意外聲。

劉禹錫贈米嘉榮詩。唱得陽關意外聲。舊人惟數米嘉榮。又歸京聞何戡歌。舊人惟有何戡在。更與殷勤唱渭城。嘉榮。戡。元和樂人也。本事詩。與盧氏雜說。小異。

兩本新圖寶墨香。樽前獨唱小秦王。為君翻作歸來引。不學陽關空斷腸。

曲譜。小秦王入腔。即陽關也。按先。生有歸去來引。傳於世。亦名哨遍。

送蹇道士歸廬山

物之有知。蓋恃息。孰居無事。使出入。心無天游。室不空。六鑿相攘。婦爭席。法師逃人。入廬山。山中無人。自往還。往者一空。還者失。此身正在無還間。綿綿不絕。微風裏。內外丹成一彈指。人間俯仰三千秋。騎鶴歸來與子游。

莊子。外物篇。物之有知者。恃息。其不股。非天之罪。又天運篇。孰居無事。而推行是。孰居無事。淫樂而勸。是孰居無事。而披拂。是又天游。六鑿。屢見。又寓言篇。其往也。舍者。避席。其反也。舍者。與之爭席矣。無還。出楞嚴經。再見。老子。綿綿若存。用之不勤。按道家以烹鍊金石為外丹。龍虎胎息吐故納新為內丹。楞嚴經。惟以空寂修。

即蹇拱辰字授之

於滅盡身心乃能度
百千劫猶如彈指

臥病逾月請郡不許復直玉堂十一月一日鎖

院是日苦寒詔賜官燭法酒書呈同院渾厚

微霰疎疎點玉堂詞頭夜下攬衣忙分光玉燭星辰爛

拜賜宮壺雨露香醉眼有花書字大老人無睡漏聲長

何時卻逐桑榆暖社酒寒燈樂未央

謝惠連雪賦微霰集密雪下
桑榆暖用薛令之事屢見

送周朝議守漢州

五代孟氏竊據蜀土國用褊狹始有推茶之法藝祖平蜀罷去一切橫斂茶遂無禁

熙寧初王安石呂惠卿相繼秉政邊事寢興以財用為急七年李杞以三司判官提舉成都等路茶事初立茶法一切禁止民間私買後一歲杞以疾奉祠都官郎中劉佐繼杞為提舉而益病矣侍御史周尹言成都府路置場權買諸州茶盡以入官最為公私之

此篇不減夢得

中四句氣韻逼人

開元中薛令之

遷右庶子東宮

官僚清澹題

詩自悼上幸東

宮見之案筆題

其旁曰啄木嘴

雖長鳳皇毛羽

短若嫌松桂寒

任逐桑榆暖

之遂謝病歸

害初李杞倡行敝法劉佐懷代其任無他方術惟割剝於下而人不聊生矣臣受命入蜀乃知為害甚鉅有知彭州呂陶知蜀州吳

司孟等奏可以參驗往者杞佐繼陳苛法即信用其言今議者條其刑蠹悉皆明白未即采聽乞罷推茶之法許通商買賣以安遠

方尹還未至都坐是除提點湖北路刑獄元豐二年四月李稷言自推茶法行至元年秋凡一年通計課利已支見在凡七十六萬

緡上批稷能推原法意日就事功宜速遷擢以勸在位稷自蜀擢陝西轉運使助成伐夏之役督餉出境從給事中徐禧城永樂為

夏人所圍遂與將士俱沒元祐初蘇子由在諫省及西掖極論之稍去其害詩云茶為西南病岷俗記二李者謂此也

茶為西南病岷俗記二李公自注謂何人折其鋒矯矯六

君子公自注謂思道與姪正孺張永君家尤出力流落初坐此謂

當收桑榆華髮看劍履胡為犯雨雪歲晚行未已念歸

誠得計顧自為謀耳吾聞江漢間瘡痍有未起莫輕龔

遂老君王付尺箠召還當有詔挽袖謝鄰里猶堪作水

衡供張園林美

後漢馮異傳異破赤眉光武賜璽書曰始雖垂翅回谿終能奮翼甞池可謂失之東隅收之桑榆漢龔遂傳宣帝即位久之渤海盜賊竝起上選能治者丞相御史舉遂為太守時遂年七十餘召見形貌短小宣帝望不副所聞心內輕焉聞遂對云云甚說至渤海盜賊悉平數年上徵遂以年老不任公卿拜為水衡都尉水衡典上禁苑共張宮館為宗廟取牲官職親近上甚重之以官壽卒後漢鄧禹傳帝救禹曰赤眉來東吾折捶笞之已見韓退之送張道士詩豈無一尺筆為國答羗夷

木山并引

吾先君子嘗蓄木山三峰且為之記與詩詩人梅

二丈聖俞見而賦之今三十年矣而猶子千乘又

得五峰益奇因次聖俞韻使并刻之其側

附梅聖俞詩空山枯

楠大蔽牛霹靂夜落魚鳧洲魚鳧水射幾千秋蠹肌爛髓沙蕩流惟存
堅骨蛟龍鏤形侔三山中雄酋左右兩峰相挾翼尊奉君長無慢尤蘇
夫子見之驚且喜買與谿叟憑貂裘因嗟大不為梁棟
又歎殘不為薪樵雨侵蘚溜得石瘿宜與夫子歸隱仁

木生不願回萬牛。願終天年仆沙洲。時來幸逢河伯秋。
掀然見怪推不流。蓬婆雪嶺巧彫鏤。蟄蟲行蟻為豪酋。
阿咸大膽忽持去。河伯好事不汝尤。城中古沼浸坤軸。
一林瘦竹吾菟裘。二頃良田不難買。三年檜木行可樛。
會將白髮對蒼巘。魯人不厭東家丘。

杜子美古柏行大厦如傾要梁棟萬牛回首丘山重莊子人間世未終天年而中
道天於斤斧此材之患也杜軍城早秋詩已收滴博雲間戍更奪蓬婆雪外城蓬
婆雪嶺蜀所近吐蕃之山各行蟻音行列
之行又南池詩安知有蒼池萬頃浸坤軸

送千乘千能兩姪還鄉

治生不求富。讀書不求官。譬如飲不醉。陶然有餘歡。君
看龐德公。白首終泥蟠。豈無子孫念。顧獨遺以安。鹿門

見到

韓偓有金鑿
密記

上冢回牀下拜龍鸞躬耕竟不起者舊節獨完念汝少
多難冰雪落綺紈五子如一人奉養真色難烹鷄獨饋
母自饗苜蓿槃口腹雖累人寧我食無肝西來四千里
敝袍不言寒秀眉似我兄亦復心閑寬忽然捨我去歲
晚畱餘酸我豈軒冕人青雲意先闌汝歸時松菊環以
青琅玕橙陰三年成可以挂吾冠清江入城郭小圃生
微瀾相從結茅舍曝背談金鑿

晉陶侃傳每飲酒有定限常歡有餘而限已滿後漢龐德公事屢見杜子美遺興
詩昔者龐德公未嘗入州府襄陽者舊間處士節獨苦後漢郭太傳見陳畱茅容
異之遂與之言因請寓宿曰日容殺鷄為饌太謂為已設既而以供其母自以草
蔬與客同飯太起拜之曰賢哉因勸令學卒以成德後漢閔仲叔客居安邑老病
家貧不能得肉日買猪肝一片屠者或不肖與安邑令聞敕吏常給焉仲叔知乃
歎曰閔仲叔豈以口腹累安邑耶遂去沛三國志蜀秦宓答王商書云僕得曝背

乎隴畝之中誦顏氏之箴瓢詠原憲之蓬戶翰
林志翰林院與金鑿殿相接故學士號金鑿

送周正孺知東川

周正孺名尹任御史坐言茶事外補事見
本卷送周朝議詩註後呂微仲丞相典領

錄見正孺為御史日所言事歎曰君子哉斯人也因言
於上除直秘閣在東川人安其政願復借畱詔許之

得郡書生榮還家昔人重而况東西川千騎許上冢里
門下車入父老且驚聳端知何武賢不事長卿寵清時
養材傑杞梓方培擁未應遺合抱取用及把拱如君尚
出麾顧我宜耕壟告歸謝先手求去悔不勇豈云慕廉
退實自知衰冗為君掃棠陰畫像或相踵

公自注蜀中太
守無不畫像者

韓退之贈崔復州序大丈夫官至刺史亦榮矣後漢岑彭傳南還津鄉有詔過家
上冢漢石奮傳少子內史慶醉歸入外門不下車萬石君聞之不食慶肉袒謝請
罪萬石君曰內史貴人入閭里中長老皆走匿而內史坐車中自如固當酒謝罷
慶後慶及諸子入里門趨至家漢何武傳蜀郡郫縣人也弟顯家有市籍租常不

漢此元祐朝局
將亥先生七不久
去國矣

入縣課畜夫求商捕辱顯家武曰以吾家租賦絲役不為眾先奉公吏不亦宜乎卒白太守召商為吏州里皆服焉長卿寵已見前卷次韻王定國倅揚州詩注左傳襄二十六年如杞梓皮革自楚往也雖楚有材晉實用之韓退之送張道士詩况當營都邑杞梓用不疑顏延年五君詠屢薦不入官一麾乃出守

題李伯時畫趙景仁琴鶴圖二首

趙景仁名岷清獻公之子已見十五

卷詩註

清獻先生無一錢故應琴鶴是家傳誰知默鼓無絃曲時向珠宮舞幻仙

公撰趙清獻公神道碑云自成都召還上謂公聞卿匹馬入蜀以一琴一鶴自隨為政簡易亦稱是耶鮑明遠舞鶴賦偉胎化之仙禽黃庭經閑居藥珠作七言琴

心三疊舞胎仙再見

醜石寒松未易親聊將短曲調長人乘軒故自非明眼終日傲傲舞嬰新

毛詩屢舞傲傲後漢蔡邕傳吳人有燒桐以嬰者邕聞火烈之聲知其良木因請裁為琴果有美音而其尾猶焦故時人名曰焦尾琴

次前韻再送周正孺

東川得望郎坐與西爭重高風傾石室舊學鄙文冢

自公

注劉蛻文冢銘在梓州

蜀人安使君所至野不聳竹馬迎細侯大錢送

劉寵遙知句谿路老稚相扶擁看畫古叢祠百怪朝幽

拱牛頭與兜率雲木蔚堆壠醉鄉追舊游筆陣賈餘勇

聊將詩酒樂一掃簿書冗西風吹好句珠玉本無踵

地

李義山詩望郎臨古郡華陽國志文翁在蜀立講堂作石室唐劉蛻文冢銘序云文冢者長沙劉蛻復愚為文不忍棄其草聚而封之也竹馬後漢郭伋事伋字細侯已見後漢劉寵傳為會稽太守徵為將作大匠山陰五六老叟齎百錢以送寵為人選一大錢受之牛頭兜率梓州二寺老杜皆有詩王績醉鄉記晉黃帝氏嘗獲游其都阮嗣宗陶淵明十數人並遊於醉鄉沒身不返杜子美醉歌行筆陣獨掃千人軍左傳成二年欲勇者賈余餘勇會稽典錄孔融與曹公書云珠玉無踵

而自至者以人好之也况賢者之有足乎再見韓詩外傳蓋晉謂平公曰珠出於海玉出於山無足而至者君好之也士有足而不至者君不好也

書王定國所藏煙江疊嶂圖

公自注王晉卿畫

江上愁心千疊山浮空積翠如雲煙山耶雲耶遠莫知
煙空雲散山依然但見兩崖蒼蒼暗絕谷中有百道飛
來泉縈林絡石隱復見下赴谷口為奔川川平山開林
麓斷小橋野店依山前行人稍度喬木外漁舟一葉江
吞天使君何從得此本點綴毫末分清妍不知人間何
處有此境徑欲往買二頃田君不見武昌樊口幽絕處
東坡先生留五年春風搖江天漠漠暮雲卷雨山娟娟
丹楓翻鴉伴水宿長松落雪驚醉眠桃花流水在人世

畫中之景善寫
無畫

畫外之景點綴有
情

武陵豈必皆神仙江山清空我塵土雖有去路尋無緣
還君此畫三歎息山中故人應有招我歸來篇

唐張說江上愁心賦江上之峻山兮鬱崎嶇而不極雲為風兮煙為色歟變態兮心不識陶峴詩鴉翻楓葉夕陽動鷺立荷花秋水明杜子美詩水宿鳥相呼又禽經云凡禽林曰棲水曰宿韓退之桃花源圖歌神仙有無何渺茫桃源之說誠荒唐世俗那知偽與真至今傳者武陵人陶淵明桃源記武陵人既出詣太守說如此太守即遣人隨往尋遂迷不復得路

次韻王定國會飲清虛堂

王定國名鞏常通守揚州

何遜揚州又幾年官梅詩興故依然何人可復問季孟
與子不妨中聖賢卜築君方淮上郡歸心我已劍南川
此身正似蠶將老更盡春光一再眠

杜子美詩東閣官梅動詩興還如何遜在揚州按何遜揚州事史傳不載載蜀本杜注已見晉王湛傳武帝問王濟曰湛誰比濟曰山濤以下魏舒以上湛聞笑曰

用王孫兮歸來
山中兮不可以久
留語淮南小山
招隱士之作也

欲處我以季孟之間乎三國魏徐邈傳醉客以清酒為聖人濁酒為賢人再見九域志成都府劍南西川節度李太白寄二稚子詩吳地桑葉落吳聲已三眠

興龍節侍宴前一日微雪與子由同訪王定國
小飲清虛堂定國出數詩皆佳而五言尤奇子
由又言昔與孫巨源同王定國感念存沒悲歎
久之夜歸稍醒各賦一篇明日朝中以示定國
也

天風淅淅飛玉沙。詔恩歸沐休早衙。遙知清虛堂裏雪。
正似蒼苔林中花。出門自笑無所詣。呼酒持勸惟君家。
踏冰凌兢戰疲馬。扣門剝啄驚寒鴉。羨君五字入詩律。
欲與六出爭天葩。頭風已倩檄手愈。背癢卻得仙爪爬。

銀餅瀉油浮蠟酒。紫盃鋪粟盤龍茶。幅巾起作鸚鵡舞。
疊鼓誰摻漁陽撾。九衢燈火雜夢寐。十年聚散空咨嗟。
明朝握手殿門外。共看銀闕噉晨霞。

韓詩外傳凡草木花多五出雪花獨六出西陽雜俎梔子花六出相傳即西域蒼
荀花也韓退之出門詩長安百萬家出門無所之又詩今日到君家呼酒持勸君
揚雄甘泉賦馳閭闔而入凌兢注云寒涼戰栗之處三國魏王粲傳陳琳嘗草檄
呈太祖太祖先苦頭風讀之翕然而起曰此愈我病神仙傳麻姑手似鳥爪蔡經
心念背癢時此爪爬大佳王方平知之即鞭之曰麻姑神人汝何忽謂其爪可爬
背乎杜牧之讀韓杜集詩杜詩韓筆愁來讀似倩麻姑癢處爬曹植七畧雕觴浮
蟻釋名酒有汎齊浮蠟在上汎汎然晉謝尚傳王導有勝會謂尚曰聞能作鸚鵡
舞一坐傾想寧有此理不尚曰佳便著衣幘而舞導令坐者撫掌擊節尚俯仰在
中旁若無人後漢補衡傳曹操聞衡善擊鼓召為鼓吏因大會賓客衡為漁陽摻
操蹀躞而前容態有異聲節悲壯聽者莫不慷慨史記日者傳宋忠見賈誼於殿
門外乃相引屏語史記封禪書三神山金銀為宮闕楚辭九歌噉將出兮東方竝已見

王晉卿所藏著色山二首

縹緲營丘水墨仙。浮空出沒無間。爾來一變風流盡。誰見將軍著色山。

畫錄李成營丘人也。工山水。世號李營丘。名畫記李思訓父子畫稱一時。思訓官至左武衛大將軍。世言山水者稱大李將軍。小李將軍。

犖确何人似退之。意行無路欲從誰。宿雲解駁晨光漏。獨見山紅澗碧時。

韓愈南海神廟碑。雲陰解駁。日光穿漏。又韓詩山石犖确行徑。微黃昏到寺。蝙蝠飛。又山紅澗碧。紛爛熳時。見松檜皆十圍。

次韻黃魯直效進士作歲寒知松柏詩

龍蟄雖高臥。鷄鳴不廢時。炎涼徒自變。茂悅兩相知。已負棟梁質。肯為兒女姿。那憂霜貿貿。未喜日遲遲。難與夏蟲語。永無秋實悲。誰知此植物。亦解秉天彝。

陸士衡歎逝賦。信松茂而栢悅。嗟芝焚而蕙歎。韓退之琴操。雪霜貿貿。齊麥之茂。莊子秋水篇。夏蟲不可以語於冰者。篤於時也。三國魏那顛傳。採庶子之春華。忘家丞之秋實。吳諸葛恪傳。注虞喜志。林曰樂春藻之繁華。忘秋實之甘口。周禮大司徒。以土會之法。辨五地之物生。一曰山林。其動物宜毛物。其植物宜阜物。

王晉卿作煙江疊嶂圖。僕賦詩十四韻。晉卿和

之語。特奇麗。因復次韻。不獨紀其詩畫之美。亦為道其出處契濶之故。而終之以不忘在莒之戒。亦朋友忠愛之義也。

山中舉頭望日邊。長安不見空雲煙。歸來長安望山上。時移事改應潸然。管絃去盡賓客散。惟有馬埒編金泉。渥洼故自千里足。要飽風雪輕山川。屈居華屋啗棗脯。十年俯仰龍旂前。卻因瘦病出奇骨。鹽車之厄寧非天。

風流文采磨不盡。水墨自與詩爭妍。畫山何必山中人。
田歌自古非知田。鄭虔三絕君有二。筆勢挽回三百年。
欲將巖谷亂窈窕。看峰修嫵誇連娟。人間何有春一夢。
此身將老蠶三眠。山中幽絕不可久。要作平地家居仙。
能令水石長在眼。非君好我當誰緣。願君終不忘在莒。

樂時更賦囚山篇

公自注柳子厚有囚山賦

李太白登鳳凰臺詩總為浮雲能蔽日。長安不見使人愁。晉王濟傳性豪俊。洛京地貴。濟買地為馬埒。編錢滿之時。謂為金埒。史記滑稽傳。楚莊王有愛馬。衣以文繡。置之華屋之下。席以露牀。啗以棗脯。杜子美丹青引。英雄割據雖已矣。文采風流。今尚存。唐鄭虔傳。嘗自寫其詩畫以獻。玄宗大署其尾曰。鄭虔三絕。漢外戚傳。孝武李夫人卒。上作賦以傷悼。曰。美連娟以修嫵兮。劉向新序。齊桓公與管仲飲。管仲上壽曰。願君無忘出奔於莒也。臣亦無忘縛東於魯也。柳子厚囚山賦。聖日以理兮。賢日以進。誰使山之囚吾兮。滔滔。

李之儀詩。深悔非東坡。石字。故有是佳句。以孟浩然後待。非誇也。

夜直玉堂攜李之儀端叔詩百餘首讀至夜半

書其後

玉堂清冷不成眠。伴直難呼孟浩然。暫借好詩消永夜。
每逢佳處輒參禪。愁侵硯滴初含凍。喜入燈花欲鬪妍。

寄語君家小兒子。他時此句一時編

西京雜記。漢廣川王去疾好發冢。晉靈公冢得玉蟾蜍一枚。大如拳。腹空容五合水。王取以盛書。滴白樂天劉白唱和集。叙命小姪龜兒編錄成兩卷。仍寫二本。一付夢得。小兒崙郎。各令收藏。兩家集。

范景仁和賜酒燭詩復次韻謝之

公自注時公方進新樂

笙磬分均上下堂。游魚舞獸自奔忙。朱絃初識孤桐韻。

公自注。舊樂金石聲高而絲聲微。今樂金石與絲聲皆著。玉琯猶聞秬黍香。
公自注。舊法以尺生律。今以黍定律。以律生尺。

萬事今方咨伯始。一斑我亦媿真長。此生會見三雍就。無復遼遼歎未央。

尚書疏堂上之樂皆受笙均堂下之樂皆受磬均荀子瓠巴鼓瑟游魚出聽列子瓠巴鼓琴而鳥舞魚躍尚書擊石拊石百獸率舞杜子美石犀行再平水土犀奔忙續仙傳王母獻白玉瑄云吹之以和天風尚書大傳亦云漢律曆志度者本起黃鐘之長以子穀秬黍中者後漢胡廣傳字伯始達練事體明解朝章京師諺曰萬事不理問伯始再見晉王獻之傳觀門生擣菹曰南風不競門生曰此郎亦管中窺豹時見一斑獻之怒曰遠慙荀奉倩近愧劉真長拂衣而去漢河間獻王傳武帝時獻雅樂名對三雍宮後漢儒林傳建武五年修起太學中元元年初建三雍明帝即位親行其禮後漢梁鴻作五噫之歌曰遼遼未央兮噫再見

次韻劉貢父春日賜幡勝

寬詔隨春出內朝。三軍喜氣挾狐貂。鏤銀錯落翻斜用。剪綵繽紛舞慶霄。臘雪強飛纔到地。曉風偷轉不驚條。脫冠徑醉應歸臥。便腹從人笑老韶。
公自注前一日微雪是日暮次賜酒

後漢侯霸傳毋春下寬大之詔奉四時之令皆霸所建也續漢禮儀志立春之日下寬大詔書左傳宣公十二年楚子伐蕭蕭潰申公巫臣曰師人多寒王巡三軍拊勉之三軍之士皆如挾纊撫言短李鎮揚州詩章李標賦雪詩云朱門到晚盈尺盡是三軍喜氣消補楚歲時紀人日家家剪綵或鍍金箔為人謝宣遠詩慶霄薄汾陽杜子美雪詩南雪不到地隨鐵論周公之時風不鳴條雨不破塊便腹後漢邊韶事屢見

再和

與君流落偶還朝。過眼紛紛七葉貂。莫笑華顛飄彩勝。幾人黃壤隔青霄。行吟未許窮騷雅。坐嘯猶能出教條。記取明年江上郡。五更春枕夢春韶。

左思詠史詩金張藉舊業七葉珥漢貂漢金日磾傳七葉內侍何其盛也劉向新片齊宣王謂問丘叩曰士亦華髮墮顛而後可用耳坐嘯後漢成瑨事再見漢黃霸傳然後為條教置父老師師伍長班行之於民間梁元帝纂要春景曰媚景韶景

葉公秉王仲至見和次韻答之

葉公秉名均時為秘書監王仲至名欽臣為秘

書少

衫絺方暑亦堪朝○歲晚淒風憶阜貂○共喜鷓鴣歸禁籞○
心知日月在重霄○君如老驥初遭絡○我似枯桑不受條○
強鑷霜須簪綠勝○蒼顏得酒尚能韶○

漢宣帝紀池籞假與貧民蘇林曰折竹以繩綿連禁籞使人不得往來律名
為籞應劭曰籞禁苑也詩國風蠶月條桑鄭氏云條桑枝落之采其葉也

再和

衰遲何幸得同朝○溫勁如君合珥貂○誰惜異材蒙徑寸○
自慙枯枿借凌霄○光風泛泛初浮水○紅糝離離欲綴條○
後日一樽何處共○奉常端冕作咸韶○

後漢輿服志侍中中常侍武冠加黃金璫附蟬為文貂尾為飾注應劭曰說者以
金取堅剛百鍊不耗蟬居高飲潔口在掖下貂內勁悍而外溫潤此因物生義也

徑寸用左太冲詠史詩詳見本卷柳宗元與蕭俛書枯枿腐敗不能生植楚辭招
魂光風轉蕙泛崇蘭此辭退之詩始見洛陽春桃枝綴紅糝漢百官表奉常秦官
掌宗廟禮儀景帝中六年更名太常屬官有大樂等六令
禮記樂記端冕而聽古樂樂緯黃帝樂曰咸池舜曰韶韶

施註蘇詩卷之二十七

施註蘇詩卷之二十八

漫堂先生宋 犖

閱定

長洲顧嗣立

樸園先生張榕端

毗陵邵長蘅 刪補

商丘宋 至

詩五十八首

起在翰林洎元祐已巳出守錢塘作

次韻王晉卿惠花栽栽所寓張退傅第中

坐來念念失前人○共向空中寓一塵○若問此花誰是主○天教閑客管青春○

柳子厚石門長老詩坐來念念非昔人萬遍華為誰用杜牧之書齋詩願為閑客此閑行

次韻王晉卿上元侍燕端門

月上九門開。星河繞露臺。君方枕中夢。我亦化人來。光
動仙毬縷。音香餘步輦回。相從穿萬馬。衰病若為陪。

漢文帝紀嘗欲作露臺故事上元日端門築露臺高丈餘優人妓女皆列其上放
燈至夜闌綵山上縷下仙毬妓則聽民縱觀天子乘步輦還內枕中夢用盧生事
再見列子周穆王籙西極之國有化人來居三幾
何謁王同遊王執化人之祛騰而上者中天而止

王鄭州挽辭

王鄭州名克臣字子難河南人勲臣審琦之曾孫
祖承衍尚秦賢穆公主子難第景祐進士仁宗閱
其父名謂侍臣曰賢穆有係登科可嘉也熙寧中為開封度支二
判官遷鹽鐵副使監安止門鄭俠介夫以上書直言竄嶺表子難
嘗薦俠且饋之白金坐奪官復為戶部副使以集賢殿修撰知鄆
州河決曹村子難亟築隄城下或曰澶淵去鄆為遠且州徙於高
八十年不知水患安事此不聽役愈急隄成水大至不沒者財尺
餘復起甬道屬之東平王陵邦人得趨以避水皆繪奉其像鑿書
褒焉故詩云千里農桑歌子產子難約習進士英宗求儒生為主
壻乃以師約尚焉故云一時冠蓋慕蕭嵩元祐四年以龍圖閣直
學士太中大夫
卒年七十六

羨君華髮起琳宮。右輔初還鼓角雄。千里農桑歌子產。
一時冠蓋慕蕭嵩。那知聚散春糧外。便有悲歡過隙中。
京兆同僚幾人在。猶思對按筆生風。

空洞靈章經象聖集琳宮金母命清歌左傳襄公三十年子產為政三年與人誦
之曰我有子弟子產誨之我有田疇子產殖之子產而死誰其嗣之唐蕭嵩傳以
太子太師請老而子華為侍郎子衡尚主位三品就養年踰八十士豔其榮莊子
逍遙遊適百里者宿春糧又知北遊入生天地間若白駒之過隙忽然而已漢趙
廣漢傳為京兆尹見
事風生無所迴避

書王定國所藏王晉卿畫著色山二首

先生以詩
謫黃州凡

五年王定國鞏亦坐累謫監賓州酒稅王晉卿誥為
英宗主壻主薨誥徙均州故云三人俱是識山人

白髮四老人。何曾在商顏。煩君紙上影。照我冑中山。山
中亦何有。木老土石頑。正賴天日光。澗谷紛爛斑。我心

空無物斯文定何聞一作何足關君看古井水萬象自往還

漢張良傳注顏師古曰四人即商山四皓也
溝洫志引洛水至商山下注云商山之顏也

君歸嶺北初逢雪我亦江南五見春寄語風流王武子
三人俱是識山人

晉王濟傳字武子少有逸才風姿英爽氣
蓋一時王武子尚常山公主以比晉卿也

送呂昌朝知嘉州

不羨三刀夢蜀都聊將八詠寄東吳臥看古佛凌雲閣
敕賜詩人明月湖得句會應緣竹鶴思歸寧復為尊鱸
橫空好在修眉色頭白猶堪乞左符

晉王濟傳夜夢懸三刀於其臥屋梁上須臾又益一刀覺其惡之主簿李毅曰三
刀為州又益一者明府其臨益州乎果遷益州刺史婺州圖經八詠樓碑在州南

宋沈約集有東陽八詠嘉州江上有大石佛明月湖在州治之東韓退之南山詩
天宇浮修眉濃綠畫新就漢書銅虎符注與郡守為符者各分其半右雷京師左
以與之

次韻黃魯直寄題郭明父府推穎州西齋二首

樹頭啄木常疑客客去而瞋定不然脫轄已應生井沫
解衣聊復起庖煙平生詩酒真相汙此去文書恐獨賢
蚤晚西湖映華髮小舟翻動水中天

賈島詩時聞啄木鳥疑是打門僧韓退之剝啄行我不出應客去而瞋杜子
美詩又遭詩酒汙何事忝簪裾詩小雅我從事獨賢西湖穎州之西湖也

寂寞東京月旦州德星無復綴珠旒莫嗟平輿去聲空神
物尚有西齋接勝流春夢屢尋湖十頃家書新報橘千
頭雪堂亦有思歸曲為謝平生馬少游

月日汝南許劭事已見劭傳註云縣有月日里稽神異苑陳實與子姪造荀爽父子討論于時太史奏德星聚漢志五星如連珠許劭傳劭兄虔亦知名汝南人稱平輿淵有二龍焉太平寰宇記汝南縣有二龍鄉謂許劭許靖橋千頭襄陽李衡事馬少游語在馬援傳並再見石崇思歸引序困於人間煩黷常思歸而永歎尋覽樂篇有思歸引儻占人之情有同於今故制此曲

次韻秦少章和錢蒙仲秦少章名觀少游弟錢蒙仲穆父子

碧畦黃隴稻如京。歲美人和易得情。鑑裏移舟天外思。地中鳴角古來聲。山圍故國城空在。潮打西陵意未平。

二子有如雙白鷺。隔江相照雪衣明。結弱

有標紳。致終不及春。水所出天。上望也。元稹以州宅誇樂天詩鼓角驚馬從地底迴。

詩小雅曾孫之庾如砥如京鄭氏云京高丘也李白詩人行明鏡中鳥渡屏風裏王羲之曰每過山陰道如明鏡中行也元微之會稽州宅詩星河影向簷前落鼓角聲從地下迴

次韻錢越州錢越州穆父先賦羣字韻詩東坡次其韻錢又和寄坡復次其韻先是東坡起流落中掌二制勇於

報國不為顧慮且復疎於言語是時眾賢雖聚本朝而已有洛黨川黨朔黨之語言路多以謗訕誣之二聖察其忠蓋不以為舉諸公無以泄其怒凡所薦引如黃魯直歐陽叔弼王定國秦少游皆被彈劾無得免者公乃屢章乞去歷辯謗傷元祐四年三月除龍圖閣學士知杭州而穆父時以京尹坐奏獄空事守越正言劉器之謂責之太薄錢與公以氣類厚善故此詩末章云年來齒頰生荆棘習氣因君又一言後又和云欲息波瀾須引去吾儕豈獨在多言意皆有在也

髯尹超然定逸羣。南游端為訪雲門。謫仙歸侍玉皇按。老鶴來乘刺史轡。已覺簿書哀老子。故知籩豆有司存。年來齒頰生荆棘。習氣因君又一言。

蜀關羽傳諸葛亮答羽書曰孟起黔彭之徒當與益德並驅爭先猶未及髯之絕倫逸羣也羽美髯髯故亮謂之髯馬超字孟起張飛字益德元微之越州寄白樂天詩我是玉皇香案吏謫居猶得小蓬萊已見白樂天詩老鶴風標不可親後漢馬援為隴西太守輒曰頗哀老子使得遨遊再見真誥許遠遊與王羲之書云君侯心中荆棘交雜華嚴經斷除一切煩惱習氣

同秦仲二子雨中游寶山

平明已報百吏散，半日來陪二子閑。
立鶴低昂煙雨裏，行人出沒樹林間。

去杭州十五年復游西湖用歐陽察判韻

我識南屏金鯽魚，重來拊檻散齋餘。
還從舊社得心印，似省前生覓手書。
葑合平湖久蕪沒，人經豐歲尚凋疎。
誰憐寂寞高常侍，老去狂歌憶孟諸。

高僧傳惠可立雪斷臂求法於達磨，達磨曰：我法一心不立，文字法師以心契故曰：心印。王注：公游壽星院，入門便悟，嘗有詩云：前生我已到杭州，又晉羊祜自省前生李氏之子，唐房瑄悟前生為承禪師，張文定公方平為滁州日，游琅邪山，至藏院云：前生寫楞伽經未終，願再成之，皆異人也。唐高適為封丘尉，且有詩云：我本漁樵孟諸野，一生自是悠悠者，乍可狂歌草澤中，寧堪作吏風塵下，適終左散騎常侍。

眼前白雨倚窗到，舊傷時著筆初到。

與莫同年雨中飲湖上

莫君陳字和中吳興人官至少府監

到處相逢是偶然，夢中相對各華顛。
還來一醉西湖雨，不見跳珠十五年。

公為杭倅日有詩云：黑雲翻墨未遮山，白雨跳珠亂入船，故今詩云爾。

送子由使契丹

雲海相望寄此身，那因遠適更沾巾。
不辭驛騎凌風雪，要使天驕識鳳麟。
沙漠回看清禁月，湖山應夢武林春。
單于若問君家世，莫道中朝第一人。

漢匈奴傳南有大漠，北有強胡，胡者天之驕子也。杭州舊號虎林，避唐諱，更為武林。陸文學錢塘記云：武林山，隋時有白虎見其上，因以名之。唐李揆傳：帝嘗曰：卿門地人物文學皆當時第一，信朝廷羽儀，後為入蕃使，酋長曰：聞唐有第一人李揆，公是否？揆畏畱，因給曰：彼李揆安有來取。

次韻答劉景文左藏

劉景文名季孫開封祥符人壯閱公平之少子初以右班殿直監饒州酒後以

左藏副使為兩浙兵馬都監駐杭州公為守表薦之得隰州以沒公嘗自書曰劉景文慷慨奇士也博學能詩英偉冠世孔文舉之流耳嘗寄僕詩云四海共知霜鬢滿重陽曾插菊花無死之日家無一錢但有書二萬軸畫數百幅云其愛重之如此

我老詩壇仆鼓旗借君佳句發良時但空賀監杯中物
莫示孫郎帳下兒夜燭催詩金燼落秋芳壓帽露華滋
故應好語如爬癢有味難名只自知

漢韓信傳建大將鼓旗唐南蠻傳攻大度河仆旗息鼓李白憶賀監詩昔好杯中物今為松下塵帳下兒用禰正平譏劉荆州語詳見十二卷次韻答邦直詩注佛書如人飲水冷暖自知

坐上復借韻送岢嵐軍通判葉朝奉

雲間蹋白看纏旗莫忘西湖把酒時夢裏吳山連越嶠

樽前羌婦雜胡兒夕烽過後人初醉春鴈來時雪未滋
為問從軍真樂否書來麤遣故人知

王注軍中有踏白馬行師以為先驅蹋白纏旗蓋岢嵐邊州所見也杜子美夕烽詩夕烽來不近每日報平安王仲宣從軍詩從軍有苦樂但問所從誰

始於文登海上得白石數升如芡實可作枕聞

梅丈嗜石故以遺其子子明學士子明有詩次

其韻 梅子明吳郡人自館閣求便親養為杭州通判

海隅荒怪有誰珍零落珊瑚泣季倫法供坐令微物重
色難歸致孝心純只疑蕙苾來交趾未信蠙珠出泗濱
願子聚為江夏枕不勞揮扇自寧親

晉石崇傳字季倫與王愷以奢靡相尚武帝助愷以珊瑚樹高二尺許以示崇崇以鐵如意擊碎之愷為之惋惜崇曰不足多恨乃命左右悉取珊瑚高三四尺者

六七株如愷比者其衆愷恍然自失華嚴經諸供養中法供養最先生舊有怪石供故云蕙苾用馬援交趾事再見尚書泗濱浮磬淮夷蠙珠暨魚東觀漢記黃香至孝事母暑月扇枕寒則以身溫席人號江夏黃童

次韻錢越州見寄

莫將牛弩射羊羣。臥治何妨晝掩門。稍喜使君無疾病。時因送客見車轡。搔頭白髮秋無數。閉眼丹田夜自存。欲息波瀾須引去。吾儕豈獨坐多言。

王注漢有八牛弩以射楚軍矢及十里黃庭經嘯吸廬外出入丹田注存三丹田使和積如一則曰胎仙韓退之剝啄行凡今之人急名與官子不引去與為波瀾

○文登蓬萊閣下石壁千丈為海浪所戰時有碎

裂淘灑歲久皆圓熟可愛土人謂此彈子渦也

取數百枚以養石菖蒲且作詩遺垂慈堂老人

蓬萊海上峯玉立色不改孤根捍滔天雲骨有破碎陽

侯殺廉角陰火發光采纍纍彈丸間瑣細或珠琲閭浮

一漚耳真妄果安在我持此石歸社中有東海垂慈老

人眼俯仰了大塊置之盆盎中日與山海對明年菖蒲

根連絡不可解儻有蟠桃生且暮猶可待

木玄虛海賦陰火潛然劉禹錫賦發陰火之光采左太沖吳都賦金鎰磊砢珠琲闌干長阿含經鬪浮提世界由闌浮提樹得名楞嚴經空生大覺中如海一漚發再見本卷

次韻毛滂法曹感雨

毛滂字澤民元祐初公在翰苑澤民自浙入京以書贄文一編自通公出守錢

塘澤民適為掾紹聖初謫惠州澤民以書問安否又寄所擬秋興賦公答之曰秋興之作追配騷人多矣遇不遇自有定數然非厄窮無聊何以發此奇思以自表於世耶澤民嘗為武康令崇寧初除刪定官未幾為言者論去後知秀州有東堂集行於世

江南佳公子遺我錦繡端攬之溫如春公子焉得寒興
雨自有時膚寸便蒙覆斂藏以自潤牛斗何足平空庭
月與影強結三友歡我豈不足歟要此清團團欲歡在
一醉常恐樽中乾捨酒尚可樂明珠如彈丸但恐千仞
雀怱怱發虛彈迨子閑暇時種子田中丹一朝涉世故
空腹容欺謾我頃在東坡秋菊爲夕餐永愧坡間人布
褐爲我完雪堂初覆瓦上簞無下莞時時亦設客每醉
筒輒殫一笑便傾倒五年得輕安公子豈我徒衣鉢傳
一簞定非郊與島筆勢江河寬悲吟古寺中穿帷雪漫
漫他年記此味芋火對懶殘

張平子四愁詩美人贈我錦繡段何以報之青玉案公羊傳觸石而出膚寸而合
不崇朝而徧雨乎天下者惟泰山雲爾南史王筠傳好詩圓美流轉如彈丸再見
莊子讓王篇以隋侯之珠彈千仞之雀世必笑之以其所用重而所費輕也黃庭
經注寸田謂三丹田皆方一寸毛詩下莞上簞乃安斯寢公答秦太虛書初到黃
廩入既絕人口不少私甚憂之但痛自節儉日用不過百五十每月朔便取四千
五百錢斷爲三十塊挂屋梁上平旦用畫叉挑取一塊卽藏去仍以大竹筒別
貯用不盡者以待賓客此賈耘老法也楞嚴經心悟實相身意輕安撫言唐進士
如得主司或與主司先人同名第卽謝衣鉢古詩話和凝第十三名及第後知舉
取范質第十三名謂曰此傳老夫衣鉢耳郊島皆韓愈門人公蓋以韓自況也袁
郊甘澤謠衡岳寺有僧執役性懶而食殘號懶殘李泌嘗異之一日往見正撥火
出芋啖之取其半以授泌
曰勿多言領取十年宰相

送鄧宗古還鄉

廣漢有姜子孝悌行里閭赤眉雖豺虎弛兵過其墟至
今空清泉無復雙鯉魚南鄭有李劄得妙甘公書夜坐
指流星驚倒兩使車抱關不甯仕布褐蒙璠璣西南固

多士君得二子餘凜凜忠文公搜士及樵漁澗谿有幽
討蘋芷真嘉蔬歲晚終不食心惻當何如

後漢列女傳姜詩事母孝母嗜江水魚膾夫婦常力作供之舍側忽有涌泉每日輒出雙鯉以供膳赤眉賊經詩里寇兵而過曰驚大孝必觸鬼神又互見十八卷五禽言詩注後漢李卻傳漢中南鄭人也善河圖風星和帝遣使徵服單行觀采風謠二使當到益部投命候舍命時為幙門候吏夏夜露坐因仰觀問曰二君發京師時寧知朝廷遣使耶二人相驚視曰不聞也問何以知之命指星云二使星向益州分野故知之後三年其使者一人拜漢中太守命猶為吏太守奇其隱德召署戶曹史甘公古之知星者忠文范蜀公也蜀公諱鎮字景仁薨諡忠文宗古當是景仁門生

參寥上人初得智果院會者十六人分韻賦詩

得○心○字
參寥上人各道潛事見十五卷智果舍下有泉出石開東坡名之參寥泉且為之銘故詩云云
漲○水○返○舊○壑○飛○雲○思○故○岑○念○君○忘○家○客○亦○有○懷○歸○心○三
間○得○幽○寂○數○步○藏○清○深○攢○金○盧○橘○塢○散○火○楊○梅○林○茶○笋

盡○禪○味○松○杉○真○法○音○雲○崖○有○淺○井○玉○醴○常○半○尋○遂○名○參
寥○泉○可○濯○幽○人○襟○相○攜○橫○嶺○上○未○覺○衰○年○侵○一○眼○吞○江
湖○萬○象○涵○古○今○願○君○更○小○築○歲○晚○解○我○簪

揚雄太玄經飲玉醴以解渴張平子思玄賦飲青岑之玉醴

哭王子立次兒子迨韻

彭○城○初○識○子○照○眼○白○而○長○異○夢○成○先○兆
王子立名適事見上卷次韻王郎子立風雨有感詩註
日○吾○夢○為○密○州○壻○何○也○已○清○言○得○未○嘗○豈○惟○知○禮○意○遂○欲○補○詩
公自注余為密州子立未嘗相識忽告同舍生
而○果○以○子○由○之○子○妻○之○
公自注子立能
吐○吐○真○相○逼○諸○生○敢○鴈○行
詩而有禮學

韓退之銘吾見其孫白而長身再見晉東晉有補亡詩其序曰哲與同業疇人肆修鄉飲酒之禮然所詠之詩或有義無辭音樂取節闕而不備於是遙想既往存思在昔補著其文以綴舊制法帖衛夫人書王逸少甚能學衛真書咄咄逼人筆勢洞精字體道媚

非無伯鸞志獨有子雲悲

公志子立墓享年三十五一女初昏有遺腹裔其兄蘧子開葬之臨城

子非天合猶能使我思兒曹莫悽慟老眼欲枯萎會哭

皆豪傑

公自注子立與黃魯直張文潛晁無咎秦少游陳無已皆友善

誰為感舊詩

後漢梁鴻傳字伯鸞家貧而尚節介鄉里勢家慕之多欲女之鴻並絕不娶同縣孟氏女狀醜肥而黑擇對不嫁鴻聞而聘之共入霸陵山中以耕織為業詠詩書彈琴以自娛仰慕前世高士而作頌揚子法言育而不苗者吾家之童烏乎注云童烏子雲之子也子雲傷童烏育而不苗也

龍困嘗魚服羊儼或虎蒙恩恩成鬼錄憤憤到天公偶

落落牆上同遊翠殼中回看十年事黃葉卷秋風

張平子東京賦白龍魚服見困豫且揚子羊質而虎皮見草而悅見豺而戰忘其皮之虎也魏文帝與吳質書徐陳應劉一時俱逝撰其遺文都為一集觀其姓名已為鬼錄晉天文志康帝建元二年歲星犯天關安西將軍庾翼與兄冰書曰歲星犯天關占云關梁當分比來江東無他故江道亦不艱難而石季龍頻年再閉關不通信使此復是天公憤憤無皂白之證也庾信詩憤憤天公曉精神殊乏少藩牆用范紉對景陵王人生如樹花同發隨風而墮語釋殼用莊子德充符語並已見

與鵲并引

熙寧中柯侯仲常通守漳州以救饑得民有二鵲栖其聽事訖侯之去鵲亦送之漳人異焉為賦此

詩

昔我先君子仁孝行於家家有五畝園么鳳集桐花是時烏與鵲巢穀可俯拏憶我與諸兒飼食觀羣呀里人驚瑞異野老笑而嗟云此方乳哺甚畏鳶與蛇手足之所及二物不敢加主人若可信衆鳥不我遐故知中孚化可及魚與豸柯侯古循吏悃悞真無華臨漳所全活數等江干沙仁心格異族兩鵲栖其衙但恨不能言相

此詩質而實
綽有古風

自然合拍非有意
引右

對空楂楂善惡以類應古語良非夸君看彼酷吏所至
號鬼車

荀子王者之政好生惡殺則鳥鵲之巢可俯而窺莊子馬蹏篇至德之世禽獸可
係羈而遊鳥鵲之巢可攀援而窺周易中孚信及豚魚吉東坡雜說少年時所居
書室前有竹柏雜花叢生滿庭眾鳥巢其上武陽君惡殺生兒童婢僕皆不得捕
取數年間鳥雀皆巢於低枝其驚可俯而窺也又有桐花鳳四五日一翔集其間
此鳥羽毛至為奇異難見而能馴擾殊不畏人閭里間見之以為異事此無他不
伎之誠信於異類也有野老言鳥雀去人太遠則其子有蛇鼠狐狸鴉雀之憂人
既不殺則自近人蓋欲免此害也由是觀之異時鳥雀巢不敢近人者以人為甚
於蛇鼠之類也苛政猛於虎信哉後漢章帝紀元和元年詔曰安靜之吏悃悞無
華韓退之雜詩鵲鳴聲楂楂鳥噪聲攫攫嶺表錄異鳥一名
鬼車或云九首古者重鴉肉及梟羹蓋惡鳥欲滅其族也

次韻詹適宣德小飲巽亭

君方夢謫仙

公自注來詩記李白郎官湖事

我亦弔文園江上同三黜天涯

共一樽濤雷殷白晝梅雪耿黃昏歸去多情雨應隨御

史軒

公自注磨為御史臺主簿

金道真浙江記潮頭湧激高數丈句隱若雷霆林逋梅詩暗香浮動月黃昏唐顏
真卿傳為監察御史使河隴時五原有冤獄久不決天且旱真卿辨獄而雨郡人
呼為御史雨韓退之祈雨詩
行看五馬入蕭颯已隨軒

東川清絲寄魯冀州戲贈

魯冀州名有開字元翰事見第十二卷送元翰如衛州詩註

鵝谿清絲清如冰上有千歲交枝藤藤生谷底飽風雪
歲晚忽作龍蛇升嗟我雖為老侍從骨寒只受布與繒
牀頭錦衾未還客坐覺芒刺在背膺豈如髯卿晚乃貴
福祿正似川方增醉中倒著紫綺裘下有半臂出縹緲
封題不敢妄裁剪刀尺自有佳人能遙知千騎出清曉
積雪未放浮塵興白須紅帶柳絲下老弱空巷人相登

但放奇紋出領袖吾髯雖老無人憎

杜子美張舍人遺襦段詩錦鯨卷還客始覺心和平漢霍光傳上內嚴憚之若有芒刺在背李白甌月詩序既月金陵城西孫楚樓日晚乘醉著紫綺裘烏紗帽與酒客數人棹歌秦淮北夢瑣言鄭愚好華侈以錦為半臂後以所業見崔鉉鉉歎曰真消得錦半臂宣室志竇參夢德宗以文錦半臂賜之解者曰半臂乃股肱之服後數日果大拜溫庭筠乾驥子房瑄家法不著半臂韓退之詩我齒豁可鄙我顏老可憎

怡然以垂雲新茶見餉報以大龍團仍戲作小

詩

妙供來香積珍烹具大官揀牙分雀舌賜茗出龍團曉日雲菴暖春風浴殿寒聊將試道眼莫作兩般看

維摩經香積如來以眾香鉢盛滿香飯與化菩薩唐百官志太官署令掌供祠宴朝會膳食呂仲吉建安茶錄芽如鷹爪雀舌者為上一槍一旗次之

次韻王忠玉游虎丘三首

當年大白此相淨老守娛賓得二丘

公自注郡人有閻丘公太

即謁閻丘規父忠玉伯父也白髮重來故人盡空餘叢桂小山幽

楚辭劉安招隱士序曰淮南小山之所作也辭曰桂樹叢生兮山之幽

青蓋紅旗映玉山新詩小草落玄泉風流使者人爭看

知有真娘立道邊

公自注虎丘中路有真娘墓

張平子東京賦陰地幽流玄泉冽清子孟東野詩手中飛黑電象外寫玄泉

舞衫歌扇轉頭空只有青山杳靄中若共吳王鬪百草使君未敢借驚鴻

劉禹錫寄蘇州白使君詩若共吳王鬪百草不知應是欠西施又秦娘歌舞鶴驚鴻水榭春歌撩上客蘭堂暮

寄蔡子華

蔡子華名襄眉之青神人成都帖有詩叙云王十六秀才將歸蜀云子華宣德蔡丈見託求詩夢中為作四句

覺而成之以寄子華仍請以示楊君素
王慶源二老人元祐五年二月七日

故人送我東來時○手栽荔子待君歸○荔子已丹吾髮白○
猶作江南未歸客○江南春盡水如天○腸斷西湖春水船○
想見青衣江畔路○白魚紫筍不論錢○霜髯三老如霜檜○
舊交零落今誰輩○莫從唐舉問封侯○但遣麻姑更爬背○

史記蔡澤傳嘗從唐舉相舉熟視而笑曰吾聞聖人不相殆
先生乎澤知舉戲之乃曰富貴吾所自有所不知者壽也

和錢四寄其弟蘇

錢四蓋穆父蘇字岳仲時穆父守越公守
杭故云東西二老人別本又載一篇云老

來日月似車輪此去知逢幾箇春昨
夜冰花猶作柱曉來梅子已生人

再見濤頭湧玉輪○煩君久駐浙江春○年來總作維摩病○
堪笑東西二老人○

維摩經長者維摩詰以方便現身有疾以其疾故
無數千人皆往問疾維摩詰因以身疾廣為說法

臥病彌月聞垂雲花開順閣黎以詩見招次韻
答之

道人心似水○不礙照花如○宴坐春強半○清陰月屢遷○平
生無起滅○一念有陳鮮○嫋嫋風枝舉○離離日萼薦○病吟
終少味○老醉不成顛○何必遨頭出○湖中有散仙○

李義山詩日薄不薦花後漢馬援傳過是欲少味矣成都記太守凡
出遊樂士女列於木牀觀之勢如橙道謂之遨牀故謂太守為遨頭

故周茂叔先生濂谿

周茂叔先生子燾字次元公守杭次元
為兩浙轉運同在錢塘為賦此詩次元

終寶文閣侍制

世俗眩名實○至人疑有無○怒移水中蟹○愛及屋上烏○坐

元公自為詩云
東益易足名高
朝暮歲則應
之義當如蘇
詩黃之序矣伊

洛淵源錄有元公之手求詩因瀟字犯黃氏家諱乃改為庶之語恐或未的也黃氏恐犯家諱若蕪氏又何所避耶且所謂朝暮歲者又何以云耶

令此谿水名與先生俱先生本全德廉退乃一隅因拋彭澤米偶似西山夫遂即世所知以為谿之呼先生豈我輩造物乃其徒應同柳州柳聊使愚谿愚

晉解系傳趙王倫以宿憾收系曰我於水中見蟹且惡之況此人兄弟輕我耶太公虎韜篇愛其人者愛及屋上之烏憎其人者憎其餘胥再見揚子或問子蜀人也請人曰李仲元者人也不夷不惠可否之問也如是則其名之不彰曰無仲尼則西山之餓夫與東國之絀臣惡乎聞柳子厚種柳詩柳州柳刺史種柳柳江邊又愚溪詩序余以愚觸罪謫瀟水上愛是谿故更名為愚溪

次韻子由使契丹至涿州見寄四首

老人癡鈍已逃寒子復辭行理亦難公自注余昔年辭免使北要到盧龍看古塞投文易水弔燕丹

唐地理志平州武德元年徙治盧龍一曰盧龍軍天寶二載置史記燕世家秦兵臨易水燕知禍且至太子丹使荆軻襲刺秦王秦王殺軻擊燕燕斬丹以獻

胡羊代馬得安眠窮髮之南共一天又見子卿持漢節遙知遺老泣山前

莊子逍遙游窮髮之北有冥海者天池也李潤詩島嶼分諸國星河共一天韓退之和連昌宮詩宮前遺老來相問今是開元幾葉孫李太白金陵詩六帝餘古丘樵蘇泣遺老

羶毳年來亦甚都時時鳩舌問三蘇公自注余與子由入京時北使已問所在後余館伴

北使屢誦三蘇文那知老病渾無用欲問君王乞鏡湖

始憶庚寅降屈原旋看蠟鳳戲僧虔隨翁萬里心如鐵

公自注時酒子遲待行此子何勞為買田

楚辭離騷攝提貞于孟陬兮惟庚寅吾以降南史王僧虔傳父曇首與兄弟集會子孫任其戲適僧虔採蠟燭珠為鳳凰伯父弘稱其長者或云僧練漢陸賈使南越歸出橐中金分諸子買好時田宅

雪後便欲與同僚尋春一病彌月雜花都盡獨
牡丹在耳劉景文左藏和順闍黎詩見贈次韻

答之

殘花怨久病剩雨泣餘妍不見雙旌出空令九陌遷

自公

注開園時市井皆入

知君苦寂寞妙語嚼芳鮮淺紫從爭發深紅任

蚤薦天葩尚青萼國色待華顛載酒邀詩將臞儒不是仙

次韻劉景文周次元寒食同游西湖

絮飛春減不成年老境同乘下瀨船藍尾忽驚新火後

遨頭要及浣花前

公自注成都太守自正月二日出遊謂之遨頭至四月十九日浣花乃止

山西老將詩

無敵洛下書生語更妍共向北山尋二士畫橈鼉鼓聒

清眼

漢武帝紀元鼎五年下瀨將軍下蒼梧臣瓚曰伍子胥書有下瀨船白樂天寒食詩三杯藍尾酒一櫟膠牙錫咸鑄故事清明尚食內園官小兒於殿前鑽新火賜宰臣以下漢趙充國傳贊曰秦漢以來山東出相山西出將杜子美贈李白詩白也詩無敵晉謝安傳能為洛下書生詠維摩經一士共談必說妙法一士謂清順道潛

連日與王忠玉張全翁游西湖訪北山清順道

潛二詩僧登垂雲亭飲參寥泉最後過唐州陳

使君夜飲忠玉有詩次韻答之

北山非自高千仞付我足西湖亦何有萬象生我目雲

深人在塢風靜響應谷與君皆無心信步行看竹竹間

逢詩鳴眼色奪湖淥百篇成俯仰二老相追逐故應千

頃池養此一雙鵠。山高路已斷。亭小膝屢促。夜尋三尺井。渴飲半甌玉。明朝鬧絲管。寒食雜歌哭。使君坐無聊。狂客來不速。載酒有鴟夷。扣門非啄木。浮蛆灑金盃。翠羽出華屋。須臾便陳跡。覺夢那可續。及君未渡江。過我勤秉燭。一笑換人爵。百年終鬼錄。

韓退之送孟東野序東野始以其詩鳴。今以言二詩僧也。

新茶送僉判程朝奉以餽其母有詩相謝次韻

答之

程朝奉名遵彥字之邵舉進士簽書杭州節度判官文學吏事皆有可觀事母孝謹有絕人者在東坡幕府二年替還其詩送赴闕載二十九卷公再入翰林薦之於朝擢宗正丞後使廣西入為祠部郎提點兩浙刑獄

縫衣付與溧陽尉。舍肉懷歸穎谷封。聞道平反供一箒。

會須難老待千鍾。火前試焙分新勝。雪裏頭綱輟賜龍。從此升堂是兄弟。第一甌林下記相逢。

孟東野游子吟慈母手中線遊子身上衣臨行密密縫意恐遲遲歸唐孟郊傳字東野年五十登進士第調溧陽尉左傳隱公元年穎谷封人穎考叔有獻於鄭莊公公賜之食食舍肉公問之對曰小人有母未嘗君之羹請以遺之漢馬不疑傳為京兆尹每行縣錄決囚徒還其母輒問有所平反活幾何人即多有所平反母喜笑為飲食語言異於他時毛詩既飲旨酒永錫難老魯侯宴喜令妻壽母莊子寓言篇曾子再仕而心再化曰吾及親仕三釜而心樂後仕三千鍾不泊吾心悲茶錄福建貢茶每若干計綱以進國朝故事第一綱團茶至即分賜近臣歐陽公歸山錄茶之貴者莫如龍鳳三國吳周瑜傳孫策與瑜同年獨相友善升堂拜母有無通共張昭傳孫策創業命昭為長史升堂拜母如比肩之舊

次韻送張山人歸彭城

羨君飄蕩一虛舟。來作錢塘十日遊。水洗禪心都眼淨。山供詩筆總眉愁。雪中乘興真聊爾。春盡思歸卻罷休。

何日五湖從范蠡種魚萬尾橘千頭

莊子列禦寇汎若不繫之舟虛而遨遊者也北戶雜錄陶朱公養魚法凡種魚每二月上庚日取鯉魚有子者投池中柳子厚遊黃溪記有魚數千尾橘千頭

次韻林子中王彥祖唱酬

林子中名希時守潤故有雨餘北固之句

蚤知身寄一漚中晚節尤驚落木風

公自注近聞莘老公昨擇皆逝故有此句

夢已論三世事歲寒猶喜五人同

公自注余與子中彥祖子敦完夫同試舉人景德寺今皆健

雨餘北固山圍坐春盡西湖水映空差勝四明狂監在

更將老眼犯塵紅

楞嚴經空生大覺中如海一漚發有漏微塵國皆因空所生圓覺經如昨夢故當知生死及與涅槃無起無滅無去來今南史梁平樂侯傳京城之西有別嶺入江高數十丈三面臨水號曰北固蔡謨起樓其上以置軍實唐賀知章傳晚節尤誕放自號四明狂客及秘書外監

壽星院寒碧軒

周益公詩話云蘇文忠公詩初若蒙邁天成其實關鍵甚密再來杭州作壽星院寒碧軒詩句

孝義山錦瑟待商然清和以此格也

清風肅肅搖牕扉牕前修竹一尺圍紛紛蒼雪落夏簟
冉冉綠霧霑人衣日高山蟬抱葉響人靜翠羽窠林飛
道人絕粒對寒碧為問鶴骨何緣肥

句切題而未嘗拘其云清風肅肅搖牕扉牕前修竹一尺圍紛紛蒼雪落夏簟冉冉綠霧沾人衣寒碧各在其中第五句日高山蟬抱葉響頗似無意而杜詩云抱葉寒蟬靜併葉言之寒碧亦在其中矣人靜翠羽窠林飛固不待言來句卻說破其妙如此

書劉景文左藏所藏王子敬帖

章子厚書評云劉季孫文思有子敬兩帖二十

二字雖殘缺不完而精神骨氣具在柳公權題數十字於其後用筆艱辛滯澀不可言米元章書史云王獻之送梨帖云今送梨三百顆晚雪殊不能佳即詩中所謂君家兩行十二字也宿按此詩注有東坡詩話所載子敬黃甘三百顆帖在劉景文處二王書傳於世者皆無黃甘帖獨書史載唐摹逸少帖乃雙鈎蠟紙本云奉橘三百顆霜未降未可多得詩話所載蓋誤記梨為甘也

家雞野鷲同登俎春蚓秋蛇總入奩君家兩行十二字

杜詩云寒蟬抱葉響第五句中亦暗藏寒字周子亮二老堂詩話云爾

何日五湖從范蠡種魚萬尾橘千頭

莊子列禦寇汎若不繫之舟虛而遨遊者也北戶雜錄陶朱公養魚法凡種魚每二月上庚日取鯉魚有子者投池中柳子厚遊黃溪記有魚數千尾橘千頭

次韻林子中王彥祖唱酬

林子中名希時守潤故有雨餘北固之句

蚤知身寄一漚中晚節尤驚落木風

公自注近聞華老公擇皆逝故有此句

昨

夢已論三世事歲寒猶喜五人同

公自注余與子中彥祖子敦完夫同試舉人景德寺今皆健

雨餘北固山圍坐春盡西湖水映空差勝四明狂監在

更將老眼犯塵紅

蘇詩卷頁所夾蝴蝶花葉是丙寅初夏所藏他時翻看猶得

見三年春色也

唐賀知章傳晚節尤誕放自號四明狂客及秘書外監

山空所生圓覺經如昨夢故當不候傳京城之西有別嶺入江

壽星院寒碧軒

周益公詩話云蘇文忠公詩初若豪邁天成其實關鍵甚密再來杭州作壽星院寒碧軒詩句

孝義山錦葛待遠
然清和而此格也

清風肅肅搖牕扉牕前修竹一尺圍紛紛蒼雪落夏簟

冉冉綠霧霑人衣日高山蟬抱葉響人靜翠羽窠林飛

道人絕粒對寒碧為問鶴骨何緣肥

書劉景文左藏所藏王子敬帖

章子厚書評云劉季孫文思有子敬兩帖二十

二字雖殘缺不完而精神骨氣具在柳公權題數十字於其後用筆艱辛滯澀不可言米元章書史云王獻之送梨帖云今送梨三

百顆晚雪殊不能佳即詩中所謂君家兩行十二字也宿按此詩注有東坡詩話所載子敬黃甘三百顆帖在劉景文處二王書傳

於世者皆無黃甘帖獨書史載唐摹逸少帖乃雙鈎蠟紙本云奉橘三百顆霜未降未可多得詩話所載蓋誤記梨為甘也

家雞野鷲同登俎春蚓秋蛇總入奩君家兩行十二字

杜詩云寒蟬抱葉
響第五句中亦
暗藏寒字周子
亮二老堂詩語

氣壓鄴侯三萬籟

書劉景文所藏宗少文一筆畫

張彥遠名畫記宗炳字少文南陽沮陽人善書

畫郭若虛圖畫見聞志張彥遠稱惟王獻之能為一筆書陸探微能為一筆畫

宛轉回紋錦。縈盈連理花。何須郭忠恕。匹素畫縑車。

郭若虛圖畫見聞志郭忠恕字恕先。雒陽人。善畫。有設統素求為圖畫者。必怒而去。乘輿即自為之。有富人子喜畫。設几案粉墨絹素。屢以情言。忠恕取紙數十番。首畫一。角小童持車輪紙窮處作風。為中引線長數丈。富家子大怒。遂謝絕。

真覺院有洛花花時不暇往。四月十八日與劉

景文同往賞枇杷

綠暗初迎夏。紅殘不及春。魏花非老伴。盧橘是鄉人。井
落依山盡。巖崖發興新。歲寒君記取。松雪看蒼鱗。

歐陽公花譜名牡丹中魏花者。干葉內紅。出於魏仁浦故相家。白樂天醉贈叔詩。老伴如君少。史記司馬相如傳。盧橘夏熟。注今蜀中有給客橙。即盧橘也。談助云。盧橘。杷也。

又和景文韻

牡丹松檜一時栽。付與春風自在開。試問壁間題字客。
幾人不為看花來。

西湖壽星院此君軒

臥聽謾謾碎龍鱗。俯看蒼蒼立玉身。一舸鴟夷江海去。
尚餘君子六千人。

陸機感冬賦。風謾謾而屢作。世說。世目李元禮謾謾如勁松下風。再見。白樂天題武丘詩。玉立竹森森。史記。越王句踐。世家。用范蠡計。發習流二千。教士四萬。君子六千人。諸御千人。伐吳。句踐已平。吳。范蠡乃與其私徒。屬乘舟浮海。出齊。變姓名。自謂鴟夷子皮。

仲天賦王元直自眉山來見余錢塘留半歲既

行作絕句五首送之王箴字元直公夫人同安君之弟也

仲君豈第多學王子清修寡言病後空驚鶴瘦時來或作鵬騫

海角煩君遠訪江源與我同來剩作數詩相送莫教萬里空回

郭景純江賦惟岷山之導江初發源乎滄鵠

三人一旦同行公自注二子與秦少章同寓高齋復同舟北行留下高齋月明遙想扁

舟京口尚餘孤枕潮聲

更欲留君久住念君去國彌年空使犀顱玉頰長懷髯

舅淒然

犀顱玉頰公自謂諸子髯舅謂元直

為余遠致殷勤瑞草橋邊老人紅帶雅宜華髮白醪光泛新春

老人王慶源也公先有慶源詩引見上卷

贈善相程傑

心傳異學不謀身自要清時閱搢紳火色上騰雖有數急流勇退豈無人書中苦覓元非訣醉裏微言卻近真我似樂天君記取華顛賞遍洛陽春

唐馬周傳岑文本謂所親曰馬君鳶肩火色騰上必速恐不能久江鄰幾雜志錢若水謁華山陳搏搏曰日如點漆黑白分明當作神仙有紫閣老僧曰不然他日

但能富貴急流中勇退耳白樂天醉吟先生傳洛陽內外六七十里間觀寺丘墅有泉石花竹者靡不遊又閑吟詩看雪尋花翫風月洛陽城裏七年閑

施註蘇詩卷之二十八

施註蘇詩卷之二十九

漫堂先生宋 榮

長洲顧嗣立

樸園先生張榕端

閱定

毗陵邵長蘅

刪補

商丘宋 至

詩五十八首

時守杭州作

次韻林子中蒜山亭見寄

林子中名希閩人東坡起遷客朝廷以人望欲驟用之議除起

居舍人公詣宰相蔡持正力辭持正曰今日誰當在公先者公曰昔林希同在館中年且長持正曰希固當先公取卒不許紹聖初進寶文閣直學士知成都府哲宗親政章子厚方治元祐諸臣欲使子中典書命而疑於左遷使問之欣然畱行復為中書舍人自司馬溫公東坡等數十人皆使為謫詞極其醜詆遂累遷至同知樞密院後朝廷理其詞命醜正之罪奪職為舒州建中靖國元年東坡自海南歸至儀真與子由書云林子中病傷寒十餘日便卒所獲幾何遺臭無窮哀哉哀哉

奇逸多聞老敬通何人慷慨解憐翁十年簿領催衰白
一笑江山發醉紅聞道賦詩臨北固未應舉扇向西風
叩頭莫喚無家客歸掃岷峨一畝宮

後漢馮衍傳衍字敬通幼有奇才博通羣書數遭讒毀遂增墮於時舉扇用庾元規事屢見無家客公有與金山元長老詩云蒜山幸有閑田地招此無家一房客

再和并答楊次公

楊次公事見二十三卷送楊傑詩注此卷倡疇凡五詩次公時提點兩浙刑獄

毗盧海上妙高峰二老遙知說此翁聊復艤舟尋紫翠
不妨持節散陳紅高懷卻有雲門興好句真傳雪竇風
唱我三人無譜曲馮夷亦合舞幽宮

華嚴經毗盧遮那十身巢海又文殊師利告善財童子言南方有一國土名為勝樂其國有山名曰妙高峰漢食貨志太倉之粟陳陳相因賈捐之傳孝武元狩六年太倉之粟紅腐而不可食持節用汲黯事雲門雪竇皆禪宗也次公有雪竇語錄序司馬相如大人賦使靈媧鼓琴而舞馮夷

蒙仲名品移父次

次韻劉景文送錢蒙仲三首

錢蒙仲乃穆父內翰之子穆父守越遣蒙仲從東坡

學穆父九男子東坡每戲穆父為九子母丈夫故云送盡青雲九子由婿王了立新逝故云王郎獨為鬼錄

誰識天閑老驥不爭日暮長途送盡青雲九子歸去扁
舟五湖

南史何承天傳除著作佐郎承天年已老而諸佐郎竝名家年少荀伯子嘲之常呼為妳母承天曰卿當云鳳皇將九子妳母何言耶

寄語竹林社友同書桂籍天倫王郎獨為鬼錄世間無
此玉人

五字古原春草千金漢殿長門經緯尚餘三策典刑畱
與諸孫

撫言白居易應舉初至京以詩謁顧况况戲之曰長安物貴居大不易及讀原上草詩云野火燒不盡春風吹又生乃嗟賞曰有句如此居天下有甚難樂天集此

詩題云古原草司馬長卿長門賦序孝武陳皇后得幸頗妬別在長門宮愁悶悲思聞相如天下工為文奉金百斤為相如文君取酒因于解悲愁之詞而相如為文以寤主上后復得幸

菩提寺南漪堂杜鵑花

南漪杜鵑天下無披香殿上紅氍毹鶴林兵火真一夢不歸閨苑歸西湖

三輔黃圖武帝建溫室殿規地以蜀賓氍毹白樂天紅線毯歌揀絲練線紅藍染織作披香殿上毯續仙傳鶴林寺杜鵑花盛為三春游觀之最時將重九周寶謂殷七七曰能令此花開否七七乃宿其下次日花發此花平日開時常見三紅裳女子護之及是忽女子來語七七曰花在人間已百年非久卻歸閨苑今與道者開之數日花俄不見亦無花落之迹其後兵火焚寺樹失根株信歸閨苑矣事互見卷五後十餘日復至詩注

題楊次公春蘭

春蘭如美人不採羞自獻時聞風露香蓬艾深不見丹

青寫真已欲補離騷傳對之如靈均冠佩不敢燕

漢淮南王傳武帝使為離騷傳且受詔食時上楚辭離騷名余曰正則兮字余曰靈均漢汲黯傳丞相晏見或時不冠至如見黯不冠不見也

題次公蕙

蕙本蘭之族依然臭味同曾為水仙佩相識楚辭中幻色雖非實真香亦竟空云何起微馥鼻觀已先通

王子年拾遺記楚人思慕屈平謂之水仙楚辭離騷雜申椒與菌桂兮豈維紉夫蕙蒞楞嚴經觀世音菩薩由聞思修入三摩地疏云聞思修為三觀惟觀世音三

全觀俱

次韻曹輔寄壑源試焙新芽

曹輔字子方時為福建路轉運使

仙山靈草一作雨濕行雲洗遍香肌粉未勻明月來投玉川子清風吹破武林春要知玉一作冰雪心腸好不是膏油首

面新戲作小詩君勿一作笑從來佳茗似佳人

韓退之李花詩日光赤色照來好明月暫入都交加夜領張徹投盧仝乘雲共至玉皇家南史齊帝賜公主首面三十人茶品要錄沙溪之園民或雜以松黃飾其首面試時雖鮮白而不能久

次韻袁公濟謝芎椒

燥吻時時著酒濡要令臥疾致文殊河魚潰腹空號楚
汗水流骸始信吳公自注吳真君服椒法云半年脚心汗如水自笑方求三歲艾不

如長作獨眠夫羨君清瘦真仙骨更助飄飄鶴背軀

陸士衡文賦始躑躅於燥吻終流離於濡翰維摩經文殊奉佛旨詣維摩詰問疾諸菩薩大弟子咸作是念今二大士文殊師利維摩詰共談必說妙法左傳宣十二年申叔展曰有麥麩乎曰無有山鞠窮乎曰無河魚腹疾奈何再見潘安仁射雉賦注云骸脛也一曰吳人呼脚為骸

次韻楊次公惠徑山龍井水公自注龍井水洗病眼有效

漏盡雞沉厭夜行年來小器溢鉗罌棄官縱未歸東海
罷郡猶堪作水衡幻色將空眼先暗勝遊無礙脚殊輕
空煩遠致龍淵水寧復臨池似伯英

三國魏田豫傳年過七十而居位譬猶鐘鳴漏盡而夜行不休是罪人也史記曆書冬分時雞三號卒明韓石鼎聯句方當紅爐然益見小器盈漢疏廣傳東海蘭陵人也與兄子受俱乞骸骨歸老故鄉已見水衡用漢龔遂事屢見

次韻劉景文登介亭

澤國梅雨餘衰年困蒸溽高堂磨新塼頗覺种腰足松
根百尺井兩綆飛淨淥流觴聚兒童一笑為捧腹清風
信可御剛氣在巖麓始知共此世物外無三伏長歌入
雲去不待絃管逐西湖真西子煙樹點睂目濤江少醞

介亭當在西湖
南岸無可致

劉氣二字奇

飛屋一作雲屋
良是

祖無擇先為杭州守
名亭或其所築劉景
文詩集惜不傳後徒
宋文雖中見與先生
唱和七律一章耳

藉高浪翻飛屋俛仰拊四海百世飛鳥速遠追錢氏餘
近弔祖侯躅吾生如寄耳寸晷輕尺玉誰似劉將軍逸
韻謝邊幅千言一揮手五車不再讀春高彩雞舞月峽
哀猿哭朝先鷓鴣起暮與寒蠶續我老廢吟哦賴君時
擊觸從今事遠覽發軔此幽谷清游得三昧至樂謝五
欲莫作狂道士氣壓劉師服

磨博字出傳燈錄史記日者傳司馬季主捧腹大笑莊子在宥篇俛仰之間而拊四海之外祖侯謂祖無擇淮南子聖人重分寸之陰而輕尺璧後漢馬援傳見公孫述曰天下雌雄未定不吐哺走迎國士反修飾邊幅此子何足久稽天下士南史任昉傳為新安太守在郡不事邊幅莊子惠子多方其書五車韓愈詩為人強記覽過眼不再讀北史邢邵傳廣尋經史五行俱下一覽便無所遺唐蕭穎士傳與李華陸據游龍門讀道傍碑穎士即誦華再據三乃能盡記聞者謂三人才高下此其分也異苑山雞愛其毛映水則舞宜都山川記峽中猿鳴至清行者歌之曰巴東峽猿鳴悲猿鳴三聲淚沾衣謝惠連搗衣詩烈烈寒蠶嘯此二句謂景

文筆等之今也史記封禪書上使樂大驗小方鬪基自相觸擊楚辭離騷朝發軔於蒼梧兮余至於懸圃內典梵語三昧此云正受法華經有五欲曰淫慾曰睡眠曰飲食曰自恣曰貪欲又維摩詰云汝等已發道意有法樂可以自娛不應復樂五欲狂道士軒轅彌明也與劉師服進士相識劉與侯喜聯石鼎句彌明應之如響事詳韓退之石鼎聯句序屢見

袁公濟和復次韻答之 袁公濟名轂

昏昏墮醉夢奈此六月溽君詩如清風吹我朝睡足登
臨得佳句江白照湖淥袖手獨不言默藁已在腹是時
風雨過藹藹雲歸麓疎星帶微月金火爭見伏惜哉此
清景變滅不可逐歸來讀君詩耿耿猶在日卻思少年
日聲價爭場屋文如翻水成賦作叉手速秋風起鴻鴈
我亦繼華躅那知君躅躅獨泣荆山玉相見南新道青

表疑當作楊時
楊公濟通判
方在詩中
有今
辛後為僚之句

衫垂破幅蚤知事大繆恨不十年讀莫嫌馮唐老終勝
賈誼哭今年復為僚舊好許重續升沈何足道等是蠻
與觸共為湖山主出入窮澗谷衆馳君不爭人棄我所
欲何時神武門相約挂冠服

禮記季夏之月土潤溽暑詩大雅吉甫作頌穆如清風唐王勃傳屬文初不精思先磨墨數升則酣飲引被覆面及寢援筆成篇不易一字時人謂勃為腹稿曆忌釋伏者何也金氣伏藏之日也四時代謝皆以相生立夏火代木木生火立秋金代火金畏於火故至庚日必伏顏師古曰陰氣將起迫于殘陽而未得升故為藏伏太平廣記唐溫庭筠才思艷麗工於小賦每入試押官韻作賦凡八叉手而八韻成繼華躅袁穀試館職首薦東坡亦第七人漢司馬遷傳務一心營職以求親媚於主上而事乃有大繆不然者漢馮唐傳文帝問曰父老何自為郎賈誼傳上疏陳政事曰有可為痛哭者一流涕者二長太息者六左傳桓二年公及戎盟于唐修舊好也莊子則陽篇戴晉人曰有國於蝸之左角曰觸氏有國於蝸之右角曰蠻氏時相與爭地而戰伏尸逐北旬有五日而後反云云

介亭餞楊傑次公

籃輿西山登山門嘉與我友尋仙村丹青明滅風篁嶺
環珮空響桃花源公自注郡人謂介亭山下為桃源路前朝欲上已蠟屐黑雲白

雨如傾盆今晨積霧卷千里豈畏觸熱生病根在家頭
陀無為子久與青山為弟昆孤峰盡處亦何有西湖鏡
天江抹坤臨高揮手謝好住清風萬壑傳其言風回響
答君聽取我亦到處隨君軒

杜子美貽柳少府詩自非曉相訪觸熱生病根傳燈錄會通禪師休官出家鳥窠禪師云汝當為在家菩薩戒施俱修如謝靈運之儔也次公號無為子杜牧之詩大江吞天去一練橫坤抹傳奇封陟傳仙姝謂陟曰好住好住無異日追悔六祖壇經和尚報言好住今共汝別

次京師韻送表弟程懿叔赴夔州運判

程懿叔名之邵行七二十七卷有送表弟程七知泗州詩先生元祐五年六月三日手書此詩并自跋云時德孺在嶺外適有使至杭當錄本示之德孺

抹坤二字畢竟
未穩以下新詩皆
然

書中自言學佛有所悟入寄偈頌十數篇來故有新得道之語德孺名之元懿叔兄也詩跋刻石成都府治

與子甥舅氏摧頽各蒼顏竝為東諸侯長此佳江山寒
松無時花安得插髻鬢惟將老不死一笑榮枯聞我甚
似樂天但無素與蠻挂冠及未耄當獲一紀開子亦拙
進取才高命堅頑譬如萬斛舟行此九折灣仲氏新得
道一漚目塵寰歲晚家鄉路莫遣生榛菅

左傳成十六年卻犇將新軍且為公族大夫以主東諸侯古詩話樂天二妓樊素善歌小蠻善舞嘗為詩曰櫻桃樊素口楊柳小蠻腰國語狐偃語晉文公曰蓄力一紀可以遠矣韋昭注曰十二年歲星一周為一紀

葉教授和溈字韻詩復次韻為戲記龍井之游
先生曾諸儒飲食清不溈空腸出秀句吟嚼五味足華

堂鬧絲管眸子漲春淥先生疾走避面冷毒在腹歸來
煮瓠葉弟子歌早麓聲淫及靈臺中有麀鹿伏功名一
走兔何用千人逐故應容我輩清坐時閉目高亭石排
衙木杪挂飛屋我來無時節客亦不待速似聞雪髯叟
西嶺訪遺躅朝陽入潭洞金碧涵水玉泉扉夜不扃雲
袂本無幅慈皇付寶偈神侶得幽讀訥菴有老人宴坐
天魔哭時來獻瓔珞法供燈相續吾儕詩酒沃欲往無
乃觸齋廚費晨炊車騎滿山谷願聞第一義鉢飯非所
欲便投切雲冠予幼好奇服

漢叔孫通傳說上曰儒者難與進取可與守成願徵魯諸生與臣弟子共起朝儀禮記儒行其居處不淫其飲食不溈佛書耽著五味禪詩小雅瓠葉大夫刺幽王

也。大雅早麓受祉也。靈臺民始附也。禮記聲淫反商說苑一兔走於街萬人追之。一人得之萬人不復走。白樂天懷微之詩不知雨雪江陵府今日排衙得也。無按介亭有石如劍戟對峙謂之排衙石。訥菴謂辯才法師觀音經天魔外道恐怖毛豎普門品經無盡意菩薩解頸眾寶珠瓔珞價直百千兩金而以與之作是言仁者受此法施珍寶瓔珞華嚴經諸供養中法供養最傳燈錄達磨西來梁武帝問如何是聖諦第一義答云廓然無聖杜子美詩願聞第一義回向心地初楚辭九章余幼好此奇服兮年既老而不衰帶長鉞之陸離兮冠切雲之崔嵬

次韻林子中見寄

飄零洛社數遺民。詩酒當年困惡賓。元亮本無適俗韻。孝章要是有人人。蒜山小隱雖為客。江水西來亦帶岷。卷卻西湖千頃對。笑看魚尾更莘莘。

西京雜記公孫弘曰寧逢惡賓莫逢故人再見陶潛歸田園居詩少無適俗韻性本愛丘山會稽典錄盛憲字孝章素有高名孫策深忌之孔融憂其不免禍乃與曹公書勸招致之曰孝章要為有天下大名九牧之人所共稱歎蒜山為客已見蒜山卜居詩註千頃對公開西湖以對積為堤以通南北今蘇公堤是也詩小雅

魚在在藻有莘其尾

安州老人食蜜歌

公自注贈僧仲殊按僧仲殊安州人居錢塘為詩敏捷立成而工妙絕人遠甚殊碎穀常啖蜜陸務觀云族伯父彥遠言少時識仲殊長老東坡為作安州老人食蜜歌者一日與數客過之所食皆蜜也豆腐麵筋牛乳之類皆清蜜食之客多不能下筋惟東坡性亦酷嗜蜜能與之共飽崇寧中忽上堂辭眾是夕閉方丈門自縊死及火舍利五色不可勝計鄒忠公為作詩云逆行天莫測雉作瀆中經極滅風前質蓮開火後形鉢盂殘蜜白爐篆冷煙青空有誰家曲人間得細聽彥遠又云殊少為士人遊蕩不羈為妻投毒羹中幾死啖蜜而解毒云復食肉則毒發不可療遂棄家為浮屠鄒公所謂誰家曲者謂其雅工於樂府詞猶有不羈餘習也

安州老人心似鐵。老人心肝小兒舌。不食五穀惟食蜜。笑指蜜蜂作檀越。蜜中有詩人不知。千花百草爭含姿。老人咀嚼時一吐。還引世間癡小兒。小兒得詩如得蜜。

游說中亦有核錄

蜜中有藥治平百疾。正當狂走捉風時，一笑看詩百憂。
失東坡先生取人廉，幾人相歡幾人嫌。恰似飲茶甘苦
雜，不如一作食蜜中邊恬。因君寄與雙龍餅，鏡空一照雙
龍影。三吳六月水如湯，老人心似雙龍井。

四十二章經財之於人譬如刀刃有蜜小兒飴之有割舌之患又若有人得道猶如食蜜中邊皆恬後漢朱浮傳與彭寵書云伯通獨中風狂走自捐盛時漢郊祀志谷永曰求之湯湯如

次韻錢穆父紫薇花二首

虛白堂前合抱花，秋風落日照橫斜。閱人此地知多少，
物化無涯生有涯。

公自注虛白堂前紫薇兩株俗云樂天所種杭州圖經虛白堂在舊治白樂天有詩云虛白堂前衙退後更無一事到中心漢蓋寬饒傳此如傳令所閱多矣再見莊子聖人其生也天行其死也物化又養生

主篇吾生也有涯而知也無涯以有涯隨無涯始已

折得芳蕤兩眼花，題詩相報字傾斜。篋中尚有絲綸句，

公自注白樂天紫薇花詩絲綸閣下文章靜鐘鼓樓中刻漏長獨坐黃昏誰是伴紫薇花對紫薇郎上嘗書此詩以賜軾坐覺天光照海

涯。

送張嘉州

少年不願萬戶侯，亦不願識韓荆州。頗願身為漢嘉守，
載酒時作凌雲游。虛名無用今白首，夢中卻到龍泓口。
浮雲軒冕何足言，惟有江山難入手。峨眉山月半輪秋，
影入平羌江水流。謫仙此語誰解道，請看見月時登樓。
笑談萬事真何有，一時付與東巖酒。

公自注佛峽人家白酒舊有名歸來還

此體開自彼
若牧齋詩中
直用尹二語
効之也

受一大錢。好意莫違黃髮叟。

李白與韓荆州朝宗書聞天下談士相聚而言曰生不用萬戶侯但願一識韓荆州嘉州九頂山上寺曰凌雲龍泓口在凌雲之上土人謂之龍巖後漢劉寵傳為會稽太守徵還山陰老叟龐翁皓髮人齋百錢以送寵為人選一大錢受之

次韻蘇伯固主簿重九

蘇伯固名堅博學能詩公與講宗盟自黃徙汝同遊廬山有歸朝歡

詞以劉夢得比之公自翰林守杭道吳興伯固以臨濮縣主簿監杭州在城商稅自杭來會作後六客詞伯固與焉方經理開西湖伯固建議謂當參酌古今而用中策湖成其力為多後一歲又相從於廣陵有和伯固韻送李孝博詩公歸自海南伯固在南華相待有詩載三十九卷黃曾直謫死宜州至大觀間伯固在嶺外護其喪歸葬雙井其風義如此子庠字養直學世其家號後湖居士有文集

行世

雲間朱袖拂雲和一作應是長松挂女蘿。髻重不嫌黃菊滿手。新喜綠橙搗墨翻衫袖吾方醉紙落雲煙子惠

多只有黃雞與白印玲瓏應識使君歌

李白寄遠詩遙知玉體裏纖手弄雲和去曲有深意青松交女蘿詩小雅薦與女蘿施於松上白樂天有醉示妓人商玲瓏歌已見

送李陶通直赴清谿

忠文文正二大老

公自注司馬溫公范蜀公君之師友溫公諡文正蜀公諡忠文

蘇李廣平三舍

公自注蘇子容宋次道與先公才元熙寧中封還李定詞頭天下謂之三舍人喜見通家賢子弟自言得

邑少風塵從來勢利關心薄此去谿山琢句新肯向西

湖畱數月錢塘初識小麒麟

三舍人熙寧初大臣薦秀州軍事判官李定召見擢太子中允守監察御史裏行知制詔宋敏求以定驟自幕職而升朝著任執法非故事蘇頌李大臨相繼封還詞頭不草制敏求前罷頌與大臨更奏復下至于七八遂俱罷歸班而定御史之命亦中寢

次韻楊公濟梅花十首

楊公濟名蟠章安人舉進士能詩題金山云天末樓臺橫北固夜深

石印接字石印

此老賦梅却未盡致

燈火見揚州歐陽文忠公讀公濟章安集詩云蘇梅久作黃泉客我亦今為白髮翁臥讀楊蟠一千首乞渠秋月與春風先生守杭公濟通判州事知壽州提點荆廣鑄錢卒

梅梢春色弄微和作意南枝翦刻多月黑林閒逢綈袂
霸陵醉尉誤誰何

撫遺蜀州有紅梅數本郡侯構閣環墻以固之游人莫得見也一日梅已放有兩婦人凭欄語笑守梅吏走報郡侯既啟鑰闥不見人唯於東壁有詩云南枝向暖北枝寒一種春風有幾般憑仗高樓莫吹笛大家畱取倚欄干

相逢月下是瑤臺藉草清樽連夜開明日酒醒應滿地
空令饑鶴啄莓苔
綠髮尋春湖畔回萬松嶺上一枝開而今縱老霜根在
得見劉郎又獨來

月地雲堦漫一標玉奴當作兒終不負東昏臨春結綺荒荆
棘誰信幽香是返魂

牛僧孺周秦行記僧孺遇薄后潘妃楊妃戚妃作詩云香風引到大羅天月地雲堦拜洞仙共道人閒惆悵事不知今夕是何年后曰今夕誰伴牛秀才戚辭潘亦辭曰東昏以玉兒故身死國除不擬負他乃令王昭君夕焉楊妃在坐自稱玉奴十洲記聚窟洲有返魂香死尸在地聞香即活仙傳拾遺亦云

日出冰湖散水花野梅官柳漸欹斜西郊欲就詩人飲
黃四娘東子美家

杜子美江上獨步尋花詩黃四娘家花滿蹊千朵萬朵壓枝低

君知蚤落坐先開莫著新詩句句催嶺北霜枝最多思
忍寒畱待使君來

李義山詩忍寒應欲試梅粧白樂天新栽梅今年好待使君來

李中詩煥風詩
病草

冰盤未薦含酸子。雪嶺先看耐凍枝。應笑春風木芍藥。豐肌弱骨要人醫。

寒雀喧喧凍不飛。遶林空啅未開枝。多情好與風流伴。不到雙雙燕語時。

鮫綃翦碎玉簪輕。檀暈粧成雪月明。有伴老人春一醉。懸知欲落更多情。

北夢瑣言張建章大夫於渤海遇水仙遺鮫綃自齋以進明宗有事郊丘建章鄉人掌東序之實言國爾外有二物一即鮫綃也亦云夏天清暑展開滿堂凜然

編君練悅玉川家。肝膽清新冷不邪。穠李爭春猶辦此。更教踏雪看梅花。

韓退之李元詩夜領張徹投盧仝乘雲共到玉皇家長姬香御四羅列高君練悅無等差清寒瑩骨肝膽醒一生思慮無由邪

余家有初雪后
山画此詩上佳

贈劉景文

荷盡已無擎雨蓋。菊殘猶有傲霜枝。一年好景君須記。最是橙黃橘綠時。

謝關景仁送紅梅栽二首

年年芳信負紅梅。江畔垂垂又欲開。珍重多情關令尹。直和根撥送春來。
為君栽向南堂下。記取他年著子時。酸醜不堪調眾口。使君風味好攢眉。

歐陽歸田錄丁晉公南遷過潭州作齋僧疏云補仲山之哀雖曲盡於一心和傳說之美實難調於眾口

辯才老師退居龍井不復出入余往見之嘗出

至風篁嶺左右驚曰遠公復過虎谿矣辯才笑
曰杜子美不云乎與子成二老來往亦風流因
作亭嶺上名曰過谿亦曰二老謹次辯才韻

事見第十卷贈上天竺辯才師詩注

日月轉雙轂古今同一丘。惟此鶴骨老凜然不知秋。去
住兩無礙人天爭挽留。去如龍出山雷雨卷潭湫來如
珠還浦魚鼈爭駢頭。此生暫寄寓常恐名實浮。我比陶
令媿師為遠公優送我還過谿谿水當逆流聊使此山
人永記二老游大千在掌握寧有別離憂。

賈島詩錄復錄錄百年雙轉轂漢楊惲傳古與今如一丘之貉後漢孟嘗傳合甫部每出明珠先時宰守貪穢珠漸徙於交趾嘗為太守革易前弊未踰歲去珠

復還周易貫魚以宮人寵無不利王弼曰駟頭相次似貫魚也廬山記遠公與陶元亮陸修靜語道不覺過虎谿因相與大笑故作三笑圖再見柳子厚石門精室詩小劫不逾瞬大千若在掌

送程之邵僉判赴闕

程之邵名遵彥事見二十八卷新茶送僉判程朝奉詩注元祐三年龍圖閣待

制熊伯通本自越移杭尋改江寧而先生繼之之邵蓋是伯通羅致幕府故有賢哉江東守收此幕中奇之句

夜光不自獻天驥良難知從來一狐腋或出五羖皮賢
哉江東守收此幕中奇無華豈易識既得不自隨畱君
望此府助我憐其衰二年促膝語一旦長揖辭林深伏
猛在岸改潛珍移去此當安從失君徒自悲念君瑚璉
質當今臺閣宜去矣會有合豈常懷其私

世說王東亭為宣武主簿既承藉有譽為一府之望舊唐書韋思謙傳皇甫公義引為沛王府舍曹曰屈心為數旬客以望此府禮記虎豹之皮示伏猛也漢賈誼

傳襲九淵之神龍
今勿淵潛以自珍

寄梅宣義園亭

梅宣義者吳郡人子明之父子明為杭州通判與東坡同僚嘗以白石遺子明以奉其父載二

十八卷此詩云愛子幸僚友久要疑弟昆又云明年過君西蓋吳郡為滿去歸塗也先生後有除夜園空詩呈公濟子伴二通守不著子明當已去官耶

仙人子真後還隱吳市門不惜十年加治此五畝園初
期橘為奴漸見桐有孫清池壓丘虎異石來湖黿敲門
無貴賤遂性各琴樽我本放浪人家寄西南坤敞廬雖
尚在小圃誰當樊羨君欲歸去奈此未報恩愛子幸僚
友久要疑弟昆明年過君西飲我空鉶盆

漢梅福傳子子真少補南昌尉後去官棄妻子去九江至今傳為仙其後人有見人會稽者變姓名為吳市門卒僧文覽洞庭湖山記黿頭山形如黿欲行狀有眼

鼻山中所出貞石郡人琢而為器周易坤元亨西南得朋東北喪朋王弼注西南致養之地與坤同道者也詩國風折柳樊圃注云樊藩也圃菜園也

熙寧中軾通守此郡除夜直都聽囚繫皆滿日
暮不得返舍因題一詩于壁今二十年矣衰病
之餘復忝郡寄再經除夜庭事蕭然三園皆空
蓋同僚之力非拙朽所致因和前篇呈公濟子
伴二通守

前詩

除日當蚤歸官事乃見畱執筆對之泣哀此繫中囚小
人營餼糧墮網不知羞我亦戀薄祿因循失歸休不須
論賢愚均是為食謀誰能暫縱遣閔默愧前修

會稽典錄盛古為廷尉每至冬節獄囚當斷妻夜持燭吉持丹筆垂泣相向舊唐書太宗紀嘗親錄囚見應死者閔之縱使歸家期以來秋就死仍救天下死囚皆縱遣使至期詣京師凡三百九十明年秋自詣朝堂無一亡匿者上皆赦之楚辭離騷蹇吾法乎前修兮非時俗之所服舊唐書裴寂傳高祖曰我與公無媿前修

今詩

山川不改舊歲月逝不畱百年一俯仰五勝更王囚同僚比岑范德業前人羞坐令老鈍守嘯諾獲少休卻思二十年出處非人謀齒髮付天公缺壞不可修

漢律歷志秦推五勝自以為獲水德注引漢書音義曰五行相勝秦以周為火用水勝也五行有王相死囚休廢岑范嘯諾詳後漢黨錮傳注屢見

游寶雲寺得唐彥猷為杭州日送客舟中手書

一絕句云山雨霏微不滿空畫船來往疾輕鴻

誰知獨臥朱簾裏一榻無塵四面風明日送彥

猷之子垆赴鄂州舟中遇微雨感歎前事因和

其韻作兩首送之且歸其書唐氏

唐彥猷名詢錢塘人仁宗時為知制

誥子垆字林夫父任為官熙寧初上書青苗法不行宜誅大臣異議者王安石喜其言薦使對賜進士出身為崇文校書用鄧綰薦為監察御史同知諫院既而數論事不見聽因百官起居日扣陛請對力數安石用人變法非是至六十餘條上屢止之垆慷慨自若且讀且論上下皆震悚安石為之請去上意雖寤亦不深怒明日貶監廣州軍資庫至是知鄂州後知湖泉二州卒於泉林夫當先生廢棄於時其自附甚勤簡牘題跋可以考見此詩餞行因得彥猷舊作用以為題三十二卷又有賦靈隱詩長篇亦止述靈隱天竺山川風物而已其於林夫賢否殊無一言及之意亦有在也

二妙凋零筆法空忽驚雲海戲羣鴻清詩不敢私囊篋

人道黃門有父風

晉衛瓘傳為尚書令與尚書郎索靖俱善草書時人號一臺二妙瓘子恒為黃門郎善草隸書韋續書訣墨數梁武帝評鍾繇書如雲鵠造天羣鳥戲海

出處榮枯一笑空。十年社燕與秋鴻。誰知白首長河路。還臥當時送客風。

賈島詩長江風送客孤館雨留人

送江公著知吉州

江公著字晦叔桐廬人舉進士為洛陽尉遇久旱微雨作詩云雲葉紛紛雨脚勻亂

花柔草長精神雷車卻碾前山過不灑原頭陌上塵司馬溫公於士人家見之為稱薦由此知名元祐初以近臣薦通判陳州後歷

提點湖南刑獄京西轉運副使

三吳行盡千山水。猶道桐廬更清美。豈惟濁世隱狂奴。時平亦出佳公子。初冠惠文讀城旦。晚入奉常陪劍履。方將華省起彈冠。忽憶釣臺歸洗耳。未應良木棄大匠。要使名駒試千里。奉親官舍當有擇。得郡江南差可喜。

白粲連襦一萬艘。紅粧執樂三千指。簿書期會得餘閒。

亦念人生行樂耳。

公自注二耳義不同故得重用

吳郡圖經續記漢永建四年分會稽為吳郡與吳興丹陽號為三吳後漢嚴光傳司徒侯霸奉書光答曰懷仁輔義天下悅阿諛順旨要領絕霸封奏之帝笑曰狂奴故態也又光武曰咄咄子陵不相助為理耶光曰唐堯著德巢父洗耳士故有志何至相迫乎乃歸富春後人名其釣處為嚴陵灘漢張敞傳秦時獄法吏冠柱後惠文儒林轅固傳太后曰安得司空城旦書乎再見

聞錢道士與越守穆父飲酒送一壺

龍根為脯玉為漿。下界寒醅亦漫嘗。一紙鵝經逸少醉。他年鵬賦謫仙狂。金丹自足留衰髮。苦淚何須點別腸。吳越舊邦遺澤在。定應符竹付諸郎。

芝怪錄巴邛人有橘園剖二大橘中有二老叟相對象戲一叟曰僕饑虛矣須龍根脯食之袖出一草根削食食訖以水嚥之化為一龍共乘之風雨晦冥忽失所

在十洲記瀛洲有玉膏如酒名曰玉酒飲杯輒醉令人長生又上元夫人謂漢武帝曰鳴天鼓飲玉漿晉王羲之傳山陰有一道士好養鵝羲之往觀焉意甚悅固求市之道士曰為寫道德經當舉羣相贈羲之欣然寫畢籠鵝而歸仙傳拾遺管霄霞籠紅鵝一雙遺之請書黃庭經李太白大鵬賦序見司馬子微謂余可與神遊八極之表因著大鵬遇希有鳥賦以自廣

次韻劉景文路分上元

華燈閔艱歲冷月挂空府三吳重時節九陌自歌舞云
從月幾望遂至一百五嘉辰可屈指樂事相繼武今宵
掃雲陣極目淨天宇嬉遊各忘歸闐咽頃未覩飛毬互
明滅激水相吞吐老去反兒童歸來尚饒鼓新年消暗
雪舊歲添絲縷何時九江城相對兩漁父

周易月幾望馬匹亡無咎激水謂水燈也韓退之陸渾火詩山狂谷很相吐吞

公自注予舊欲卜居廬山景文近買宅江州

再和楊公濟梅花十絕

一枝風物便清和看盡千林未覺多結習已空從著袂
不須天女問云何

維摩經有天女散華注屢見

天教桃李作輿臺故遣寒梅第一開憑仗幽人收艾納
國香和雨入青苔

左傳昭七年辛丑無字曰人有十等下所以事上上所以共神也故王臣公公臣大夫大夫臣士士臣阜阜臣輿輿臣隸隸臣僚僚臣僕僕臣臺馬有圍牛有牧以待百事廣志艾納松皮上蘇衣合和諸香燒之其烟團聚清白可愛出本草注香譜云艾納出西國似艾

白髮思家萬里回小軒臨水為花開故應剩作詩千首
知是多情得得來

無味

似梨花

人去殘英滿酒尊。不堪細雨濕黃昏。夜寒那得穿花蝶。
知是風流楚客魂。春入西湖到處花。裙腰芳草抱山斜。
盈盈解佩臨煙浦。脈脈當壚傍酒家。

白樂天春望詩誰開湖寺西南路草綠裙腰一道斜韓詩外傳鄭交甫將適南楚
遵彼漢高臺下遇二女佩兩珠大如雞卵交甫曰欲子之佩二女解以與之交甫
既行顧不見二女佩亦失之列仙傳亦云漢司馬相如傳文君與相如俱之臨邛買酒舍乃令文君當壚

莫向霜晨怨未開。白頭朝夕自相催。斬新一朶含風露。
恰似西廂待月來。

杜子美梅花詩朝夕催人白頭麗情集鶯鶯詩待月西廂下臨風戶半開隔牆花影動疑是玉人來

洗盡鉛華見雪肌。要將真色鬪生枝。檀心已作龍涎吐。

玉頰何勞獺髓醫

沈立之香譜龍涎香出大食國國人候鳥林上有異禽翔集下有羣魚游泳則必
有伏龍吐涎浮於水上舟人或採得之則為巨富其涎如膠每兩與金等獺髓用
孫和誤傷鄧夫人事載酉陽雜俎注已見

湖面初驚片片飛。尊前吹折最繁枝。何人會得春風意。
怕見梅黃雨細時。

長恨漫天柳絮輕。只將飛舞占清明。寒梅似與春相避。
未解無私造物情。
休更放不下

北客南來豈是家。醉看參月半橫斜。他年欲識吳姬面。
秉燭三更對此花。

與葉淳老侯敦夫張秉道同相視新河秉道有

詩次韻二首

浙江潮自海門東來執如雷霆而浮山峙於江中與魚浦諸山犬牙相錯洄洑激射歲敗公私船不可勝計前知信州侯臨葬親杭之南蕩往來相視地形反復講求建議自浙江上流地名石門竝山而東鑿為運河引浙江及谿谷諸水二十二里以達於江又竝江為岸凡八里以達於龍山之大慈浦自浦北折抵小嶺鑿嶺六十五丈以達於古河浚古河四里以達於龍山運河以避浮山之險人皆以為便時公與前轉運使葉溫叟轉運判官張璠同往按視如臨言遂奏疏以聞乞令三省看詳支賜錢物委臨監督而公以是月召還役竟不成先是杭之西湖水涸草生漸成葑田公取葑積之湖中為長堤以通南北杭人名為蘇公堤故云我鑿西湖還舊觀一眼已盡西南碧勸農使者非常公謂溫叟上饒使君更超軼謂臨也淳老溫叟字敦夫臨字張秉道乃吳興六客之一時客於杭

君不見元帥府前羅萬戟。濤頭未順千弩射。至今鳳凰山下路。長借一箭開兩翼。我鑿西湖還舊觀。一眼已盡西南碧。又將回奪浮山險。千艘夜下無南北。坐陳三策

本人謀。惟畱一諾待我畫。老病思歸真暫寓。功名如幻終何得。從來自笑畫蛇足。此事何殊食雞肋。憐君嗜好更迂闊。得我新詩喜折屐。江湖麤了我竟歸。餘事後來當潤色。一菴閑臥洞霄宮。井有丹砂水長赤。

北夢瑣言杭州連歲潮頭直打羅刹石吳越錢尚父俾張弓弩候潮至逆而射之由是漸退羅刹石化而為陸地遂列廩庾焉漢溝洫志待詔賈讓言治河有上中下策後漢楊修傳曹操出教曰雞肋外曹莫能曉修獨曰雞肋食之則無所得棄之則如可惜公歸計決矣乃令外白解嚴操於是迴師杭州圖經洞霄宮在餘杭縣西南十八里

荆溪父老愁三害。下斬長蛟本無賴。平生倔强韓退之。文字猶為鱗魚戒。石門之役萬金耳。首鼠不為吾已隘。江湖開塞古有數。兩鵠飛來告成壞。勸農使者非常人。

一言已破黎民駭。上饒使君更超軼。坐睨浮山如累塊。髯張乃我結韉生。詩酒淋漓出狂怪。我作水衡生作丞。他日歸朝同此拜。

晉周處傳不修細行州曲患之嘗謂父老曰時和歲豐何苦不樂父老曰三害未除何樂之有處問之答曰南山白額獸長橋蛟并子為三處乃入山射殺猛獸投水搏蛟經三日不出人以為死皆相慶處乃斬蛟而返遂厲志好學期年州府交辟處義興陽羨人荆溪在陽羨更記漢高祖紀大人常以臣無賴晉均曰江淮之間謂小兒多詐狡獪為無賴倔強字出漢書舊唐書李逢吉傳韓愈性木強古詩註韓退之詩尤工用韻寬則泛入旁韻窄則不復旁出木強可見也兩鶴用程方進鴻隙大陂謠語已再見列子周穆王執化人之袂騰而上者中天迴山暨及化人之宮俯而視之其宮榭若累塊積蘇焉漢張釋之傳王生者善為黃老言嘗召居廷中公卿盡會立王生曰吾鞮解顧謂釋之為我結襪釋之跪而結之水衡丞用漢龔遂及王生事已再見

施註蘇詩卷之二十九

施註蘇詩卷之三十

漫堂先生宋 榮

長洲顧嗣立

樸園先生張榕端

閱定

毗陵邵長蘅 刪補

商丘宋 至

詩五十七首

起守杭州泊元祐辛未召還尋出守穎州作

梭筍 并引叙

梭筍狀如魚剖之得魚子味如苦筍而加甘芳蜀人以饌佛僧甚貴之而南方不知也筍生膚毳中蓋花之方孕者正二月間可剝取過此苦澀不可食矣取之無害於木而宜於飲食法當蒸熟所施

畧與筍同。蜜煮酢浸，可致千里外。今以餉殊長老。贈君木魚三百尾，中有鵝黃子魚子。夜叉剖瘦欲分甘，獐龍藏頭敢言美。願隨蔬果得自用，勿使山林空老死。問君何事食木魚，烹不能鳴固其理。

撫言王璘詩芍藥花開菩薩面，椶櫚葉散夜叉頭。晉王羲之傳有一味之甘，剖而分之。莊子山木篇：夫子出於山舍，故人之家，故人喜命，豎子殺鴈而烹之，豎子請曰：其一能鳴，其一不能鳴，請奚殺？主人曰：殺不能鳴者。

次韻曹子方龍山真覺院瑞香花 曹子方名輔已見二十七卷

幽香結淺紫，來自孤雲岑。骨香不自知，色淺意殊深。移栽青蓮宇，遂冠蒼荀林。紉為楚臣佩，散落天女襟。君持風霜節，耳冷歌笑音。一逢蘭蕙質，稍回鐵石心。置酒要

妍暖，養花須晏陰。及此陰晴間，恐致慳嗇霖。彩雲知易散，鷓鴣憂先吟。明朝便陳迹，試著丹青臨。

阿彌陀經舍利弗極樂國中蓮華大如車輪，青色青光，翠太。白東林詩：我尋青蓮宇，獨往謝城闕。維摩經：如入蒼荀林，惟嗅蒼荀，不嗅餘香。唐釋仲休花品：每至牡丹開月，多有輕雲微雨，謂之養花天。文酒清話：俗有慳值風，嗇值雨之說，詳已見揚雄反離騷，徒恐鷓鴣之將鳴兮，顧先百草為不芳。

次韻曹子方運判雪中同遊西湖

詞源灑灑波頭展，清唱一聲巖谷滿。未容雪積句先高，豈獨湖開心自遠。雲山已作歌看淺，山下碧流清似眼。尊前侑酒只新詩，何異書魚餐蠹簡。

次韻仲殊雪中遊西湖二首

夜半幽夢覺，稍聞竹葦聲。起續凍折絃，為鼓一再行。曲

終天自明。玉樓已崢嶸。有懷二三子。落筆先飛靈。共爲竹林會。身與孤鴻輕。秀語出寒餓。身窮詩乃亨。禪老復何爲。笑指孤煙生。我獨念粲者。誰與予目成。

杜荀鶴詩夜深知雪重臥聞折竹聲賈島朝飢詩坐聞西牀琴凍折雨三絃詩國風見此粲者楚辭九歌滿堂兮美人忽獨與余今日成

寶雲樓閣闢千門。林靜初無一鳥喧。閉戶莫教風掃地。卷簾疑有月臨軒。水光激灩猶浮碧。山色空濛已斂昏。乞得湯休奇絕句。始知鹽雪是陳言。

寶雲寺名南史宋徐湛之傳廣陵有沙門釋惠休善屬文湛之與之厚世祖特令還俗姓湯位至揚州從事史

次韻參寥同前

朝來處處白氈鋪。樓閣山川盡一如。總是爛銀并白玉。

不知奇貨有誰居。

史記呂不韋傳子楚不得意不韋賈邯鄲見而憐之曰此奇貨可居

送小本禪師赴法雲

寓形天宇間。出處會有役。澹然都無營。百年何由畢。山林等憂患。軒冕亦戲劇。我來即歸休。師寧要安逸。王城滿豪傑。議論紛黑白。聖諦第一義。對面誰不識。師來亦何事。孤月挂空碧。是身如浮雲。安得限南北。出岫本無心。既雨歸亦得。珠泉有舊約。何年挂鉶錫。

傳燈錄梁武帝問達磨如何是聖諦第一義又問對朕者誰答云不識五見上卷葉教授和溥字韻詩注挂錫注已見

書渾令公燕魚朝恩圖

咸寧英氣似汾陽。夜飲軍容出紅粧。不須纏頭萬匹錦。知君未辦作呂強。

唐書渾瑊繇樓煩郡王徙咸寧郭子儀封汾陽郡王唐魚朝恩傳朝恩為天下觀軍容宣慰處置使大唐故事稽疑代宗詔王縉等就郭子儀為軟脚局朝恩以錦綵數萬與伎人纏頭後漢呂強傳為中常侍清忠奉公黃巾賊起帝問所宜施行強請先赦黨人

次韻劉景文西湖席上

二老長身屹兩峰。常撞大呂應黃鍾。將辭鄴下劉公幹。卻見雲間陸士龍。白髮憐君畧相似。青山許我定相從。吾今官已六百石。慙愧當年邴曼容。

周禮大師掌六律六同以合陰陽之聲陽聲黃鍾陰聲大呂三國魏王粲傳始文帝為五官將及平原侯植好文學東平劉楨字公幹竝見友善時在鄴宮晉陸雲傳與荀隱素未相識常會張華坐華曰今日相遇可勿為常談雲因抗手曰雲間陸士龍隱曰日下荀鳴鶴雲字士龍隱字鳴鶴漢兩龔傳琅邪邴漢以清行徵用

王莽秉政遂歸老於鄉里兄子曼容亦以養志自修為官不月過六百石輒自免去其名過出於漢

次韻答馬忠玉

坡陀巨麓起連峰。積累當年慶自鍾。靈運子孫俱得鳳。慈明兄弟孰非龍。河梁會作看雲別。詩社何妨載酒從。祇有西湖似西子。故應宛轉為君容。

南史謝靈運子鳳鳳子超宗好學有文辭帝謂殊有鳳毛見本傳後漢荀爽傳字慈明潁川為之語曰荀氏八龍慈明無雙李陵與蘇武別詩攜手上河梁游子暮何之又曰仰視浮雲馳奄忽互相踰長當從此別且復立斯須又杜詩別時孤雲今不飛時復看雲淚橫臆

予去杭十六年而復來。畱二年而去。平生自覺出處老少。麤似樂天。雖才名相遠。而安分寡求。亦庶幾焉。三月六日。來別南北山諸道人而下。

先生自海外歸居不及一月而歿此詩乃為浩歎

天竺惠淨師以醜石贈行作三絕句
當年衫鬢兩青青強說重臨慰別情
衰髮祇今無可白故應相對話來生

出處依稀似樂天敢將衰朽較前賢
便從洛社休官去猶有閑居二十年

白樂天醉吟先生傳宦遊三十載將老退居洛下尋水望山如此者凡十年予時年六十有七墓誌云終於東都履道私第春秋七十有五

在郡依前六百日山中不記幾回來
還將天竺一峰去欲把雲根到處栽

次韻答黃安中兼簡林子中

老去心灰不復然一麾江海意方堅
那堪黃散仲子度

空羨蘇杭養樂天病肺一春難白酒
別腸三夜繞朱絃羣仙政欲吾歸去
共把清風借玉川

漢韓安國傳坐法抵罪獄吏田甲辱安國安國曰死灰不復然乎甲曰然則溺之杜牧之赴吳興詩乞得一麾江海去樂遊原上望昭陵南史蔡廓傳字子度為吏部尚書問中書令傅亮曰選事若悉以見付不論不然不能拜也云云詳已見前又蔡凝傳宣帝欲用錢肅為黃門侍郎疑曰黃散之職故須人門兼美白樂天吳郡詩石記貞元初韋應物為蘇州牧房孺復為杭州牧韋嗜詩房嗜酒予旅二郡以當時心言異日蘇杭苟獲一郡足矣今以中書舍人間領二州之風景韋房之詩酒兼有之矣又詩去年脫杭印今日佩蘇印玉川清風用盧仝句注再見

畱別蹇道士拱辰

黑月在濁水何曾不清明寸田滿荆棘
黎棗無從生何時反吾真歲月今崢嶸
屢接方外士早知俗緣輕庚桑託鷄鶻
未肯化南榮晚識此道師似有宿世情
笑指北

山雲訶我不歸耕。仙人漢陰馬。微服方地行。

楞嚴經明還日輪暗還黑月佛書西土於一月中三十日內分前十五日為白月後十五日為黑月按今沙門戒牒中第一念亦云莊子庚桑楚篇庚桑子謂南榮越曰奔蜂不能化蒼蠅越鷄不能伏鵠卵魯鷄固能矣今吾才小不足以化子子胡不南見老子神仙傳陰長生新野人後漢陰皇后之屬藉少居富貴不好榮利知馬明生得度世之術乃執御者之禮事之十餘年不懈明生曰子真得道矣乃授以丹經教之合丹二仙既合丹成不樂昇天但服半劑為地仙故言地行也

次韻子由書王晉卿畫山水

老去君空見畫。夢中我亦曾游。桃花縱落誰見。水到人閒伏流。

杜子美觀山水圖詩人間長見畫老去恨空閒又蕭駙馬山亭詩伏流何處入亂石閉門高

山人昔與雲俱出。俗駕今隨水不回。賴我曾中有佳處。一樽時對畫圖開。

陶淵明歸去來辭雲無心而出岫孔德璋北山移文請回俗士駕為吾謝逋客

又書王晉卿畫四首

山陰陳迹

當年不識此清真。強把先生擬季倫。等是人間一陳迹。聚蚊金谷本何人。

李白王右軍詩右軍本清真蕭灑在風塵晉王羲之傳人以蘭亭叙方石崇金谷集叙崇字季倫韓退之贈張秘書詩雖得一餉樂有如聚飛蚊再見

雪谿乘興

谿山雪月兩佳哉。賓主談鋒夜轉雷。猶言不見戴安道。為問適從何處來。

晉戴逵字安道訪戴用王徽之事再見唐武儒衡傳元稹倚宦官知制誥儒衡鄙之會食瓜蠅集其上儒衡揮以扇曰適從何處來遽集於此

四明狂客

毫端偶集一微塵。何處溪山非此身。狂客思歸便歸去。更求敕賜在天真。

韓退之雜詩下視寓九州一塵集毫端再見唐賀知章自號四明狂客天寶初請為道士還鄉詔許之又詔賜鏡湖剡溪一曲注再見

西塞風雨

斜風細雨到來時。我本無家何處歸。仰看雲天真箬笠。旋收江海入蓑衣。

續仙傳張志和漁父詞云西塞山邊白鳥飛桃花流水鱖魚肥青箬笠綠蓑衣斜風細雨不須歸再見

破琴詩

并引

舊說房瑄開元中嘗宰盧氏與道士邢和璞出遊

即方士所偽耳

過夏口村入廢佛寺坐古松下和璞使人鑿地得甕中所藏婁師德與永禪師書笑謂瑄曰頗憶此邪瑄因悵然悟前生之為永師也

房瑄事出鄭處誨明皇雜錄見高道傳

故

人柳子玉寶此畫云是唐本宋復古所臨者元祐六年三月十九日子自杭州還朝宿吳淞江夢長老仲殊挾琴過余彈之有異聲就視琴頗損而有十三絃予方嘆息不已殊曰雖損尚可修曰柰十三絃何殊不答誦詩云度數形名本偶然破琴今有十三絃此生若遇邢和璞方信秦箏是響泉予夢中了然識其所謂既覺而忘之明日晝寢復夢

此亦妖僧一種幻

術不然何而夢
之同也

殊來理前語再誦其詩方驚覺而殊適至意其非
夢也問之殊蓋不知是歲六月見子玉之子子文
京師求得其畫乃作詩并書所夢其上子玉名瑾
善作詩及行草書復古名迪畫山川草木蓋妙絕
一時仲殊本書生棄家學佛通脫無所著皆奇士
也

破琴雖未修中有琴意足誰云十三絃音節如佩玉新
琴空高張絃聲不附木宛然七絃箏動與世好逐陋矣
房次律因循墮流俗懸知董庭蘭不識無絃曲

舊唐書房琯傳為宰相無匪懈之意但與劉秩等高談虛論此外則聽董庭蘭彈
琴庭蘭自是大招納貨賄琯字次律晉陶潛曰但識琴中趣何勞絃上聲再見

絲殼附木用河
東郭守師誌

題王晉卿畫後

醜石半蹲山下虎長松倒臥木中龍試君眼力看多少
數到雲峰第幾重

贈武道士彈賀若

清風終日自開簾涼月今宵肯挂簷琴裏若能知賀若
詩中定合愛陶潛

續湘山野錄太宗皇帝作九絃琴七絃阮酷愛宮調中小調子
乃隋賀若弼所撰其一最優古而亡其名琴家祇命曰賀若

元祐六年六月自杭州召還汶公館我於東堂

閱舊詩卷次諸公韻三首

半熟黃粱日未斜玉堂陰合手栽花一作思三十年前

味未飯鐘時已飯飲作茶
夢覺還驚屨響廊故人來炷影前香鬢須白盡成何事
一帖空存老遂良

法帖褚遂良云即日遂良鬢髮盡白

尺一東來喚我歸衰年已迫故山期文章曹植今堪笑
卻卷波瀾入小詩

漢匈奴傳漢遺單于書以尺一牘後漢陽球傳徙衛尉救尚書令召拜不得稽留尺一按尺一版謂詔策也見漢官儀杜酬高蜀州詩文章曹植波瀾闊再見

次韻子由書王晉卿畫山水一首而晉卿和二

首

誤點故教同子敬雜篇真欲擬湯休壠雲寄我山中信

雪月追君谿上舟會看飛仙虎頭篋卻來顛倒拾遺裘
王孫辦作玄真子細雨斜風不濕鷗

晉王獻之傳字子敬桓溫使書扇筆誤落因畫作烏駝犂牛甚妙南史湯休注見本卷又江淹作雜擬三十首有擬湯休上人詩云西北秋風至楚客思悠哉日暮碧雲合佳人殊未來本事詩梁高祖問陶弘景山中何所有陶為詩曰山中何所有嶺上多白雲只可自怡悅不堪持寄君名畫記顧愷之小字虎頭飛仙用桓玄發廚竊畫事詳見廿六卷次韻米黻詩注杜子美北征詩天吳及紫鳳顛倒在短褐子美以至德二年拜左拾遺見本傳續仙傳張志和號玄真子注屢見

此境眼前聊妄想幾人林下是真休我今心似一潭月
君已身如萬斛舟看畫題詩雙鶴鬢歸田送老一羊裘
明年兼與士龍去萬頃蒼波沒兩鷗

圓覺經展轉妄想無有是處寒山詩吾心似秋月碧潭清皎潔杜夔州絕句萬斛之舟行若風北史房法壽傳得一羊裘欣然自足畫則樵蘇夜誦經史晉陸雲字士龍士衡弟詩以况子由也杜贈章左丞詩白鷗沒浩蕩萬里誰能馴

感舊詩

井引

嘉祐中子與子由同舉制策寓居懷遠驛時年二十六而子由二十三耳一日秋風起雨作中夜脩然始有感槩離合之意自爾宦遊四方不相見者十嘗七八每夏秋之交風雨作木落草衰悽然有此感蓋三十年矣元豐中謫居黃岡而子由亦貶筠州嘗作詩以記其事元祐六年予自杭州召還寓居子由東府數月復出領汝陰時子年五十六矣乃作詩畱別子由而去

牀頭枕馳道雙闕夜未央車轂鳴枕中客夢安得長新

秋入梧葉風雨驚洞房獨行殘月影悵焉感初涼篋仕記懷遠謫居念黃岡一住三十年此懷未始忘扣門呼阿同安寢已太康青山映華髮歸計三月糧我欲自汝陰徑上潼江章想見冰槃中石蜜與柿霜

公自注予欲請東川而歸二物皆東

川所憐子遇明主憂患已再嘗報國何時畢我心久已降

江淹擬古詩雙闕指馳道朱宮羅第宅詩小雅夜如何其夜未央按東府在馳道旁故云枕馳道也阿同子由二字同叔唐地里志潁州汝陰郡梓州梓潼郡

西湖秋涸東池魚窘甚因會客呼網師遷之西池為一笑之樂夜歸被酒不能寐戲作放魚一首

東池浮萍半黏塊裂碧跳青出魚背西池秋水尚涵空

舞闊搖深吹荇帶。吾僚有意為遷居。老守縱饒那忍膾。縱橫爭看銀刀出。灩澦初驚玉花碎。但愁數罟損鱗鬣。未信長堤隔濤瀨。滅滅發發須臾間。圍圍洋洋尋丈外。安知中無蛟龍種。尚恐或有風雲會。明年春水漲西湖。好去相忘渺淮海。

杜子美詩水荇牽風翠帶長韓退之詩出網銀刀亂上林賦臨坻注壑灩澦實陸字林曰灩澦小水聲也又潘岳閑居賦游鱗灩澦數罟用孟子字詩國風施眾滅滅鱸鮪發發鄭氏注眾魚罟滅滅施之水中發發盛貌孟子趙氏注圍圍魚在水羸劣之貌洋洋舒緩搖尾之貌北戶雜錄陶朱公養魚經云魚至三百六十頭則有蛟龍長之因風雨則飛去三國周瑜曰蛟龍得雲雨終非池中物莊子大宗師魚相忘於江湖人相忘於道術

復次放魚韻答趙承議陳教授

趙景貺陳履常

擾擾萬生同一塊。捨榆不羨培風背。青丘已吞雲夢芥。

觀石山詩益見其工

對句奇

黃河復繚天門帶。長譏韓子隘且陋。飽鯨魚何足膾。東坡也是可憐人。披挾泥沙收細碎。逝將歸修一作休八節。灘又欲往釣七里瀨。正似此魚逃網中。未與造物遊數外。且將新句調二子。湖上秋高風月會。為君更喚木腸兒。脚扣兩舷歌小海。能押如此韻脚真胸中有萬卷書

莊子逍遙遊九萬里則風斯在下矣而後乃今培風背負青天而莫之天闕者而後乃今將圖南蜩與鷲鳩笑之曰我決起而飛捨榆枋時則不至而控於地而已矣奚以九萬里而南為漢功臣年表封爵之誓曰使黃河如帶泰山若厲泰山記山頂有大天門小天門黃河去嶽三百餘里日觀望之如帶韓退之贈劉師服詩巨緡東釣儻可期與子共飽鯨魚膾白樂天開八節灘詩序云東都龍門潭之南有八節灘顧野王輿地志七里灘在東陽江下與嚴陵瀨相接晉夏統傳賈充謂統曰頗能作鄉土間曲乎統曰國人痛伍子胥忠烈為小海唱於是足扣船引聲喉轉充使伎女之徒盛服金翠繞其船三匝統危坐若無所聞充曰此吳兒木人石心也韓退之荷花詩脚敲兩舷叫吳歌

九月十五日觀月聽琴西湖示坐客

清絕

白露下衆草碧空卷微雲孤光爲誰來似爲我與君水
天浮四坐河漢落酒樽使我冰雪腸不受麴蘖醺尚恨
琴有絃出魚亂湖紋哀彈奏舊曲妙耳非昔聞良時失
俯仰此見寧朝昏懸知一生中道眼無由渾

觀月聽琴事一反一正

宋玉九辯白露既下百草今奄離披此梧楸韓退之秋懷詩白露下百草蕭蘭共憔悴荀子瓠巴鼓瑟游魚出聽

復次韻謝趙景貺陳履常見和兼簡歐陽叔弼

兄弟

趙景貺名令時神宗初以承議郎簽書判官在東坡穎川幙府公謂其吏事通敏文采俊麗志節端亮議論英發時教授陳履常公門人相與倡嚮既力薦於朝又爲著說改字德麟公由穎徙揚自揚召入再上疏薦之遂除光祿丞紹興間封安定郡王履常名師道家彭城少而好學苦志年十六以文謁曾子固知其必以文高世通於詩經尤邃詩禮爲文精深雅興喜作詩小不中意輒

焚去存者財十一熙寧中王氏之學盛行履常心非其說遂絕意進取元祐初公與傅欽之堯俞孫莘老覺薦其文行起家爲徐州教授公守杭履常以知己之義求郡檄送行守不聽以疾謁告別於南京詩云豈不畏簡書放麈誠不忍後除太學博士言者用是論之改教授潁州復相從於此家素窮或經日不炊澹如也名爲秘書省正字卒歐陽叔弼名棐季默名辯皆文忠子此詩云或勸莫作詩兒輩工織紋當元豐間公坐詩遷謫至是賈易趙君錫又以揚州詩有山寺歸來聞好語之句爲聞神宗上仙之報而作宣仁力爲辯明君錫輩徙官而公亦丐頴以去此聯意實在此是家有甘井汲多終不渾則以文忠公家而發也

能詩李長吉識字揚子雲端能望此府坐嘯獲兩君逝
將江湖去浮我五石樽眷焉復少畱尚爲世所醺或勸
莫作詩兒輩工織紋朱絃寄三歎未害俗耳聞共尋兩
歐陽伐薪照黃昏是家有甘井汲多終不渾

唐李賀傳字長吉七歲能辭章韓愈使賦詩援筆輒就漢揚雄傳字子雲劉棻嘗從雄學作奇字杜子美醉時歌子雲識字終投閣舊唐書韋思謙傳屈公數旬以

望此府再見莊子逍遙遊子有五石之瓠何不慮以為大樽而浮乎江湖杜宿贊
公土室詩明燃林中薪暗汲古底井又示從孫濟詩淘米少汲水汲多井水渾

送歐陽主簿赴官韋城四首

名憲文
忠公孫

鳳雛驥子日相高。白髮蒼顏笑我曹。讀徧牙籤三萬軸。欲來小邑試牛刀。

出處年來恨不齊。一尊臨水記分攜。江湖咫尺吾將老。汝穎東流子卻西。

白馬津頭春水來。白魚猶喜似江淮。使君已復冰堂酒。更勸重新畫舫齋。

九域志滑州黎陽津一名白馬津漢酈食其傳守白馬之津歐陽畫舫齋
記予至滑之二月即其署東偏之室為燕居名曰畫舫齋韋城滑屬邑

道傍垂白定霑巾。正似當年綠髮新。故國依然喬木在。

典刑復見老成人

泛穎

我性喜臨水。得穎意甚奇。到官十日來。九日河之湄。吏
民笑相語。使君老而癡。使君實不癡。流水有令姿。遶郡
十餘里。不駛亦不遲。上流直而清。下流曲而漪。畫船俯
明鏡。笑問汝為誰。忽然生鱗甲。亂我須與看。散為百東
坡。頃刻復在茲。此豈水薄相。與我相娛嬉。聲色與臭味。
顛倒眩小兒。等是兒戲物。水中少磷緇。趙陳兩歐陽。同
參天人師。觀妙各有得。共賦泛穎詩。

從無人道
有慧慧然
後有
文心具此
眼白
善不可佛

陶淵明和尚西曹詩蕤賓五月中清朝起南颿不駛亦不遲飄飄吹我衣劉禹錫
牛渚詩秋江鱗甲生又白樂天詩伊水細浪鱗甲生莊子水靜則明燭須看傳燈

錄良价禪師過水觀影大悟有偈曰我今獨自往處處得逢渠渠今正是我我今不是渠按公詩散為百東坡頃刻復在茲正暗用禪師語老子常無欲以觀其妙

六觀堂老人草書

公自注六觀取金剛經夢幻等六物也老人僧了性精於醫而善草書下筆有遠韻

而人莫知貴故作此詩

物生有象象乃滋夢幻無根成斯須方其夢時了非無
泡影一失俯仰殊清露未晞電已徂此滅滅盡乃真吾
云如死灰實不枯逢場作戲三昧俱化身為醫忘其軀
草書非學聊自娛落筆已喚周越奴蒼鼠奮髯飲松腴
剡藤玉板開雪膚遊龍天飛外人呼莫作羞澀羊氏姝

左傳傳公十五年韓簡曰龜象也筮數也物生而後有象象而後有滋滋而後有數金剛經一切有為法如夢幻泡影如露亦如電應作如是觀傳燈錄鄧隱峰對馬祖曰竿木隨身逢場作戲法書苑周越善草書而不逮懷素又先生不喜周越草書謂其險劣嘗跋懷素帖云此書不佳乃似周越晉王羲之傳善隸書論者稱

其筆勢以為飄若遊雲矯若驚龍韋續書訣墨數梁武帝評羊欣書如大家婢為夫人雖加位遇而舉止羞澀終不近似法書苑亦云

次韻劉景文見寄

淮上東來雙鯉魚巧將詩信渡江湖細看落墨皆松瘦
想見掀髯正鶴孤烈士家風安用此書生習氣未能無
莫因老驥思千里醉後哀歌缺唾壺

晉王敦傳每酒後輒詠魏武樂府老驥伏櫪志在千里云云以如意擊唾壺以為節壺邊盡缺

次韻趙景貺督兩歐陽詩破陳酒戒

商也哀未忘歲月忽已秋祥琴雖未調餘悲不敢畱矧
此乃韻語未入金石流羲之生五子一作總角出銀鈎吾
家有一許下筆兩不休君言不能詩此語人信不干鍾

劉景文寄性多詩
曰倦歷髮頭清左
符笑尋類尾為西
湖二三賢字去非遠
六一清風今不孤四海
共一需醫滿重陽
揮菊在無窮
上誰先到於傍金
樽倒玉壺六一清
風一聯已佳四海重
陽一聯不惟見天下
人共惜亦坡一老又
且南風坡之隨時消
息不西以時事名表
也句律悲壯意
人解讀之詩
之至教景文三四

幼徒五六言景父
家世壯烈而能詩
氣多小律玩去易
學也

斯為堯百榼斯為丘陋矣陶士衡當以大白浮酒中那
有失醉則不驚鷗明當罰二子已洗兩玉舟

檀弓子夏既除喪而見與之琴和之而不和彈之而不成聲作而曰哀未忘也先
王制禮弗敢過也晉王羲之傳有七子知名者五人索靖傳作草書狀曰婉若銀
鉤飄若驚鸞三許謂蘇許公父子瓌頤也故曰吾家魏文帝典論論文云班固與
弟超書曰武仲以能屬文為蘭臺令史下筆不能自休後漢孔融傳曹操制酒禁
融頗書爭之曰堯不干鍾無以建太平孔非百榼無以堪上聖又孔叢子子路嗑
嗑尚飲百榼云云已見前晉陶侃傳字士衡每飲酒有定限殷浩等勸更少進侃
悽懷良久曰年少時曾有酒失亡親見約故不敢踰天白注再見周禮秋嘗冬烝
裸用學舜黃彝皆有舟王注二子謂歐與陳兩玉舟則先生實有揚州藥玉船也

叔弼云履常不飲故不作詩勸履常飲

我本畏酒人臨觴未嘗詬平生坐詩窮得句忍不吐吐
酒如好詩肝胃生滓汗用此較得喪天豈不足付吾儕
非二物歲月誰與度悄然得長愁為計已大誤二歐非

無詩恨子不飲故強為嚼一酌將非作愁具成言如皦
日援筆當自賦他年五君詠山王一時數

白樂天思舊詩且進盃中物其餘皆付天左傳襄公二十七年宋向戌從子木成
言於楚詩國風謂余不信有如皦日南史顏延年作五君詠山濤王戎以貴顯被
黜再見

臂痛謁告作三絕句示四君子

公退清閑如致仕酒餘歡適似還鄉不妨更有安心病
臥看縈簾一炷香

心有何求遣病安年來古井不生瀾祇愁戲瓦閑童子
卻作泠泠一水看

楞嚴經月光童子言嘗於比丘室中安禪我有弟子窺牕觀室惟見清水遍在室
中了無所見童稚無知取一瓦礫投於水內激水作聲顧盼而去我出定後頗覺

心痛又互
見前注

小閣低牕臥晏溫了然非默亦非言維摩示病吾真病
誰識東坡不二門

史記漢武帝紀至中山晏溫有黃雲蓋焉
如淳曰三輔謂日出清霽為晏晏而溫也

到穎未幾公帑已竭齋厨索然戲作數句

我昔在東武吏方謹新書齋空不知春客至先愁予采
杞聊自誦食菊不敢餘歲月今幾何齒髮日向疎幸此
一郡老依然十年初夢飲本來空真飽竟亦虛尚有赤
腳婢能烹鱸尾魚心知皆夢耳慎勿歌歸歎

白樂天詩渴人多夢飲饑人多夢食實積經說食者竟無所
飽夢飽者竟無所得韓退之寄盧仝詩一婢赤腳老無齒

景貺履常屢有詩督叔弼季默倡和已許諾矣
復以此句挑之

君家文律冠西京旋築詩壇按酒兵袖手莫輕真將種
致師須得老門生明朝鄭伯降誰受昨夜條侯壁已驚
從此醉翁天下樂還應一舉百觴傾

韓祭柳子厚文不善為斲血指汗顏巧匠旁觀縮手袖間漢齊悼惠王傳朱虛侯
章曰臣將種也又晉書胡貴嬪嘗與帝博爭道傷帝指帝怒曰真將種也周禮夏
官環人掌致師鄭氏云致其必戰之志左傳僖二十八年鄭伯如楚致其師唐書
選舉志舉人既及第綴行通名詣主司第則謂門生按將種謂兩歐陽門生則公
自謂也左傳宣十二年楚子克鄭鄭伯肉袒牽羊以迎漢周亞夫傳景帝詔使救
梁亞夫不奉詔堅壁不出夜軍中驚內相攻擊擾亂至於帳下亞夫堅臥不起頃
之復定亞夫封條侯醉翁歐陽公自謂也歐公寄蘇子美
詩我亦願助勇鼓旗噪其旁快哉天下樂一醕宜百觴

贈月長老

天形倚一筮。地水轉兩輪。五伯之所運。毫端栖一塵。功名半幅紙。兒女浪苦辛。子有折足鐺。中容五合陳。十年此中過。卻是英特人。延我地爐坐。語軟意甚真。白灰如積雪。中有紅騏驎。勿觸紅騏驎。作灰維那曠。拱手但默坐。牆壁徒諄諄。今宵恨客多。汙子白氈巾。後夜當獨來。不煩主與賓。蒲團坐紙帳。自要觀我身。

虞洪穹天論天形如筮而冒地之表晉天文志引葛洪渾天說云天如鷄子地如鷄中黃天表裏有水各乘氣而立載水而行周天三百六十五度半覆地上半繞地下走轉如車轂之運也傳燈錄汾州無業國師云看它古德得意之後茅茨石室向折脚鐺子裏煮飯喫杜贈閻丘師兄詩夜闌接軟語屢見紅騏驎獸炭也傳燈錄牆壁瓦礫亦能說法杜贊公房詩細軟青絲履光明白氈中深藏供老宿取用及吾身

次韻答錢穆父穆父以僕得汝陰用杭越酬唱

韻作詩見寄

大耿疲勞已離羣。小馮慈愛且當門。公自注軾本以舍弟親嫌請郡玉堂不

著扶犁手。霜鬢偏宜畫鹿幡。豪傑雖無兩王繼。風流猶

有二歐存。公自注兩王謂子直深父二歐謂叔弼季默清詩已入新歌舞。要使邦人

識雅言

後漢耿弇傳張步曰尤來大彤十餘萬眾吾皆即其營而破之今大耿兵少又皆疲勞足可摧乎注弇耿况之長子故呼為大耿小馮注已再見謝承後漢書鄭弘為臨淮太守行春有兩白鹿隨車夾轂而行主簿黃質曰三公車幡畫作鹿明府當為相乎後果為太尉

韓退之孟郊墓銘云以昌其詩舉此問王定國

當昌其身耶昌其詩也來詩下語未契作此答

之。王定國與吳正憲充馮文簡京素善而師友東坡舒亶輩欲傾二公因坡詩獄羅織定國遂南行萬里三年而歸司馬溫公當國深

器遇之東坡在翰林以人言力請郡去未幾定國亦報罷此詩自慎勿怨謗讒以下端為定國發也

昌身如飽腹飽盡還復飢昌詩如膏面為人作容姿不如昌其氣鬱鬱老不衰雖云老不衰劫壞安所之不如昌其志志一氣自隨養之塞天地孟軻不吾欺人言魏勃勇股栗向小兒何如魯連子談笑卻秦師慎勿怨謗讒乃我得道資淤泥生蓮花糞壤出菌芝賴此善知識使我枯生蕒吾言豈須多冷暖子自知

送歐陽推官赴華州監酒

我觀文忠公四子皆超越仲也珠徑寸照夜光如月好詩真脫兔下筆先落鵲知音如周郎議論亦英發文章

乃餘事學道探玄窟死為長白主名字書絳闕公自注歐寧之末仲純父

見僕於京城之東曰吾夢道士持告身授吾曰上帝命汝為長白山主此何祥也明年仲純父沒傷心清潁尾已伴白

鷗沒喜見三少年俱有千里骨千里不難到莫遣歷塊

蹶臨分出苦語願子書之笏

四子發伯和奕仲純葉叔弼辯季默史記田敬仲完世家梁王曰寡人國小也尚有徑寸之珠照車前後各十二乘者十枚三國吳周瑜精意音樂有關誤瑜必知之詳見廿六卷次韻王都尉詩注呂蒙傳孫權論蒙曰籌畧奇至可次公瑾但言議英發不及耳瑜字公瑾歷塊字出漢書王褒傳詳十二卷韓幹牧馬圖詩注晉輿服志古者貴賤皆執笏有事則書之釋名笏忽也教命及所啟白則書其上備忽忘也又法書苑秦有八體書其七曰及書徐錯曰書於及也文書笏武書及

十月十四日以病在告獨酌

翠柏不知秋空庭失搖落幽人得嘉蔭露坐方獨酌月華稍澄穆霧氣尤清薄小兒亦何知相語翁正樂銅爐

燒柏子。石鼎煮山藥。一盃賞月露。萬象紛酬酢。此生獨
何幸。風纜欣初泊。逝逃顏跖網。行赴松喬約。莫嫌風有
待。漫欲戲寥廓。冷然心境空。彷彿來笙鶴。

歐陽公顏跖詩顏回飲瓢水陋巷臥曲肱盜跖厭人肝九州恣橫行回仁而短命
跖壽死免兵愚夫仰天呼禍福豈足憑云云漢王褒傳偃仰詘信若彭祖响嗑呼
吸如喬松顏師古曰喬王喬松赤松子也莊子逍遙遊列子御風而行冷然善也
此雖免乎行猶有所待也屢見列仙傳王子喬好吹笙作鳳凰鳴於緱氏山頭乘
白鶴駐山嶺舉手
謝時人數日而去

獨酌試藥玉滑盞有懷諸君子明日望夜月庭

佳景不可失作詩招之

鎔鉛煮白石。作玉真自欺。琢削為酒盃。規摹定州瓷。荷
心雖淺狹。鏡面良渺瀰。持此壽佳客。到手不容辭。曹侯

天下平定國。豈其師一飲至數石。溫克頗似之。風流越
王孫。詩酒屢出奇。喜我有此客。玉杯不徒施。請君詰歐
陳。問疾來何遲。呼兒掃月榭。扶病及良時。

漢張釋之傳廷尉天下平也于定國傳為廷尉食酒至數石
不亂冬月治請獻飲酒益精明詩小雅人之齊聖飲酒溫克

歐陽季默以油煙墨二丸見餉各長寸許戲作

小詩

書牕拾輕煤。佛帳掃餘馥。辛勤破千夜。收此一寸玉。癡
人畏老死。腐朽同草木。欲將東山松。涅盡南山竹。墨堅
人苦脆。未用歎不足。且當注蟲魚。莫草三千牘。

漢公孫賀傳朱安世曰南山之竹不足受我辭斜谷之木不足為我械韓退之讀
皇甫湜詩爾雅注蟲魚定非磊落人史記滑稽傳東方朔初入長安至公車上書

凡用三千
奏牘再見

明日復以大魚為饋重二十斤且求詩故復戲

之

漢庭九尺人誰似老方朔那將一寸金令足三冬學餉
魚欲自洗鱗尾生卓犖我是騎鯨手聊堪充鹿角

漢東方朔傳初來上書曰臣年十二學書三冬文史足用揚雄羽獵賦乘鉅鱗騎鯨魚杜陵孔叟父詩若逢李白騎鯨魚道甫問信今何如歐陽公達頭魚詩吾聞海之大物類無窮極毛魚與鹿角一會數千百鹿角小魚也

和趙景貺栽檜

汝陰多老檜處處屯蒼雲地連丹砂井物化青牛君時
有再生枝公自注頽之靈壇觀有再生檜還作左紐紋王孫有古意書室延

孔子手植
檜文皆左

孔子手植

禮者勸兩字生枝

清芬應憐四孺子不墮凡木羣體備松柏姿氣含芝朮
薰初扶鶴立骨未出龍纏筋巢根白蟻亂網葉秋蟲紛
乃知蔽芾初甚要封殖勤他年皮三寸狐鼠了不聞

玄中記千歲之樹精化為青羊萬歲之樹精化為青牛秦始皇使人伐大樹有青牛躍出走入豐水青瑣高議亳州太清宮八檜有左紐煉丹等名王注杜甫有種四小松詩又管子對齊侯問苗曰苗始其少也煦煦乎其孺子也今栽檜亦適有四故云爾雅釋木柏葉松身曰檜漢晁錯傳胡貉之地木皮三寸冰厚六尺

上蘇詩卷之三十

四

方言補遺卷之六

